





F
I
>

11

12

CLYPEVS LAVRETANVS

aduersus

HAERETICORVM SAGITTAS.

AUTHORE

ABB. LVDOVICO CENTOFLORENIO

S. T. ac I. V. Doctore,

Et in Romana Curia

ADVOCATO.



*Dono datum ab Authore P. Franc. ab Annunziat.^{no}
qui in Bibliotheca Romana
Scholar. Piaru^m
Publice tradidit commoditati, ac usui*

2727111
Imprimatur & videbitur Reuerendiss. P. Mag. Sac. Pal.

I. B. Episc. Cam. Vicesg.

Imprimatur.

F. Reginaldus Luccarinus Sac. Pal. Ap. Mag.

CONFIRMATION DE LA FACULTÉ DE
THÉOLOGIE DE LA VILLE DE
BORDEAUX
LE 10 JANVIER 1874

Le Recteur de la Faculté de Théologie de la Ville de Bordeaux,
M. L. Luccarinus,
a été autorisé à signer le présent acte de confirmation.



Roma. Typis F. Caballi 1643 Superiori permisso et cum Privilegio in cal.
de Opera

Sanctissimo D. N.
VRBANO VIII
PONT. MAX.

Ludouicus Centoflorenius Fel.



VB auspicijs non
tantum LAVRE-
TANAE VIR-
GINIS, cuius erit,
Domus suæ verita-
tem ab illam oppu-
gnantibus vindicare; Sed etiam tuis
(B. P.) quem ad reprimendos Hære-
ticorum conatus præstantissimum,
Deus Ducem adsciuit, hæc Clypea-
ta Turris erigitur. Sanctitati tuæ,
cuius ab ore anceps in hæresim gla-
dius exit, LAVRETANVM
offero CLYPEVM, vt terribi-
lior

lior hostium oculis obuerfetur , tuo
augustissimo insignitus Nomine . In
hoc non Leonino capite exculptus
terror , vt in Agamennonis ; Sed
Leonis Daudici Vicaria potestas :
Non Neptunus , vt in Argolico-
rum ; Sed Petrus alter Nauiculæ in-
fidens suæ . Non Pallas , vt in Tra-
ianorum , aut quid simile in Clypeis
Poetico confictum ausu ; sed ipsa Sa-
pientia, ipsa Veritas , qua omnia vin-
cuntur , extabit : Tuiquæ Nominis
collucens lumine , propellet iñus , &
impellet ; nec tam contortas hostium
Sagittas propulsabit,quàm eius splen-
dore repercusso Aduersariorum ocu-
los obtundet . Et si aureus Ducis
Clypeus, ad solis radios inardescens,
instar Cometæ, fugam hostibus por-
tendebat, & clades ; non imparem
sibi viui Clypeus hic sperat, in quem
solares vibrabis tuæ radios Maïesta-
tis.

tis. Cæterum non ego cum Epami-
nonda aut Clypei, aut personæ ca-
sum timeo; Certam etenim, ac glo-
riosam, tanto præsertim sub patroci-
nio, victoriam sperare licet, vbi Re-
ligio, Authoritas, Veritas prælian-
tur. Sanctitatem tuam Ecclesiæ suæ
diutissime seruet Deus. O M 1



Emi-

Em.^{mo} ac R.^{mo} D. Card.^{li}

ANTONIO BARBERINO

S. DOMVS LAVRETANÆ
PROTECTORI.

Ludouicus Centoflorenius Felicit.



AVRETANÆ DOMVS
Veritas (EMINENTISSI-
ME PRINCEPS) se ipsam
tuetur. Pugnandum ta-
men, Pugnandum: & ab
Hæreticorum ætatis no-
stræ iniurijs vindicanda.
Ob quam rem non Illi

tantum, quem sibi in terris cælestia cuncta ele-
gerunt tutelarem; sed tibi quoque, cui præci-
puè tantæ Domus est credita defensio, LAV-
RETANVM offero CLYPEVM. Purpuræ
illum Tux superindui non dedigneris, quem
per me parari dedignata non est ipsius Verita-

tis

tis Virgo Parens . Domum Nazarenam verè
Floridam Apes tueantur , quarum Prouincia
Flores . Volanti Milite Domus illa valletur quæ,
cælestium alarum remigio longè peregrinata,
tandem Piceno confedit in littore . Sentiat Hæ-
reticus , Barberinas Apes non aculeis dum-
taxat vulnera infligere , verùm etiam tutelari-
bus , quibus defendimur , alis Catholicæ Reli-
gionis hostes insectari . Non ego Spartanum
illud indico : Aut cum hoc , Aut in hoc ; feli-
cissimum enim , Drusi Imperatoris exemplo ,
Apum auspiciū victoriā pariter promittit ,
ac triumphum . Vale , & viue feliciter ,



P R A E F A T I O

ad Lectorem.



AVDIERAM (candide Lector) Hæreticorum aliquot hac nostra ætate non defuisse, qui in Almam Laureti Domum ausu planè impio, ac sacrilego maledicta plurima contulerint: Nosque Domum illam venerantes, in qua salutis nostræ extitere primordia, adhuc vehementer confictis probris derideant. Verùm, cum ignorarem, quænam ab ipsis potissimum obijcerentur, cum se se mihi primum præbuit occasio colloquendi cum Adm. R. Padre ex seueriori B. Francisci familia, quam Capuccinorum appellant, Fratre Didaco à Ciuitate noua, amantissimo quidem Cive meo, suæque Religionis in Sabaudia Prouinciali, Apostolicisque Missionibus apud Geneuenses vigesimum iam annum Præfecto, illum rogavi, ut, ijs permittentibus, penes quos est facultas, quæ impiè dicta in sacram Laureti Domum in diuersis codicibus dispersa inueniret, ad me transmitteret exscripta, cum præcipuis, quibus nituntur, contumeliarum fundamentis. Quod quidem humanissimè, ac diligentissimè præstitit, transmissis oppugnationibus, ad triginta duo redactis capita. Vnde mihi non leuis ansa data est, deridendi aduersariorum leuitatem, animaduertenti, ab illis omnia prorsus negari, nonnullis in medium adductis causis, quas, si tu lector expende-

ris,

ris, te mihi socium in eorum derisione adiicies: Indeque factum, ut qui ea de re nonnihil scribere decreueram, perlectis eorum obiectamentis, respondendi pene consilium abiecerim. Quorsum enim laborem vltro subirem, vnde nulla cum Catholicis, cum Hæreticis amansset utilitas? Non Catholicis, quia, apud hos, qui hæc optime norunt, nihilque ambigunt, veritate semel reperta, vkeritis discutere, mendacium esset affectare: & in meridiana luce lumen, adhibere vel exiguum, dementia censeretur. Non, Hæreticis, quia hi Iudaicæ emulatores peruicaciæ, ut S. Pontifex Hormisda egregiè aduertit, eius sunt propositi, ut velint potius dubitare, quàm credere: certare, quàm nosse: sequi dubia, quàm seruare decreta. Re tamen maturius perpenſa, respondendum omnino censui, tum ad Pusillorum scandalum, deceptio nemque vitandam, tum ad ipsius rei veritatem dignoscendam: magis secundum Diui Augustini doctrinam, aientis: * Multa quippe ad fidem Catholicam, pertinentia, dum Hæreticorum callida inquietudine, agitantur, ut aduersus eos defendi possint, & considerantur diligentius, & intelliguntur clarius, & instantius prædicantur. Tum demum, quòd singularis meæ Prouinciæ in S. Domum pietas hoc à me suo quodammodo iure videtur exigere. Repetitis hanc ob causam veterum Hæreticorum decantationibus non multum restiti, quando illæ exactissimè fuerunt ab alijs pertractatæ, easque victrix semper Ecclesia tutis propulsauit antidotis. Veterum precipuè testimonia in medium protuli, & oppugnata capita declarauit quòd potui clarè, exilique verborum apparatu; non eorum immemor, quæ D. Hieronimus ait: * De Hebraicis scriptis disputantem, non decet, Aristotelis ar-

In Ep. ad
Iulianum
Imperat.

Lib. 16. c.
2. de Ciu.
Dn.

Tom. 3. q.
2. ad Va.
masum.

gumenta conquirere, nec ex flumine Tulliano elo-
quentiæ ducendus est riuulus, nec aures Quintiliani
flosculis, & scholari declamatione mulcendæ: Pede-
stris, & quotidianæ similis oratio necessaria est, quæ
rem explicet, sensum edisserat, obscura manifestet,
non quæ verborum compositione frondeſcat. * Ha-
ctenus ille. Proindeque, si quid tuis ingratum auri-
bus perlegeris, excuses opto: & quod sentiebat Si-
monides, rei substantiam, non accidentia, velut Apis
argumentosa, decerpe.




S. DOMVS
LAVRETANA.



NATALIS est B.
Virginis Ædes, cæ-
lesti Nuncio, diui-
næque Sobolis con-
ceptu inclyta. Hęc
Nazarethi olim ma-
gno in honore, ac veneratione ha-
bita, & ab Helena Augusta Templo
circumdata, die 6. Maij anni 1291.
in Europam primò inter Tersactum,
ac Flumen Dalmatiæ Oppida: de-
inde in Italiam, ac Picenam Prouin-
ciam 10. Decembris anni 1294. in
Recinetensis Agri siluam piæ soemi-
næ, Laureta, nuncupatæ, à qua & no-
men accepit, diuinitus transuecta
est: fundamentis iterata diligentissi-
ma inquisitione recognitis, Nazare-
thi

thi relictis. Tandem, loco, eodem
anno antea in Collem, ac postea in
publicam eiusdem Agri viam com-
mutato, in eo, quem sibi delegit, tre-
centorum, & octo supra quadragin-
ta annorum spatio maximis, innume-
risque à Deo signis illustrata, ab vni-
uerso Catholico Orbe religiosissime
colitur.



SAGITTÆ HÆRETICORVM

Contra

S. DOMVM LAVRETANAM.

I.



Rimum Lauretana Historia Scriptorem offendere, barbariem tunc temporis non minus de literarum elegantia, quàm de veritate triumphasse.

II.

Non probari Nazarethi extitisse Domum titulo Annunciationis Beatissima Virginis insignem.

III.

Annunciationem contigisse in Domo S. Iosephi, non autem Beatissima Virginis ex Euangelista, referente, S. Iosephum voluisse dimittere eam: & Nicephoro, dicente, illam cum Ioseph domicilium habentem latum accepisse Nuncium.

IV.

Non constare de Translatione aliàs incredibili S. Domus.

V.

Antiquiores Historicos de hac Translatione non meminisse.

VI.

Beckes iasticos Praefules, in seculari illius Ciuitatis regimine, in quod de facto se ingerunt, interesse habentes, nullam fidem in hoc mereri.

VII.

Attestationes Romanorum Pontificum, Primatum sibi vniuersalis Ecclesia usurpantium, sufficientem Miraculò fidem non facere.

Me-

VIII.

Meliorē, ac saniorē Europa partē Miraculo semper contradixisse.

IX.

Ipsosmet S. Domus Ministros adco de veritate Translationis dubitasse, ut de illa Damones in obsessis requisiverint.

X.

Tabulas votivas miraculorum, etiam Demonibus familiarium, non bene in confirmationem S. Domus offerri.

XI.

Oblationes, ad excitandos oblatores effictas, & inscriptionibus ostentatas, nullum gradum probationis facere.

XII.

Plurima intra, ac circa S. Domum contra usum antiquæ Ecclesiæ etiam de die ardentia lumina augere potius tenebras, quàm lucem asserta Translationis.

XIII.

Plerosque Lauretum concurrere inant indulgentiarum spe.

XIV.

Ridiculum esse, exteros etiam mortuos ad Lauretanam Ecclesiæ ob eius sanctitatem sepeliendos deferri voluisse: multaque solemnitate fuisse sepultos.

XV.

Antiquum S. Domus cultum nouo, improbatoque peregrinationum usu frustra probari.

XVI.

Recentem S. Domus cultum nisi Peregrinis nouo eos illic hospitandi inuento illeclis:

XVII.

Catholicam fidem, ob cuius cessationem, ut dicitur, Translatio contigit, sexcentos ante annos ob Sectæ Mahomettana introductionem in Syria defecisse.

Re-

XVIII.

*Reuelationes de hac S. Domo in somnis habitas esse
omnia.*

XIX.

*Inuerisimile esse, Marchia Prouinciam sexdecim viros
ad explorandam translationis veritatem in Dalmatiam,
& inde in Syriam misisse ob sola Eremita verba.*

XX.

*Domunculam hanc esse Domum paternam Beatissima Vir-
ginis refelli conditione sancti Ioachimi aequè diuitis,
ac nobilis.*

XXI.

*Inuerisimile esse, Domunculam huius qualitatis inter mul-
tas Galilea deuastrationes magnificentioribus superstitif-
se adificijs.*

XXII.

*Cernit intra parietem S. Domus existentis formam, cu-
ius Vitruuius, vel alius eius temporis Scriptor non
meminit, conuincere, hanc non esse Beatissima Virginis
Domum.*

XXIII.

*Consecrationem Apostolicam huius Sancta Domus in Ec-
clesiam refelli non esse tunc temporis Ecclesiarum, &
preteritione S. Luca Scriptoris Actuum Apostolicorum.*

XXIV.

*Diuina Officia, adhuc in Ecclesijs minime instituta, non
potuisse ab Apostolis in hac S. Domo recitari.*

XXV.

*Gratis asseri, Apostolos hic posuisse imaginem Beatissima
Virginis, contra Exodi prohibitionem.*

XXVI.

*Crucem adorari adhuc minime captam, non potuisse hic
ab Apostolis collocari.*

Nec

XXVII.

*Nec quidem Campanulam potuisse ibi ab Apostolis poni
tempore, quo non dum erat in usu.*

XXVIII.

*Lapides, & Calcem S. Domus neutiquam debere pro Sacris
reliquijs haberi.*

XXIX.

*Mirum videri, S. Domum constitui etiam ad dexteram
Sanctissimi Sacramenti summam apud nos venerationis.*

XXX.

*Ridiculum esse, quod dicitur, fuisse diuinitus defensam
S. Domum, temporalibus armis, etiam Ecclesiis interdi-
ctis, munitam.*

XXXI.

Festum Translationis S. Domus sine ulla ratione celebrari.

XXXII.

*Idolum Lauretanum esse maius omnibus Idolis Christiano-
rum.*



CLYPEVS LAVRETANVS

Aduerfus Hæreticorum Sagittas .



Quæ in veritatem sacræ Lauretanæ Domus
Hæretici impiè eiaculantur ,
hæc sunt.

SAGITTA I.

*Primum Lauretanæ Historia Scriptorem ostendere , barba-
riem tunc temporis non minus de Literarum elegantia,
quàm de Veritate triumphasse .*

CLYPEVS .



RIMVS vt moueatur la-
pis, arguis falsitatem Histo-
riæ à Scriptoris barbarie.
Quam intelligis in Histo-
rico nostro barbariem? An
quod verborum delectum
minus habuerit? conce-
damus: Quod verba im-
propria adhibuerit, minusque latina? & hoc

A

con-

concedamus. Quid inde concludis? Ergo historia non est vera? Optima. sanè argumentationis conclusio: Ille barbarè loquitur; Ergo verum non dicit. Quis te docuit hanc dialecticam? & à quo vnquam est huiusmodi datum præceptum, vt si quis velit historiam contexere, illam delectis in latinitate verbis explicet; aliòquin fidus veritatis interpres minime censeatur?

Cic. 2. de
Orat.

Scimus, Primam historiarum legem esse, ne quid falsi dicere audeat: deinde ne quid veri non audeat: ne quæ suspicio gratiæ sit in scribendo, ne qua simultatis. Prima, inquam, historiarum lex, ne quid falsi dicere audeat: Sin autem quis factum refert simplici oratione, quod verba elegantiora ignoret, quod Ciceronem non imbibit, neque Salustium, neque Liuium, dummodo ne quid falsi proferat, legem semper seruabit historiarum. Præsertim, quia, vt inquit Au-

De doct.
christ. li.
3. c. 10.

gustinus * In verbis debemus verum amare, non verba; Quid enim prodest clavis aurea, si aperire, quod volumus, non potest? Aut quid obest lignea, si hoc potest, quando nihil quaerimus, nisi patere quod clausum est.* Qui etiam

cap. 5.

lib. 8. con
tra gent.

alibi, ornamenti genus esse ait non mediocriter, verborum ornatum contemnere. Cum quo consentit Arnobius, qui * Veritatis (inquit) species,

cies,

cies , & pulchritudo fuco , non indiget peregrino .

Sed quid mirum , si barbariem ostendere , dicant primum Lauretanæ Historiæ scriptorem , qui aures habentes delicatiores , quàm sancti , veteresque Patres , etiam antiquissimam Sacrarum Paginarum versionem , simplici stylo conscriptam (sic Deo iubente , qui illam Theologiam vult sapere , non Grammaticam) refellunt : ac recentissimam Bibliorum versionem eam tantummodo agnoscunt , quàm vel nescio quis Sebastianus Munsterus , vel Oecolampadius , siue Tigurina , siue Geneuensis schola proponit ; quæ sonantibus quidem constat Ciceronianis , Plautinisque verbis , succum autem nullum , seriem bene ductam nullam , nullum denique sensum habet . Ita semper in solo verborum cortice morantur Hæretici , & eloquentiam factitant , dum sapientiam pessundant .

Adijcis , barbariem tunc temporis de literarum elegantiâ triumphasse . Quid interest , si verum est , quod refertur , in quo veritas triumphat ? non quidem phaleratis Tullianæ eloquentiæ equis , falcatisque curribus dialecticarum , decipularum , legentium ingenia confudentium , mendaciaque , & errores callidis verborum inuolucris contegentium (quod facere

Ibid. 19.

Ibid.

vel inuiti coguntur, quibus veritas non suffragatur.) *Non in curribus, non in equis, sed in nomine Dei nostri, qui est ipsa per essentiam veritas, ambulamus: *Ipsi obligati semper fuerunt, & ceciderunt: Nos autem surreximus, & erecti sumus.

Non inanem sæculi pompam, sed nostrorum fidelium utilitatem præ oculis habuit Historicus noster: Non Tullij, sed Christi ante oculos exemplar habens scripsit; sciebat enim quod semper

Horat. de
Arte,

Ornari res ipsa negat, contenta doceri:
Nec ignorabat, exultam, & accuratam orationem paucis prodesse, si tamen prodest; multo autem pluribus simplicem hominum sermonem tam stylo, quàm rebus ad captum vulgarem se attemperantium proficere: Imò verò res ad fidem spectantes, Apostolo teste, non in persuasibilibus humanæ sapientiæ verbis, sed in ostensione spiritus, ac virtutis consistere: & Deum ipsum sapientiam sapientum, & prudentiam prudentum disperdere.

2. Cor. 2.

Desine igitur quisquis es, simplicem, & incomptum Lauretanæ Historiæ stylum, eiusque Auctorem aculeato scommate carpere, & genuino dente rodere, dum eius veritatem, ut constabit inferius, labefactare nequis.

Quod

Quod si his minime acquiescis, adhuc in promptu est, ostendere, ex rudi hac, vulgariq. descriptione huic Historiæ maiorem conciliari fidem; propter quod. de industria fortasse illius Auctor tali est usus dictionis genere; Lucianus enim benedicendi arte instructissimus*: Al-
De conscrib. histor. Comment.
 lucinantur, ait, qui vtile, ac iucundum requirendum censent in historia: & adulterinam ostendens ipsorum diuisionem, deridet historiam, quæ alis eloquentiæ se efferens, vertitur in præconium: Subditque*, Vnum enim opus est historiæ, & vnus finis utilitas, quæ ex sola veritate conciliatur; iucundum verò, si, & ipsum sequatur, melius quidem est, perinde ac si forma, aut pulchritudo Athletam; & pergit laudare dictionem humi incedentem, & pulchritudine, ac magnitudine eorum, quæ dicuntur, elatam.

Huic adstipulatur Plinius, qui: * Orationi (inquit) & Carmini, adest pauca gratia nisi eloquentia sit summa: Historia quoquo modo scripta, delectat: Et infra ostendens, Orationi, & Historiæ multa esse communia, plura tamen diuersa in his ipsis, quæ communia videntur. * Siquidem (sequitur) narrat illa, narrat hæc: huic pleraque humilia, & sordida, & ex medio petita: illi omnia recondita, splendida, & excel-

sa.

Li. 9. ep.
8. ad Capitonem.

sa conueniunt: hanc sæpius ossa, muscoli, nerui: illam tori quidam, & quasi iubæ decent: hæc vel maximè vi, amaritudine, instantia: illa tractu, & suauitate, ac etiam dulcedine placet: postremò alia verba, alius sonus, alia constructio. Hactenus ille.

Indeque fit, vt nostrorum Martyrum acta, dictaque à Notarijs tunc fideliter scripta, à fidelibus pacis tempore magno redempta pretio, & exscripta, clariora quidem sint, & gratiora alijs quibusuis licèt veris, pigmentis tamen eloquentiæ circumlitis; etenim omne, quod fucatum est, suspectum redditur, & verum non semper creditur, quod magna artis industria concinnatur: contenta namque nitore suo veritatis pura simplicitas, eò pulchrior, quò incultior recte sentientibus esse solet: Deprauati enim stomachi est, delicias in cibis inquirere: & quod non stimulat orexis, illam cupedijs allicere, non optimæ esse habitudinis demonstrat. Id quod felicissime exprimitur carminibus à Sanctissimo D.N. VRBANO VIII., dum in minoribus esset, editis, in hæc verba:

De S. Io.
Bapt. Ode
Stroph. I.
in fine.

Crinibus aureis,
Fronte serena,
Formosisq. genis, oculisq. micantibus, vllò
Non compra fuce Veritas coruscat.

Ex

Ex quibus patet , quo iure Aduersarij nostri in historia nihil de veritate laborantes , barbariem redarguant scribentis : & hinc falsitatem asserant coniiciendam ; perinde ac nisi eloquenter dicta , cuncta sint falsa , & inania . Contra quos etiam Ambrosius inquit : * Maior est ambitioso eloquentiæ mendacio simplex veritatis fides : deprauati (quippe) est intellectus in veritate perquirere signa : dissoluti pectoris , in rebus serijs quærere voluptatem . Proindequæ Cyprian. * Accipe (inquit) non discreta , sed fortia : non ad audientiæ popularis illecebram culto sermone fucata ; sed ad diuinam indulgentiam prædicandam nuda veritate simplicia . * Eusebius , ac Hieronymus Egesippi historiam ab eius simplicitate commendarunt . Et scriptores omnes seriò aduertunt , habenis , ac fræno indigere historicæ veritatis orationem , ne ex eius arcto , rectoque tramite in latum laudationum campum soluta profiliens , quæcunque grata , atque auribus videntur iucunda , usurpans , nullo rerum habito delectu , commentitia plerumque veris admisceat .

Quid ergo ? Vellet adhuc Aduersarius , Ciceronianis flosculis Lauretanam Historiam ab eo , qui primus retulit , exornatam ad nos fuisse transmissam ? Si id accidisset , crederet ne ?

nisi

S. Ambr.
de Abra-
ham Pa-
triarch.

Ep. 2. ad
Donat.

Bar. ann.
167.

nisi scribentis barbariem posset incusare (veritatem enim, quam vel orbus intuetur, non potest) aliud obiectaret. Quod si argumentis elucidaretur; ad aliud iterum, veritatis agnitionem vitaturus, dissensionis litus appelleret: & sic deinceps in peruiacia semper obfirmato animo persisteret. En aliud proponit ridiculum.



SA-

LAVRETANVS. 9

SAGITTA II.

Non probari extitisse Nazarethi Domum titulo Annunciationis Beata Virginis insignem.

C L Y P E V S.



DVERSARII (quæ se
Candide Lector) singilla-
tim verba perpendito, e-
iusque in omnia executio-
do diligentiam, qui vel
acum (vt Plautinus Mes-
senio) si quæreret, inue-
niret, aduertito. Nô pro-

bari (inquit) Nazarethi extitisse Domum titu-
lo Annunciationis: & ne lapidem impingat of-
fendiculo, addit, insignem. Proh acutum ho-
minem! Si Nazarethi non extitit Domus titu-
lo Annunciationis: Vbi nam Virgo ab Angelo
salutata? Genevæ fortasse, an. Vuittembergæ?
Potestne absurdius quicquam, magisque ridi-
culum obijci? Cuiusnam sunt hæc? Missus est Luc. 1.
Angelus Gabriel à Deo in Civitatem Gali-
leæ, cui nomen Nazareth? Præliga quippe
mente Evangelicus Scriptor nomen Vbi im-
posuit, addita etiam Prouincia, vt argutiam

B

tuam

Matt. 1.
Marc. 1.
Luc. item
2.

tuam vel Puer paruulus infringat. Cœtera perlegito : * Ad Virginem desponsatam viro , cui nomen erat Ioseph de domo Dauid , & nomen Virginis Maria : & ingressus Angelus ad eam * & quæ sequuntur.

Hom. in
Luc. c. 1.

vbi sup.

Dicas obsecro , quò tu Angelum fuisse ingressum putas sensisse Euangelistam? in siluam, in agrum, in specum? fortasse in forum, vbi Virgines honestatis amantes versantur? In domum certe fuit ingressus Angelus, in cuius penetralibus (teste Ambrosio) ab eodem ipsa Virgo reperta, non alibi. Cuius quidem Nazarenæ Domus mentionem faciunt Euangelistæ.

At fortassis interpretationem nostram deridendo, clam respondebis, non te improbare, Nazarethi extitisse Domum Virginis: quod qui veller refellere, Soli claritatem denegaret; sed minus probare, ibidem extitisse Domum titulo Annunciationis Beatissimæ Virginis, scilicet Templum sub huius inuocatione Mysterij.

Ad quod ego, quando nulla, inquam, huius rei extarent monumenta: quando nulla veterum scriptorum, eorum præcipuè, qui sancta loca illa semper inhabitauerunt, testimonia reperirentur; Num credis, illius temporis Fideles post Christi in Cælum ascensum, qui plurima in ijs locis, vbi aliquod operum ipsius vestigium

gium relictum fuerat, erexere Sacella, ad memoriam in animis Fidelium renouandam; eo in loco Sacellum erigere oblitos, vbi Christus Virgineo fuerat conceptus vtero, vbi educatus, vbi Deus sub humanis artibus tam diu latuerat? Tu ipse fatere, num hæc potuerit inobscurare insignis obliuio.

Et si, pluribus omissis, vt narrat Nicephorus, Petri Domus in Templum sub eiusdem Principis Apostolorum denominatione fuit conuersa ob memoriam tantum Petri, Fideles tu obliuione tactos putabis, quò minus Domum illam Virginis, in qua diuina facta fuere mysteria, in qua per tot annos ipse Deus mansit, quam manu tetigit, præsentia sacrauit, in Templum verterint? Quotus es ipse, qui hæc aduersaris, vt hæc minus agnoscas. Quo pacto parietes illi tantæ Maiestatis conscij, tot arcanorum inter Virginem, ac Filium paruulum, & adultum participes, obliuione eorum, qui tunc temporis erant, & qui sæpius, & viderunt, & obortis lacrymis illos deosculati sunt, sepulti esse potuerunt?

Quod si coniectura hæc tanti ponderis, ac momenti te minus conuincit, accedamus ad Illustrium virorum testimonia, & videamus, an his fortasse victas manus dare velis. Audi Paulum

Lib. 5. hi-
stor.

Serni. de
S. Ludoui-
c. Gallo-
rū Rege.

Æmilium referentem, Donum hanc Nazarethi in magna semper veneratione fuisse Peregrinorum non solum Asiæ, sed etiam Africæ, & Europæ. Necnon Theodorum Clitonaum, narrantem, Sanctissimum virum Ludouicum, dum sacra loca in Palæstina venerabundus lustraret, è monte Thabor Domum hanc à longe prospicientem, de equo statim desilisse, & reliquum viæ pedibus confecisse, multisque ibi editis eximie pietatis, ac religionis argumentis, in ipso Annunciationis anniuersario die sanctissimum sumpsisse Eucharistiæ sacramentum.

Vide Iacobum de Vitriaco, Romanæ Ecclesiæ in Syria Legatum, tum ad Episcopatum Aconensem assumptum, & tandem inter Purpuratos Patres adscriptum, eiusdem Urbis Patriarcham acclamatum, in sua Terræ sanctæ descriptione narrantem, se eodem Diuini Verbi Incarnationis sacro die in ea Domo, quam tu officians, & allucinatus negas, Religionis ergo Diuinam rem facere sæpius consueuisse. Floruit anno à Christo nato ducentesimo trigesimo primo supra millesimum, quando nondum translata sacra Ædem fuisse haud ignoramus.

Lege tandem Guillelmum Tyri Archiepiscopum, Regni Hierosolymitani Cancellarium,

&

& Laterani Concilij, quod anno Christi 1178. Romæ à trecentis Patribus celebratum est, à secretis, qui Belli sacri historiam viginti tribus libris absoluit; quibus semper apud eruditos magna accessit auctoritas: Hic eandem Ecclesiam testatur, ob eius sanctitatem, & famam in Metropolim fuisse erectam: atque Tancredum Principem Galilææ Præsidentem, eam multis prædijs, mirum in modum locupletasse. Cui sanè Domui, nisi ex certâ traditione eo tempore constitisset, eandem fuisse Virginis, Christique domicilium, haud cerè tantum impertiti fuissent honoris, ut tot prædia attribuerent.

His adde Brocardum, qui anno Christi 1283. post multam, & diligentem eius Urbis, ac terræ indaginem, antiquarumq. ruinarum inspectionem, eam accuratissimè per itinera loco capitum descripsit: Bernardum de Breindebarch, & Bartholomæum à Saligniaco, aliosq. plures, quorum scripta vnanimi consensu antiquissimum huius sanctæ Domus cultum, venerationemq. testantur.

Et si recentium fides tibi suspecta est, percurrere Nicephorum; ubi de Helena Augusta, Constantini Magni Parente ait: " Helena Orientem versùs descendens, Nazareth peruenit,

nit : & salutationis Angelicæ Domo reperta,
Dei Genitrici peramœnum excitauit Tem-
plum*. Quod fuit irrefragabile eiusdem cul-
tus testimonium, donec ob sanctæ Domus
translationem apertum est, ac deinde ab ip-
sismet Barbaris dirutum ad supremam, quan-
tum in eis erat, tanti miraculi memoriam
delendam, ac obliterandam.

Ep. 17. ad
Eustoch.
de vita S.
Paulæ.

De locis
Hebraic.

De Actis
Apost.

Quòd si etiam antiquiorem velis, sanctum
Hieronymum obserua, qui paulò post Aposto-
los, eorumq. Discipulos floruit, & plurimos in
Palesstinæ regione exegit annos: Is cum de
Paulæ peregrinationibus loqueretur, ait: * In-
de cito itinere percurrit Nazareth nutriculam
Domini. * Num ad Urbem dumtaxat perui-
sendam? cum eius tempore Viculus tantum
esset; vt ipse idem testatur: * Est autem (inquit)
vsque hodie in Galilea Viculus contra legio-
nem in quintodecimo eius milliario ad Orien-
talem plagam iuxta montem Thabor nomine
Nazara*. Certe Urbem, siue Viculum à lon-
ge satis erat prospicere, nisi aliquod ibi fuisset
celebrius monumentum, ad quod Paula
percurrere debuisset.

Et apud eundem in Opusculo, quamuis
illi supposititio, diligentis tamen, veterisque
Authoris, hæc leguntur. * Nazareth Viculus

in

ni Galilea iuxta Montem Thabor, vnde & Dominus noster Iesus Christus Nazarenus vocatus est: habetque Ecclesiam, in loco, vbi Angelus ad Beatam Mariam euangelizaturus intrauit.*

Atqui argumentationis punctum penè oblitus præterieram, in quo fortè vim esse magnam ducit Aduersarius: dicit enim, non probari extitisse Nazarethi Domum titulo Annunciationis Beatissimæ Virginis insignem: Isthæc vox, insignem, aliquid certe innuit. Videtur enim quodammodo assentiri, Domum aliquam titulo Annunciationis extare, sed minime insignem: Nempe non ibi Ædes instar Ephesini Templi: non ibi Templum Salomonis. Et nos vnà tecum in eandem sententiam euntes, fatemur, Domum illam humilitate contentam sua, sanctitatis amplitudinem, quolibet parietum spatio insigniorem, ostentare maluisse: Sed quid inde?

Quid vacillas? quid hæres? facis ne tibi videatur probatum, Nazarethi extitisse Domum titulo Annunciationis, & quidem sanctitate insignem? Quod si credis: conuictum te, & apertissimo Euangelij testimonio, Sanctorumque, veterum Fidelium obseruantia, & historiarum fida relatione, fatere.

SA-

SAGITTA III.

Annunciationem contigisse in Domo Sancti Iosephi, non autem Beatissima Virginis ex Euangelista referente S. Iosephum voluisse dimittere eam: & Nicephoro dicente, illam cum Ioseph domicilium habentem letum accepisse nuncium.

C L Y P E V S.



VID. tandem, si non fuerit Domus hæc Beatissimæ Virginis, sed Iosephi? Numquid propterea illam minore honore dignam censebis, dum modo in ea sacrum Annunciationis mysterium consummatum fuisse non negaueris? Licet enim S. Domui non parum dignitatis ex hæreditaria Beatissimæ Virginis possessione accrescat; tanta est nihilominus excellentia, quæ ex diuinissimo Incarnationis Sacramento in eam derivatur, ut alia quælibet vel magna nihili præ illa facienda videatur.

Atqui tecum non in istam descendo sententiam; nam si bene Euangelistæ verba per

te allata perpenderis, non bene, iudicio meo, arguis: S. Iosephus, cognito, quod B. Virgo haberet in utero, voluit eam dimittere. Ergo Domus non Virginis, sed Iosephi. Vnde hæc tibi sequela? Certe ex verbo dimittere, si latinitatem calles, illa quidem capienda non est; nam dimittere non est semper alicui potestatem facere abeundi à loco, qui sub dimittentis dominatu est; sed relinquere, Cicerone teste: repudiare, teste Suetonio.

Præsertim quia non desunt, qui velint, Iosephum Bethleemitam, non Nazaræum, ex Patria ob bellorum sæuitiam, ob Romanorum dominantium tyrannidem, ob vectigalium impositionem minus ferendam, siue aliud huiusmodi, in Galilæam (sub Herodis tunc erat dominatu illa Prouincia; quem Hebræi quamuis Idumæum æquiores erga se, quàm Romanos Proconsules, censebant) secessisse, & Nazarethi lignariam exercuisse, Deoque Optimo Maximo ita annuente, Virgini diuinitus Sponsum delectum, ad eius Domum iuisse, & ibi cum ea cohabitasse: Quando hoc in more positum fuit apud Hebræos, ut Viri ad Vxorum domos accederent, deinde illas in paternas traducerent. Vnde in sacris paginis legimus Iacob in Gen 31.
domo Laban Soceri sui viginti annos immora-

C

rum

Gen. 31. tum fuisse: & Moysen, in domo Iethro Sacer-
Exod. 2. dotis Madian plures transegisse annos.

Ad quod credendum ducimur etiam Euan-
Matt. vbi gelista verbis: * Et nollet eam traducere *. Ergo
Iu. ex domo Virginis, in qua per illud tempus cum
ea fuerat commoratus, in aliam domum, quam
ipse fortassis ibidem habebat, (quamvis qui do-
mum non haberet in Patria, multò minùs cen-
sendus sit in aliena possedisse) vel conduxerat.

Nec verba ex aduerso ponderata ad rem sunt,
vt credamus, S. Iosephum Virginem Sponsam
suam domo eijcere voluisse; sed quod profun-

Epist. 14. diffimi in ea celebrati mysterij esset ignarus,
& Ier. 16. ne de fama illius vel minimum detraheret, oc-
de Verb. culte cum ea diuortium facere statuisse. Ita
vbi, & S. August. Cum quo consentiunt S. Ambros.
serm. 14. de Natiu. Domini.

Iustinus, Cardinalis, Caietanus, & alij. Quare
cap. 1. de & quæ sequuntur Angeli verba: * Noli timere
Instit. Vir & accipere Mariam Coniugem tuam *: ab eodem
ginis, & homil. 6. Sancto Ambrosio, Chrysostomo, Theophilato,
in Euang. & Euthimio hoc ferè modo explicantur: * Noli
in dialog. timere, tecum habere Coniugem tuam, & cum
contra Tri illa simul viuere *.
phonem.

in eumd.
euag. loc.

Diuortium etiam fieri consueuisse non so-
lùm ab ipsa Sponsi domo, mulierem ablegan-
do; sed etiam ipsius Sponsi recessu à Sponsæ do-
mo, satis aperte diuina eloquia testantur, vbi

Sam-

Samphonem iratum inducentes, quod Vxor, quam in Thamnata acceperat, amulis Problematis solutionem indicasset, à Söceri domo in domum Patris sui secedentem, occasionem eidem Socero præbuisse narrant, sibi certo persuadendi Generum cum Filia fecisse dinortium; quo factum fuit, vt illa Patre auctore alteri nupserit Viro. Quid ergo? Voluit occulte dimittere eam, erit apud te, secundum interpretationem tuam: Voluit occulte eam à domo sua foras mittere, siue ad paternas ædes remittere?

Et ne vel ea saltem dignitate, quod Virginis fuerit, Sanctam Domum à te frustratam glorieris, Eusebium Emisenum auscultā constantissime testantem, Beatissimam Virginem, vt potè suorum Parentum Ioachimi, & Annæ vnicam, maximeque dilectam filiam paternæ domus Nazarethi sitæ fuisse hæredem, eamque sancto Iosepho dotis nomine assignatam fuisse author est Bernardus, vbi dicit: * Constitutus est Dominus domus suæ * id est Virginis.

In serm.
de Nativ.
Virginis.

Hom. 30
de eodē
Sancto.

Sed ad quid ambages hæc, sic enim has nostras assertiones vocitabit Aduersarius: Quid nam illud Euangelistæ Lucæ * Mansit autem Maria cum illa quasi mensibus tribus, & reuersa est in domum suam? quando ait, suam; intelligis alterius?

cap. 1.

Quod autem Nicephori nescio quod pro te

Lib. 1. c. 8

affers testimonium, ut isthec oppugnatio acerri-
 mis Patrum testimonijs munita videatur; deri-
 deo quidem; non enim quæ illius verba laudas,
 eam argumentationis vim habent, quam tu te
 confingis; ait enim; *Itaque in Nazareth cum
 Iosepho domicilium illa habens, ab Archang-
 gelo Gabriele fuit salutata. Quod ipse
 ait: cum Iosepho domicilium habens, quo
 pacto inrelligis; Virginis domum non fuisse,
 in qua contigit eius Annunciatio, sed Iosephi?
 Acutus quidem Interpres. Domicilium, si
 optimis quibusque Lexicorum compilatoribus
 credendum est, habitatio longi temporis est unâ
 cum omnibus suis bonis: & domicilium non
 domus, aut habitatio facit; sed ubi quis rerum
 suarum summam constituit, unde rursus non
 sit abiturus. Proindequæ domicilium habere
 cum aliquo (Grammaticus tecum sum oportet)
 est habitare. Et Virgo cum Iosepho domici-
 lium habebat, hoc est, habitabat.

Quod tamen tibi interpretatio aliter cedat,
 non mirum, qui ex eorum es numero, quibus
 Satan pectus adco fortiter occupavit, ut nihil
 affectent magis, quam quibus modis queant ad
 sua petulantissima asserta pias SS. Patrum men-
 tes subducere, scripta euellere, & eorum sen-
 tentias mutilare: Eruditionibus standum.

SA-

S A G I T T A I V.

*Non constare de translatione aliàs incredibili
sanctæ Domus.*

C L Y P E V S.



T omnia vobis consent,
fides abrogetur necesse
est: & si mille quidem af-
firmant, nisi cernatis ocu-
lis, quæ narrantur, minùs
sunt credibilia apud vos:
ea tamen, inquam, quæ
sensui vestro dissona viden-
tur; si enim quis vobis aliquid narret contra Ca-
tholicos euenisse, quamuis commentitium sit,
ac vanum, statim creditis, eum solum vobis
recitare Sibyllæ: & quasi è Cælo delapsam, li-
bentissimè excipitis, vt in nos illud deinde
concordum iaciatis.

Fateor apud vos de translatione S. Domus
non constare, qui peruicacis ingenij vix Euange-
lio creditis: in quo cum multa essent, quibus con-
uicti verum fateri cogebamini, impia, imperi-
taq. expositione illud vertentes, tanquam char-
taceis gladijs veritatem iugulare conamini.

Apud



Apud nos verò, qui nisi humano quoque testimonio, vel voce, vel scriptis prodito fides habeatur, humanæ societatis commercium solui necesse arbitramur, certissimè constat cùm ex antiquis Illyricorum, tùm Recinetensium Annalibus.

Annales
Illyric.

Anno siquidem à partu Virginis millesimo ducentesimo nonagesimo primo, die 6. Maij, vt Illyricorum tradunt monimenta, Tersactum inter, ac Flumen Dalmatiæ Oppida, sacrata Aedes neque antea vmq̃am illic visa, neque à quopiam constructa, nullo prorsus fundamento, sed Diuina tantùm virtute suffulta conspicitur: narratur factum: percrebescit fama: concurrunt Populi: miraculi stupore consternantur: se se inuicem interrogant, cuius Domus illa sit ibidem immota consistens, non nouo, sed veterrimo compacta cœmento: vnde, & ad quid: humanitùs, an diuinitùs translata? ignoratur factum, alijs alia suspicantibus: ad loci Parochum, grauiter ægrotantem, fama deferunt. Dum hæc diuersè discussa versantur inter Accolas, eidem Sacerdoti (Alexandrum appellabant) è graui, vt diximus, morbo decumbenti, cùm ad spectaculi nouitatem adire minime posset, Beatissima Virgo appareret in somnis, Domumq. illam, in ea Regione recens ex-
po-

positam, eandem esse Nazarethi olim erectam, in qua ipsa letum ab Angelo nuncium acceperat; nec non Diuino nutu, singulariq. Fidelium in Europa degentium beneficio, Angelorum illuc opera asportatam edocet: rei q. veritatem repentina sanitas testata est; etenim ex tempore Parochus lecto consurgit: eodem citus aduolat: Domum contemplatur: admiratur factum: visum enarrat. Quid plura? rem totam festinus omnibus, ac potissimum Illustrissimo Committ. Frangipanio Prouinciæ Moderatori promulgat audacter: qui pariter venerabundus accessit ad locum, & pro veritate indaganda eiusdem cum ianua, fenestraq. altitudinem, longitudinem, ac latitudinem accuratissimè describi mandat. Quatuor spectatæ integritatis, fideiq. Viros Nazarethum vnà cum ipso Sacerdote Alexandro adamussim omnia contemplaturos ablegat. Abeunt, longam viam faciunt, Nazarethum perueniunt, fundamenta, translata Domus ad normam exigunt: Templi quoque partem ab Augusta Helena circa Domum extructi intuentur abscissam: tandem omnia ex visu describentes in tabulis, consultis eiusdem Regionis incolis, eadem planè nocte, qua in Dalmatia fuit reperta, ibidem defuisse percipiunt: ac in Patriam reuertuntur;

vbi

vbi, quæ oculis perspexerant, manu tetigerant, auribus acceperant, cunctis certissimi veritatis testes annunciant. Tunc cœpit rei fama, longè, lateq. diffundi.

Annal. Re-
cider.

Anno autem tertio à dicta translatione die decima Decembris, vt Recineterenses tradunt Annales, sub auroram Sacra Domus in cuiusdam diuitijs æque, ac pietate insignis Fœminæ (Laureram vocabant) sylua tribus fere passuum millibus à Mari, & ab Vrbe distita, non minori sanè, quàm in Dalmatia admiratione visa est. Cui inclinatas hinc, & inde obsequij gratia, conspexerunt Arbores: totumque illud Maris spatium, quod S. Domus, Angelica opera deducta, fuerat emensa, splendore coruscasse. Cumque eiusdem anni circulo in Collem primum duobus Germanis communem: deinde in viam publicam iterato miraculo fuisset translata; Recineterensis Ciuitas valde commota tum Dalmatarum querelis iacturam propriam illachrymantibus, tum etiam Pauli Anachoritæ, vitæ sanctitate, ac pietate conspicui, vocibus, qui haud longe in Monte Vrsò degebat: seque à Beatissima Virgine in somnis admonitum, constantissime asseribat, Domum illam ad Dalmatas, & inde ad Recineterenses transuectam, eandem esse, quam ipsa Dei Mater olim apud Na-

Nazarethum incoluerat; ad finitimas Vrbes, & Oppida factam transmittit: coactoque Provincia generali Concilio, sexdecim viri fide, pietate, ac prudentia valde præstantes ad Dalmaticos, tùm ad Nazarenos fines ablegantur cum iisdem mensuris, (vt olim à Dalmatis factum) pro veritate exquirenda. Qui iussis omnibus diligentissime persolutis, oculati tam insignis miraculi testes in Patriam remeant: ac Dalmatarum, pique Anachoretæ assertiones de S. Domo veritati omninò consonas esse renunciant.

Hæc sunt certissima testimonia, quibus facti veritas constat; Annalium prodita historijs, veterisque traditionis autoritate corroborata. Quam cum præterito sæculo oppugnare conarentur Lutheri Assectæ (haud enim acuti homines rursùs nouas adinuenire queunt hæreses, veteres tantùm recinunt) Clemens VII. Pontifex Maximus ad eorum temeritatem penitus retundendam, rem tantam, tamque celebrem, vel ipsorum miraculorum testimonio, iterata tamen, ac diligentissima inquisitione, confirmare constituit: delectosquæ tres ab intimo sibi Cubiculo spectatæ famæ viros in Dalmatiam, ac Nazarethum cum omnibus sacræ Domus mensuris, cæterisque ad rem facien-

D

tibus

ribus ablègat: Qui, iussa Pontificis omni cum diligentia executi, veritatem hanc tot antea, per ætates Fidelium testimonijs comprobata, noua demùm oculata attestatone confirmant. Et cum Domus fundamenta, quæ Barbari saxis, terræque oppleuerant, excuari curassent, & mensuras ad regulam, libellamque exactas contulissent, duos inde lapides erutos (cuius quidem generis apud nos minime extant) ad maius veritatis testimonium hùc ad nos adue-xerunt: & insuper testati sunt, in eo Dalma-tiæ loco, vbi sacra Domus primò constiterat, ante quàm ad Italiam accederet, alteram in om-nibus fermè persimilem ab ipso Comite Fran-gipanio in illorum Populorum solatium, ac pietatis augmentum erectam fuisse superaddi-ta inscriptione.

Hic est locus, in quo olim fuit sancta Do-mus Lauretana, quæ nunc in Recineti-partibus colitur.

Cuius quidem veteris miraculi noua etiam ex ipsdem Recinetensium Annalibus moni-menta habentur; etenim cum Leo X. iussit la-teritios muros, sacre Domui ab eisdem Re-cinetensibus metu lapsus adiectos, disturbari: eamque, nouis, qui, celato marmore conue-stiti, extrinsecus illam adornarent, concame-

ra-

rari; Domus ipsa stragulis, ut sit, funibusque constricta, validis fuit suspensa rudentibus, quoad expletis fossis fundamenta sunt iacta, quæ opus tutum præstarent; omnium oculis compertum est, parietes, ut supra à Recinetensibus extructos, adeò à sacris recessisse, ut inter utrosque, quoties opus foret, Puer cum accensa face discurreret; unde clare appareret, illam, diuina vi subnixam, aspernari humanam opem, excludere hominum industriam: & sub imis eius parietibus puluerulentum, tritumque solum viæ publicæ, & proximi raris sepes, quas sacra Domus occupauerat, conspecta sunt.

Hæc igitur satius ad veritatem in aduersantium animos inducendam? quid amplius inuestigandum?

Forſitan Annales Illyricorum, ac Recinetensium reprobabunt, aniliaque dicent commenta? & hos præter alios, qui illos percurrerint, eruditissimus Barónius (hoc ipsum attestans, insigni, quod in sequentibus referemus, tantæ veritatis elogio) oculatissimo, voluit inspicere; eosque plures summi Pontifices multò ante comprobant. Quos inter.

Paulus II. in suis litteris sub kal. Februarij anno reparatæ salutis 1471. de eadem S. Domob hæc ait.

Ecclesiam miraculosè fundatam, in qua, sicut fide dignorum habet assertio, ipsius Virginis gloriolæ, Dons, & Imago, Angelico comitata cætu, mira Dei clementia collocata existit.

Julius itidem, & id ipsum refert in alijs litteris sub Kal. Nouembris anni millesimi quingentesimi septimi.

Leo X. in suo Motu proprio anno Domini 1519. de S. Domo hæc memoriæ prodit.

B. Virgovi, fide dignorum comprobatur, est testimonio, è Nazareth Imaginem, & Cubiculum suum diuino nutu transferens, apud Flumen Dalmatiæ Oppidum primò, ac deinde in agro Recinetensi in loco nemoroso, ac rursus quodam in colle eiusdem, agri particularibus personis addito, posuit: demum in via publica, vbi modò consistit, illud Angelicis manibus collocando, sibi delegit.

Pius V. in cæcis imaginibus, quæ (Agnus Dei) à Fidelibus vocantur, ab eo de more consecratis, huius S. Domus translata memoriæ his verbis testatur reliquit.

Verè Domus florida, quæ fuit in Nazareth.

Sixtus V. Magnificum Templum illud, sacrosanctam Laurentianam Domum vndiq; complectens, à se in Cathedralem, ac primariam Basilicam erectum, hoc insigniuit titulo.

Dei.

Deiparæ Domus, vbi Verbum caro
factum est.

Clemens tandem Octauus eandem de S.
Domo opinionem, summorum Pontificum,
qui antecesserant, testimonio comprobata,
in marmoreo lapide ad perpetuam rei tam insi-
gnis memoriam in hæc verba testatam voluit.

Hic S. Dei Genitrix in lucem edita:

Hic ab Angelo salutata:

Hic æternum Dei Verbum Caro factum est:
Hanc Angeli primùm in Illyricum adnexere ad
Terfactum Oppidum anno salutis 1291. Trien-
nio post in Picenum translata prope Recinetum
Vrbem, in huius Collis nemore collocata est:
vbi, loco intra triennij spatium ter commuta-
to, hic postremo, Sedem diuinitus fixit.

Quorum quidem authoritas tantum apud
nos valet, vt vel Moysen nostrum, nostrosquæ
Prophetas liceat appellare: & hos habemus,
quibus oportet credere; alioquin neque si quis
ex mortuis resurrexerit, credemus.

Quod autem incredibilem sacræ Domus ap-
pellent translationem Aduersarij, eamq. deri-
deant, non miror; enimvero facile inducor,
vt credam, illos ambigere etiam de cunctis,
quæ in ipso Dei Verbo leguntur; quandoqui-
dem facilius mihi videtur Domus translatio,
quàm

quàm Solis remoratio: & parui tecti commigra-
tio, quàm eiusdem Solis remigratio: vtrumque
verò in sacris paginis legimus, & Solem per de-
cem gradus retrogrado quidem cursu se reuo-
casse: eundemq. (obediente Deo voci homi-
nis) diem integrum pro Israelitis in Gabaoni-
tas medio Cælo constituisse. Tum præter hæc
incredibile erit oppugnantibus, petram fon-
tem profluum scaturisse: ferrum super aquas
enataste: ambulasse super eas hominem: ad
vitam mortuos reuocatos, & alia huiusmodi
diuinitus edita signa. Quæ nobis quidem mi-
nus incredibilia sunt, qui, vel alia legimus, vel
alia nostris oculis intuiti, vel ipsimet experti
sumus: quiue ratione nos duci, trahiq. *sipimus*,
non autem obstinatione retardari.

Nec sine ponderatione prætereundum pu-
tamus, rem tantam vel hoc ipso, quod fidem
superare videtur, difficillime prorsus huma-
nis mentibus persuaderi potuisse, si nudum
commentum nulla vel veritatis, vel possibi-
litis, vt ita dicam, specie inniteretur: eius-
que Authores, rei vanitate, quæ diu latere,
non potuisset, tandem patefacta, turpissimi
ignominie notam, haud facile, diluendam, in-
currissent. Nec defuturos fuisse tanti tempo-
ris, trecentorum nempe, & quadraginta an-

norum interuallo, acerrimi ingenij scrutatores, qui tam insignem imposturam oculatissime peruestigarent, deprehenderent, & in lucem proferrent. Nec demum sanctam Sedem Apostolicam, à Spiritu sancto semper edoctam, rem non certam tot summorum Pontificum testimonijs comprobaturam fuisse. Nonne fidelis Deus, qui nullos vnquam in errores Ecclesiam suam hucusque, labi permisit? quemque, si vllò vnquam tempore non ex traditione, sed priuato aliquorum instinctu irreperet error (quod ipse Deus auertat) Conc. Lateran. 2. deregendum fore in Lateranensi Concilio apertissime ostensum est.

Neque est cur clam obiectes, nos opinionem licèt falsam, ne inconstantiæ crimine insimulemur, animo impressam numquam nobis excutere velle; nam vel ipsos vulgi errore præstantes creditos viros, licet mortuos, exhumantes, publicis damnatos ignibus, inspectantium animos induximus, nos illud seruare voluisse, quod in Prouerbijs habetur: Sapientis esse mutare consilium; veritate enim detecta (semper hæc vel citò, vel serò illucescit) quicquid antea fuerat amplexum, reijcimus libentissime. Prouer.

Ac demum expedit, non ignorare, quod
do-

Aug. ad docet S. Augustinus * qui : In rebus (inquit)
 Voluf. e. mirabiliter à Deo factis tota ratio facti est po-
 piff. a. tentia facientis: si ratio quæritur non est mi-
 rabile : si exemplum poscitur, non est singu-
 lare : demus Deum aliquid posse, quod nos
 Gregor. fateamur inuestigare non posse. * Cui Grego-
 Magn. rius Magnus addit: * Rationes de occulto Dei
 iudicio quærere, est contra Dei iudicium su-
 perbire. *

Verùm quoniam tot testimonijs penè con-
 uictus Aduersarius ad hæc ipsa quid respon-
 deat minus habet, attendamus, quid is tergi-
 uersans, ne rei veritatem amplectatur, excogi-
 tarit.



S A G I T T A V.

*Antiquiores Historicos de hac Translatione
non meminisse.*

C L Y P E V S.



VOD lumen cæcis oculis non videt Aduersarius noster, non oculorum putat culpam esse, sed Solis; Hæresi hanc inter alias penam inferente, ut obscureret ingenia, quæ essent fidei splendore clarissima.

Perlegat Blondum, qui floruit primo ab ipsa translatione seculo, à secretis Summo Pontifici Eugenio huius nominis Quarto: quique, cum tanti miraculi notitiam habere posset, ut illam posteritati asseueranter tradere non dubitaret, huiusce rei tamquam certissimæ, notissimæque, ac omni prorsus mendacio alienæ, mentionem facit: * Recinetum inter (inquit) & Adriaticum mare paululum à Mufione recedit celeberrimum totius Italiæ, & in aperto, immunitoque Vico Sacellum, glo-

Blodius in
sua Ital.
Region. 9

E . rio-

riosa Virginis Mariæ in Laureto appellatum: quo in loco preces supplicantium à Deo, Genitricis suæ intercessione, exaudiri, illud maximum, certissimumque est argumentum, quod eorum, qui votis emissis exauditi fuerunt, ex auro, argento, cera, pannis, veste linea, laneaque apensa donaria, magno luenda pretio, Basilicamque omnem penè complentia, Episcopus in Dei, Virginisque gloriam intacta conseruat. Hactenus ille. Cui quidem tanto in munere haud venisset in mentem, posterorum memoriz quid prodere, de quo in dubitationem quidquam vel apud doctissimum virum posset incidere.

Mantuan.
de loc. sa.
cris.

Altero ab ipsa translatione sæculo Io. Baptista Mantuanus, cuius in carmine sui saltem temporis eloquentiam vel ipsi veritatis hostes fatentes admirantur, hæc de donarijs ab vndique concurrentibus Populis, sacræ Domui elargitis, necnon de ipsa Domus aduersione cecinit.

Quid Mœnia dicam

Littore Piceno impensis communibus Orbis
Condita, & Adriaco transuecta Cubicula Ponto?

Obijcient fortassis Aduersarij, Poetæ quidlibet licitum carmine contexere. Poësis autem,
quam-

quamvis fabularum floribus exornetur: ipsius tamen argumenta ex veris historiarum locis petita, tamquam telæ subtegmina, firma esse debere, ac vera vel puer asseueraret.

Et, omissis vel quadraginta, qui de hac Translatione scripsere, Cæsar Cardinalis Baronius Baron. Annal. tom. 1. tantæ apud omnes fidei, & autoritatis: quique Lauretum vnâ cum Clem. VIII. Pontifice Maximo profectus, Dalmaticos, & Recinetenses omnes, quotquot potuit, peruolauit ibidem asseruatos Annales, hæc memoriæ tradidit: Porro (inquit) Domus illa, in qua de Verbi Incarnatione Sanctissima Virgo cæleste accepit nuncium, adhuc magno miraculo non solum integra perseverat, sed Angelorum ministerio ab infidelium manibus vindicata, in Dalmatiam primùm, indè in Italiam translata est in Agrum Lauretanum Piceni Prævinciæ. Quod perinsigne, ac vetustissimum antiquitatis monumentum totus Catholicus Orbis veneratur, ac colit. Et infra subdit: Qui hætenus Sacram Nazareth inuiserunt, eiusdem Domus situm eadem mensura signatum inspexerunt, accolis quod factum est, fideliter attestantibus.

Ast iterum insurget Aduersarius fortasse minus acer, iterumque luctaturus obijciet, & hos

laudatos Authores ex recentioribus esse, qui scripserunt: ex antiquioribus aliquem desiderari. Quem inquam? Qui testes oculati priores factum ad posteros transmissere, hos, barbarè locutos ab initio obtrectans clamitavit: Quos aliqua latinæ linguæ, necnon vera historiarum notitia peritos ostendimus, hos non ex antiquioribus, quibus sit fides habenda, obstinatiores voluntate contendit. Ergo semper, licet ipsa veritas loquatur, reclamabit: & odium, quod ex ea nascitur, euomet in scriptores vel barbaros, vel minus antiquos: Ergo facti veritas ex Aduersarij opinione ab eloquentia pender, & antiquitate scriptorum, quibus si careat, non est veritas? Indeque licebit illi conijcere, eorum neminem, qui verborum carent eloquentia, neque antiquioris sunt ætatis, verum vnquam fateri, immò mendaces esse, vanosque. Proh Aduersantis stultitiam?

Et vt ad seriem orationis nostræ reuertamur, adde, quod Typorum vsus, quo præcipue rerum mirandarum notitia ad externos, posterosque transmittitur, quo tempore sacram Domum è Syria ad nos euectam fuisse constat, desiderabatur; Siquidem Polydoro Virgilio teste, non nisi sub anno supra millesimum, & quadringentesi-

Polyd. de
rerum in-
uen.

simum quinquagesimo primo repertus est: Romam verò delatus decimo quarto ab ipsa typorum inuentione.

Ad hæc sub eiusdem ad Illyricos Translationis tempore ob Purpuratorum Patrum dissensionem, qui Nicolao IV. Romæ apud S. Mariæ Maioris Basilicam è viuis sublato, Perusium, nouum electuri Pontificem, commigrarunt, per biennium, & menses aliquot summus Pontifex desideratus est. Quamobrem non ipsa tantum, Italia, sed vniuersus Orbis, parente amisso, ac perniciosa nouæ electionis mora detentus, ad alia intendebat animum præter quam, ad ea, quæ Illyricis, aut Picenis afferebantur nuncijs. Et bello per Romandiolam, Aemiliam, Etruriam, Apuliam, Campaniam, Latiumque pertinaciter exardente, nouaque per illud temporis ad Imperium Adulphi Hassiæ Comitis assumptione detenta Germania: & hostilitate, ac bello apud Gallos, Anglosque recrudescentibus; quicquid nunciaret Illyricum, aut Picenum nemo, vel sui tantum compos, nullisque distractus curis, nedum Orbis nouitate sollicitus, aduertebat animo.

Quibus præter alia temporum incommoda accedebat tam dira, quàm inueterata Guelforum, ac Gibellinorum factionum, siue partium

tium varia Nationum confectatio, qua penitus se laceratam, atque conuulsam tota sæpius vidit Europa: vidit, & per multas ætates ingemuit.

Vnde bellorum studio vnaquaque in Vrbi-
bus, Oppidis, Villis, Pagisque Pube dedita, literisque prorsus aliena, mirum non est, si eo tempore eloquentes defuerint Historici, qui præter nunciata, quæ fiebant vbique prælia, quæ admiranda passim accidebant, narrarent, ac memoriæ proderent.

Nec minor iam dictis calamitatibus hæc; Quando, paulo post ipsam Translationem Apostolicæ Sedis per Clementem V. in Gallias transmigratio subsecuta est; vbi per annos, circiter septuaginta commorata, tunc varijs dissensionibus afflictata; magis ad armorum tumultum, & ad se se inuicem insectandos, lacerandosque, quam ad vitæ modum cum pace degendæ, siue ad literarum disciplinam, ad historiarum scriptionem, aliasque ingenuas artes perdiscendas quisque aduocabat animum.

Igitur ob varias huiusmodi perditorum temporum perturbationes, motusque accidisse credendum est, vt rerum vel memorabilium notitia prætermissa fuerit, quin posteritati commendaretur; Enimuero in his casibus contin-
git,

git, vt dum quisque credit, non defuturos, qui vulgò notiora scribant, & alienæ fidei, ac diligentiae plus tribuit, res ipsa vel scriptione dignissima à plerisque negligatur. Veluti à Iosepho rerum Iudaicarum diligentissimo inuestigatore, alijsque eius temporis scriptoribus nulla penitus fit mentio de dirissimo Infanticidio Herodis. iussu facto; Cuius quidem famam ipsos Imperij fines peragrasse; certissimum est. Qua etiam ratione nec de Probatica Piscina, cuiusvis generis morbos graves, pestiferosque depellente, vt ipsi Hebraei Christi operibus aduersantes factitabant: Nec de insigni miraculo ad vitam quatridentum Lazari reuocati, de quo per totam Iudæam manauit fama: Nec tandem de maxima Lunæ, Solisque defectione, quæ præter solitum, dum Christus pareretur, accidit; non tantum Syris, & Aegyptijs, sed Græcis, Italisque notissima, ex antiquioribus præter Euangelistas, & Arcopagitam, quemquam meminisse, aut obseruasse legimus. Postremò ponamus, Scriptorum neminem extare, qui de hac sanctissimæ Domus Translacione accuratius disserat, an non ipsa Populorum traditio antiquis relictæ monumentis, atque ad nos transmissa æque ac ipsa poterit historia? Quod enim ferè totum habemus nonne ex
con-

continuata multorum sæculorum traditione? Vnde nam Euangelia, quæ nec ipsi negant Adversarij? Vnde Apostolorum Epistolas, Canones, & Decreta accepimus? An non ab antiquis Patrum Concilijs ad nos per traditionem deuenierunt? & ipsi Hæretici vnde Ciceronis volumen (ad cuius eloquentiæ normam se totos conformant, confinguntque: quamque non deerit qui pluris ducat ipso Verbo Dei) vnde acceperunt? Nonne ex ipsa traditione? Num quæ varie scribuntur ab Historicis per traditionem tantum accepta, erunt falsa, & inania? Scilicet Eusebius, qui à Christi Natiuitate trecentis, & ultra exactis annis suam scripsit historiam, ac nonnulla enarrat, de quibus alij, qui adfuerunt minus meminerunt: Necnon Liuius de Romanis Annalibus tam optimè meritus, Plutarchus, Suetonius, Dion Cassius, alijue, quibus Hæreticus fidem non abnuuit, qui historias suas ex aliorum traditione, ac relatione texere, mendaces erunt, & vaniloqui? Qui sana est mente diiudicet, & veræ orationi adhæreat, & rationi. Optime quidem certe Leander Albertus: Adamantinos esse ait, qui veritatem huiusce diuinitus factæ Translationis ad eò toti exploratam Orbi denegant.

In sua
Ital.

S A G I T T A V I.

Ecclesiasticos Præsules in Saculari illius Ciuitatis regimine, in quod de facto se ingerunt, interesse habentes, nullam fidem in hoc mereri.

C L Y P E V S.



T Quisque contemptissimus, & maximo ludibrio est (Seneca, sui sæculi morum vindice maximo, Authore) ita solutissimæ linguæ est . Verba perpendamus, & si quid habent mysterij interpretari legi-

rimè conemur . Ecclesiasticos (ait) Præsules nullam fidem in hoc mereri. Qui nullam fidem promerentur: Ecclesiastici sunt Præsules . Ergò qui fidem promereri debent, posito, vt ipse in eadem obiectione tacitè ponit, factum accidisse, erunt Præsules, siue Magistratus sæculares? Proh magnam Sacrarum Literarum, in qua demersus versatur, ignorance? Proferat ipse Aduersarius testes huiusce opinionis? Quis vnquam ex Euangelistis, Apostolisque id scriptis commendarit suis? siquè ipse nullum certum te-

De Cōd.
cap. 11.

F Item

stem præter sui similes adhibuerit, quos fideiores etiam, quàm Apostolos, & Euangelistas vocitare nõ erubescit; Nostra Ecclesia, supra Catholicam firmæ Petræ soliditatem fundata, hæc dictitantes tamquàm monstra detestatur: illosquè tantum recipit, Doctoresquè admittit suos, quos à reliquorum Patrum sententia minimè discrepantes agnoscit.

Quod autem, In hoc, ait, nempe quod diuinitus asseritur Sanctam Domum è Syria, aduectam; in alijs ergo rebus significat Hæreticus, atque infert, ijsdem fidem haberi posse: si in alijs, cur non in hoc? Vnum hoc falsum ne, quod tota credit Ecclesia, cuius veluti capita sunt Ecclesiastici Præsules, nos verò membra?

Fortassis vrgebit Aduersarius, in hoc Præsules Ecclesiasticos ex eo fidem non mereri, quod interesse habentes in illius Ciuitatis regimine, ne illo priuentur, multa confingere, ac comminisci possunt: Ex quo conijcitur inendacium, vniuersæ Christianæ Reipublicæ tam perniciosum, vt idololatriam inducat: omnes ante hac Præsules, ab ipsa nempe Sanctissimæ Domus translatione vsque ad nostra tempora, commentos fuisse, & quidem ob interesse, vel utilitatem ab ipso regimine speratam, ac si nulli sine
mo:

modi ad prouentus, redditusque in Ecclesia, nisi fraude, mendacioque conquirendos. Veritatis ignari, nostros Præsules, qui ex illius Ciuitatis regimine plus quidem oneris suscipiunt, quàm utilitatis, accusant, quos laudare deberent. Nec animaduertunt, Pontificem, quem in his terris Dei personam gerere non ignoramus, Spiritu sancto ne fallatur, aut fallat edoctum, neutiquam permissurum fuisse, re incognita, pro vera Virginis Domo aliam factitiam à Fidelibus coli tamquam Idololatriis, eiquè summam venerationem haberi: Nec Deum ipsum gloriæ suæ adeò sollicitum, qui dixit: *Gloriam meam alteri non dabo*: Domum ipsam veram esse tot, tantisque rebus admirationem, stuporem, ecstasim in spectatores, experientesque inducentibus ad hæc vsq; tempora per tot sæcula fuisse comprobaturum, si id mendacio, & fraude Ecclesiasticorum Præsulum, in ea re interesse habentium, contigisse repertum esset: Quodue etsi in antiquiore tempore permiserit, ac tolerarit idololatriam, numquam signis eam, ac miraculis comprobauit: Et si nè homo quidem, qui mendax solet esse natura, rem tantam, sine falsam, siue dubiam pro vera assereret, quanto minus ipse Deus, qui est ipsa Veritas, tot, tantisque veritatis testimonijs eam confirmasset.

Ira. 43

Matt. 28
in fine.

Vnde Ecclesia, hac errorum caligine circumfusa, meritò posset (quod absit) de illius prouidentia, & attestazione, cum dixit: * Ecce vobiscum sum usque ad consumationem sæculi: conqueri: sequè ab eo relictam in tenebris lamentari.

Fatere igitur, non ab Ecclesiasticis Præfultibus ob interesse, vt blateras, siue vtilitatem à sanctissimæ Domus, siue illius Ciuitatis regimine manantem huiusmodi fictas, ac commentitias fabulas decantatas fuisse; sed rem ipsam ab oculatis testibus narratam: A traditione ad nos usque sincerè deductam: Ecclesiasticorum Annalium, veterumque scriptorum testimonijs confirmatam, quod supra ostendimus: Ab ipso Virginis Filio signis, miraculisque comprobatam.

Sed adhuc contentiosum funem trahit Aduersarius, cum non casu, sed consultò illa interferit verba: in quo, (scilicet, sæculari illius Ciuitatis regimine) de facto se ingerunt: Vnde crimen infert, nullo pacto ab Ecclesiasticis sæcularium Rerum publicarum rectiones præscribi debere: Sed qua lege, siue decreto interduntur?

Li 4. Inst.
ca. 11: 9: 8
Math: 20

Abique dubio, obijcient Aduersarij, quod eorum seductor Calvinus verba: Reges gentium dominantur eorum, vos autem non sic: interpre-

ta-

tatur: significat enim Christus non modò Pastoris officium distinctum esse ab officio Principis, sed res esse magis separatas, quàm vt in vnum coire queant. Proprium enim Hæreticorum est, in aliqua particula, seu clausulam totam non concludente, dummodò sibi satisfacere videantur, immorari, ibiquè vim omnem argumentationis ponere.

Verùm vt ad hoc respondeamus. Christus Dominus, discipulos suos volens verè studio humilitatis instruere, quando illi de maiori sede, & loco, quem apud ipsum Magistrum post resurrectionem eius habituri essent, contendebant, dixit: apud Gentes huiusmodi ambitum esse, vt quisque vel minor in maiorem dominari velit, sed eos non sic facere debere; sed quicumque voluisset inter eos maior fieri, eorum debere esse Ministrum, & qui primus, eorum Seruum. In qua sane re animaduertendum est, non Apostolis & futuræ Ecclesiæ à Christo interdictum fuisse, seculari regimine, cum bona possedissent; Non enim ignorabat, fideles suos post persecutiones, ac inuidorum calumnias Regna, bonaquè multa possessuros, quibus, nisi Apostoli, tunc ob odium ab Hebræis, Gentibusquè, verum nondum agnoscantibus, abiecti, repulsiquè; sub eorum tamen persona Episcopi, ac Sacerdotes.

præ-

præfuturi erant: & sic etiam ſecularem aliquam
 Rempublicam ad ministraturi. Sed eis interd-
 ctum fuiſſe, tyrannidẽ exercere more Gentium,
 quæ eo tempore in aliena plerumquẽ irrumpe-
 bant: in quæ ſubacta, non vt veri poſſeſſores, ſed
Matt. 20. vt Tyranni dominabantur. Verba Chriſti per-
 pendite: * Scitis (inquit) quia Principes Gentium
 dominantur eorum, & qui maiores ſunt, poteſta-
 tem exercent in eos *: Gentium, ait, non He-
 bræorum, qui tunc Fideles habebantur: Maio-
 res, ait, non Domini, nempe qui viribus, qui
 ope, qui authoritate, qui alijs rebus pollent: hi
 poteſtatem ſub illo tempore in ſubiectos exer-
 cebant; Herodem enim quis ignorat, Regnum
 Iſraeliticum occupaffe, non autem auita hæ-
 reditate accepiſſe: Romanos verò quo pacto in
 alienas Prouincias inuaſerint, quem hiftoriarum
 inueſtigatorem præterit? Ne ergo Fideles Chri-
 ſti eorum imitatione aliena rapere diſcerent,
 ac tyrannidem more Gentium occuparent; ſed
 vt quæ hæreditario iure poſſidebant, more Pa-
 trum, ac Paſtorum regerent, & moderarentur,
vbi ſuprà dixit: Reges Gentium dominantur eorum, vos
 autem non ſic.

Nec Aduerſarius, videns poſſe obijci exem-
 plum Moyſis, cum eodem Caluino ſubiungat,
 raro miraculo factum, vt Moyſes vtrumque ſi-
 mul

mul sustinuerit, onusque illud impositum temporarium, donec res melius componeretur. Numquid Melchisedech non Regnum simul, & Sacerdotium gessit? Num Heli non Sacerdos, & Iudex etiam post latam legem in Populum Hebræum per quadraginta annos dominatus est, cuius tantummodò in filijs reprehendendis negligentia damnatur, non imperium? Et Samuel ex Leuitico genere nonne cunctis diebus vitæ suæ Israël em iudicauit? Nonne idem Sacerdos? Et licet ex suo Canone cum Lutheranis Machabeorum libros Calvinus abiecerit, quòd suam profectò contumaciam liquidò coarguunt; secundum tamen veram Patrum sententiam, nonne ijdem Sacerdotij, ac Iudicij plenam, nequè mutilam per annos plusquam centum potestatem gessere? Rarum ergo miraculum, non est cur blaterando appelles.

Quod etiam factites, temporarium, falsum esse ostendit D. Augustinus, qui ostendit, eodem tempore ambos fuisse Pontifices Moysen, & Aaronem; ex eoque probatur, quod deposuit Aaronem Moyses tamquam Pontifex, consecrauitque Eleazarum eius filium in locum Patris, ut in sacris paginis habetur. Præterea si post Aaronem sacris initiatum non poterat amplius in vnâ personam coire Principatus, & Sa-

Quæst. 23
in leuit.

Numb. 20

Sacerdotium, quomodo in Heli, ut superius ostensum, per quadraginta factum est annos, ut idem Sacerdos esset, & Princeps? quomodo in Samuele per totum penè vitæ suæ tempus?

Quibus adde quæ post ipsos Apostolos nobis à sanctis, doctissimisque viris tradita sunt. Sanctus Clemens SS. Petri, & Pauli auditor tradit, S. Petrum spirituales quosque, ac Sacerdotes, super carnales, vel laicos instituendos docuisse: redditque rationem: * Quia pro minimo nobis esse debet, ut à talibus arguamur, ac iudicemur. & alibi: * Pulchra est (inquit) Christianorum hominum laus cum nemine litigare; sed si alicuius opera, aut contentione quapiam factum fuerit, ut incidat eis lis, dent operam, ut dirimatur, quamvis opus sit aliquid damni facere: & non solum non adeant iudicium Gentilium, sed nec patiantur, ut seculares Magistratus de causis eorum iudicent: tandemque concludit. Assistant autem in iudicio Diaconi, ac Presbyteri, qui citra acceptionem personarum tamquam homines Dei iustè iudicent.

Neque causa vlla est cur dicas, Hæretice, id tantum ad Ecclesiasticum spectare iudicium, nempe, si Clerici cum Laicis rixentur, ut eo casu non secularis Potestas adeatur, sed eorum Præfules;

à

Epist. ad
Jacob.

li. 2: c. 44
de Chri-
stian. iu-
dic.

à quibus vel corrigantur, vel secū de pace conueniant. Enimuerò quòd etiam ad cunctos Christianos id attinere certum sit, D. Ambrosius in eandem cum Clemēte sententiam descendens confirmat: qui præmittens, peccatum esse, vt frater cum fratre litiget (neq; tamen frater, qui Ecclesiasticus est, tantū intelligendus, sed ex Fidelibus quisq; (cum danda sit opera, vt concordet sint quasi germani; * Quamuis autem (inquit) Christianos litigare non deceat, tamen, si graue quid fuerit, & quod contemni non possit, causam ad Ecclesiam deferant, ne forte damnū, & offensionem incurrant. * Hæc ille.

In cōm.
super ep.
S. Pauli
ad Cor.

Cui adstipulator est D. Anselmus. In hoc (ait) peccare Christianos, quod ad sanctos negocia sua non deferunt: probatque ratione: quia, utique qui Mundum iudicaturi sunt, non sunt indigni, ea iudicare, quæ Mundi sunt. Eique adhæret D. Bernardus: * Non est (inquit) bonus æstimator rerum, qui indignum putat Apostolis, seu Apostolicis Viris, iudicare de talibus, quibus datum est iudicium in maiora.

super eā.
de Epist.

lib. 1. de
confid. ad
Eug. III.
de sæcul.
iudic.

Quod si exemplis hoc ipsum optas confirmari, præter multorum, ad hæc nostra tempora Præsulū, qui sanctimonix sæcularem quodammodo adiunxere prudentiam, D. Augustini instar omnium tibi sit exemplum, quem

G S.

S. Possid.
in vita S.
Aug.

S. Possidonius Episcopus Calamensis, eiusdem doctissimi Antistitis Auditor, asserit, cuiusque Scetæ hominum causas audiuisse diligenter, ac piè, sed tamen maluisse inter incognitos, quam inter amicos causas dicere; quod inter incognitoseum, pro quo arbitrata cum æquitate iudicaret, amicum acquirere posset: de amicis verò vnum esset, contra quem sententia m ferret, perditurus.

Idque rationi adeò semper congruum, consonumq. visum est, ut vel Fidei expertes hoc agnouerint. Nonne in Romanis legibus à Romulo, vel à quouis alio ad Populum latis, traditum est: Patres sacra, Magistratusque soli peragunto.

in Dialo:
de Regno

Apud Aegyptios, utpote qui propiores Hebræis, à quibus & ritus, & mores mutuari potuerunt, ut ex Platone patet, non licebat Regibus imperare, nisi essent etiam Sacerdotes.

Sed quid plura? Non aduertunt Aduersarij, dum in nostris Præsulibus sæcularem aliquam damnant administrationem, singularem præcipuè in eorum maximo fautore, ac nequitie vindice, in Henrico, inquam, primario Anglicanæ Ecclesiæ, ac portentoso Capite, reliquisque illius Regni successoribus, se condemnare audaciam; qui sibi non Regni tantum apicem, sed & Sacerdotij summam, &

Ec-

Ecclesiastici Capitis nomen falsò, immeritòque
 adscribi à subditis iusserunt. Et quis illi, veluti
 Gallinæ albæ filio, isthæc indulgit, ut ipse Rex
 sæcularis, caputque Anglicanæ sit Ecclesiæ,
 minusque liceat Pontifici nostro, & Ecclesia-
 sticis Præsulibus, quibus semper totus Catho-
 licus Orbis huiusmodi detulit appellationem?
 Proh dementiam! Atqui si ipsa Veritas hoc
 ore fateretur suo, dum est perniciaci error in
 intellectu, Hæreticus stultorum more illam
 quoque mentiri asseuerare non vereretur.



SAGITTA VII.

*Att: Stationes Romanorum Pontificum, Primatum
sibi uniuersalis Ecclesia usurpantium, sufficientem
miraculi fidem non facere.*

C L Y P E V S.



ON me latet, Lutherum
damnarum Apostatarum
morti proximum hanc
suis Alumnis, ac Posteris
reliquisse benedictionem:
Impleat vos Dominus
odio Papæ, & illius Hie-
rarchiæ. Quamobrem mi-
nus miror, si Aduersarius, voluntatis pertina-
cia, non autem rationis ignoratione à vero fi-
dei tramite aberrans, Summo Romano Pon-
tifici, locum his in terris pro Christo gerenti,
Petri, ac reliquorum Pontificum successori, at-
testandi, tantique miraculi fidem faciendi fa-
cultatem adimit.

Cuius ergo erit potestas hæc? Primi ne Lau-
retanæ historiæ Scriptoris? & hunc barbarè lo-
cutum, vt idem sæpius repetamus, factitatis.
Certæ forsan traditionis? & hanc clam carpe-

re

re non veremini ; palam enim si traditioni aduersarentur hostes , vniuersi quippe Mundi contra se odium excitarent ; traditione enim dicamus necesse est , Mundi creationem , cunctasque ad hæc nostra tempora deductas Historias consistere .

Oppugnationi quidem, quod spectat ad Summos Pontifices Christi successores , Lauretanam nobis veritatem attestantes, responsionem non meretur : utpote levis. Ne tamen solitæ seriem defensionis prætermittamus, quàm sit eorum damnanda opinio , qui negant , Romanos Pontifices huius fidem facere posse miraculi , ex eo liceat arguere , quod apud Dionysium Corinthiorum Episcopum habemus , Romanorum Pontificum Epistolas publicè diebus festis in Ecclesia illum legi mandasse, ac si idem Dei verbum in eis contentum fuisset .

Quod autem iidem Romani Pontifices Primatum sibi Vniuersalis Ecclesiæ usurpent , sua quidem usurpant iura , retinentque : nec occupant aliena , sed propria. Quibus in persona Petri dictum est : * Tu es Petrus , & super hanc petram edificabo Ecclesiam meam : * Pasce oues meas . Pasce agnos meos . * Si enim Petro : cur non & legitimis illius successoribus ? fortasse tantum in Petro , & cum Petro fundata , adu-
ta-

tâque Ecclesia debebat senescere, ac terminare?

Nec dicas, Christi verba omnibus Apostolis fuisse communia, cum Paulus de se dicat*: *Instantia mea quotidiana, sollicitudo omnium Ecclesiarum**; siquidem vni tantum*: *Tu es Petrus, & super hanc petram edificabo Ecclesiam meam** & vni tantum*: *Simon Petre, diligis me plus his: Pasce oues meas: Pasce Agnos meos.** Quo vno sensu eadem Christi verba, vniuersa Concilia, vniuersi Ecclesiæ Patres interpretati sunt. Quorum ne Catalogus hic recensceatur, Generale Chalcedonense Concilium sufficiat, quod sæpius Sanctum Leonem Vniuersalem Episcopum vocat, Pastoremque Urbis Romæ, quæ est caput omnium Ecclesiarum, Adde Cypriani insigne testimonium qui præclare quidem; supra vnum Petrum Ecclesiam suam à Christo ædificatam ostendens, ait*: *Vt vnitatem manifestaret, vnâ Cathedrali constituit, & vnitatis eiusdem originem, ab vno incipientem, sua autoritate disposuit: Hoc erant vtrique & cæteri Apostoli, quod fuit Petrus, pari consortio præditi & honoris, & potestatis; sed exordium ab vnitâte proficiscitur, Primatus Petro datur, vt vnâ Christi Ecclesia, & Cathedra vnâ monstretur: & Pastores sunt*

om-

Lib. de Ec-
cles. vnit.
in princ.

omnes, sed Grex vnus ostenditur, qui ab Apostolis omnibus vnanimi consensione pasceatur. Hæc ille.

Idemque Primatus vni tantum Romano Pontifici debitus vel ex ipsa antiquissimi sanè temporis prætorum Pontificum consuetudine colligitur, & autoritate :

Ferendi Vniuersæ Ecclesiæ leges, omnesque ad sibi parendum cogendi :

Vices suas tenentes vbique constituendi: Legatosque vel ad ipsos Garamantas, & Indos, vbicumque Christiana viget Religio, mittendi ;

Concilia omnia Generalia confirmandi, omnemque illis auctoritatem tribuendi :

Episcoporum denique omnium appellationes ad se delatas recipiendi.

Quod enim legum editio ad Romanos spectet Pontifices: & eas condere illis vtrumque libeat, liceat, patet tum ex Decretalibus, quibus, teste Isidoro, cum per illud tempus vniuersalia nequirent cogi Concilia, per eosdem Romanos Pontifices tota regebatur Ecclesia: Tum ex Prouinciarum, necnon Episcoporum vbique degentium consultationibus. Vnde enim sancti Irenæi ad Romanum Pontificem allegatio? Nonne ab Episcopis Galatiæ ob natus de Fide
con-

controuerſias? Et ipſe Polycarpus Ioannis Apoſtoli, & Euangeliftæ Auditor nonne ad Anice-
tum Pontificem Romanum pro diſceputatione
definienda, quonam tempore Paſchalia pera-
genda eſſent, confugit? Quodque hi, qui per ſe
minus accedere poterant, literas, contentio-
nesque omnes ad Apoſtolicam, Romanamque
Sedem, quibus reſponderetur, quæque dirime-
rentur, mitterent: teſtes ſunt Cypriani, & to-
tius Africæ Epiſcoporum, Ioannis Chriſoſto-
mi, Theodoretæ, Athanaſij, aliorumque ad Ro-
manos Pontifices ſcriptæ, datæque literæ, in-
ter quas ex potiſſimum quæ ad Cornelium, Iu-
lium, Lucium, Stephanum, Damasum, Inno-
centium, ac Cæleſtinum inſcribuntur, maximam
de hoc fidem faciunt, aſtruuntque.

Quod præterea poſſit Romanus Pontifex
Fideles cunctos cogere, vt obediētes ſe exhi-
beant, Romanæque Sedi præſto ſint, teſtimonio
comprobatur, vt ex Euſebio patet, Victoris Pa-
pæ, qui multas Aſiæ Eccleſias ex communica-
tionis vinculo adſtrinxit, quod in Paſchaliū
ſolemnitate cum Romana Eccleſia minus con-
uenirent. Quam quidem ſententiam Sacroſan-
ta Nycena Synodus confirmauit, vt idem reſert
Euſebius. Innocentius etiam huius nominis
Primus Papa Arcadium, & Eudoxiam Orien-
ta-

tales Imperatores anathemate percussit ob D.
Chrysostomum in exilium pulsum absque Ro-
manę Sedis consilio, & autoritate. Qua quidem
pœna haud quaquam se alligari permisissent tan-
ti Principes, nisi in Pontifice Romano Prima-
tum totius Ecclesię reueriti fuissent.

Eiusdem quoque Sedis Apostolicę esse an-
tiquissimam consuetudinem, vt diuersis Pro-
uincijs det Vicarios, certosque leget homines;
quorum iudicio stent exortę disceptationes;
quęque nisi per eos dirimi queant, ad Sedem
Apostolicam deferantur; quę de summi Ponti-
ficis iudicio illas, sedet, componatque, probatur
ex Epistolis. Simplicij, ac Gelasij summorum
Pontificum ad Episcopos Dardanię circa Episco-
pum Constantinopolitanum deputatum in Vi-
carium apud Aegyptum. Quod munus habuit,
exercuitq. etiam Episcopus Alexandrię tempore
Cælestini Primi in Occidente: Idque confirmant
verba D. Leonis Papę ad Anastasium Episcopum
Thessalonicensem à se in Oriente Vicarium
constitutum, vbi: Quoniam (inquit) sicut Prę-
decessores mei Prędecessoribus tuis, ita etiam
ego dilectioni tuę, priorum secutus exempla,
vices mei moderaminis delegavi, vt curam,
quam vniuersis Ecclesijs principaliter ex diui-
na institutione debemus, imitator nostrę man-

Ep. 84.

H sue-

suetudinis effectus, adiuuares : & longinquis ab Apostolica Sede Prouincijs præsentiam quodammodo nostræ visitationis impenderes ; quia de continente, opportunoque prospectu promptum tibi esset cognoscere, quod in quibusque rebus vel tuo studio componeres, vel nostro iudicio referuares* .

r. ad Ep.
Antioch.
Prou.

Quod generalia Concilia non nisi de Summi Pontificis Romani authoritate fuerint celebrata ; testis est Marcellus in Epistola , in qua de Romanæ Ecclesiæ Primatu agens, & authoritate* Simulque iisdem (ait) inspirante Domino constituerunt (Apostoli scilicet) vt nulla Synodus fieret præter eiusdem Sedis authoritatem. Et S. Athanasius : * Scimus (inquit) ab omnibus in Nyce-
na Synodo concorditer statutum, non esse Concilia celebranda absque Romani Pontificis scientia . Quam quidem sententiam re ipsa comprobauerunt veteres Patres, cum idem Primum in Nicæna Vrbe coactum à Siluestro summo Pontifice Romano confirmari voluerunt. Eamq; Synodum secuta est Chalcedonensis, quæ
ait : * Totum in Sedis Apostolicæ situm est potestate : & ita, quod firmavit in Synodo Sedes Apostolica, robur obtinuit : quod refrauit, habere non potuit firmitatem .

Epist. ad
Felic.

AG: 3

Denique quod eadem Sedes Apostolica cun-
cto.

eorum ad se appellantium Episcoporum per-
 petuo suscepit inuocationem, quem histo-
 riarum vel ignarum præterit? Zephirini, Fabia-
 ni, Sixti, Gelasij, Symmachi, Gregorij, aliorumq.
 summorum Pontificum veteres sanctiones e-
 uoluant, qui nescij sunt: & quid de appellatio-
 ne ad Sedem Apostolicam dicant, qui legunt
 referant. Marcellus quippe huius nominis
 Primus Romanus Antistes in eadem ad An-
 tiochenæ Prouinciæ Episcopos, quam superius
 citauimus, Epistola: " Si vestra (inquit) Antio-
 chena, quæ olim prima erat, Romanæ cessit
 Sedi, nulla est, quæ eius non subiecta sit di-
 rioni: ad quam omnes tamquam ad caput iux-
 ta Apostolorum, eorumque Successorum san-
 ctiones Episcopi, qui voluerint; vel quibus
 necesse fuerit, suffugere, eamque appellare de-
 bent; vt inde accipiant tuitionem, ac libe-
 rationem, vnde acceperunt informationem,
 atque consecrationem. Hæc ille. Idemque
 exemplis comprobatur Episcopo-
 rum, qui ad Romanam Sedem confugerunt,
 ad quam appellauerant. Attici Veteris Epiri
 Metropolitani Episcopi ad Leonem Pontifi-
 cem Maximum: Athanasij Alexandrinæ An-
 tistitis Ecclesiæ ad Iulium: Chrysostomi Con-
 stantinopolitani Patriarchæ ad Innocentium:

& aliorum multorum, quorum Catalogum non est, cur hic recitemus, breuitati studentes.

Non igitur hæc iura vniuersalis Ecclesiæ Primatus Romani Pontifices vsurpant; quæ ab ipsis Ecclesiæ primordijs legitimè possessa, ad hæc nostra tempora iure omni retinent, possidentque.

Atqui si nolunt hostes Ecclesiæ Primatum Romano tradere Pontifici, cui nam is destinandus? Num Angliæ Regi? Testimonia veterum Patrum proferant, Conciliorum rescripta, Synodorum sententias, & si quas habent suffragantes citent leges. Nos quidem, veræ Dei Verbi inhærentes interpretationi, præfixa habemus Dominica Dogmata: * Tu es Petrus, & super hanc petram edificabo Ecclesiam meam: & * Pasce Agnos meos: pasce Oves meas; quæ non in solo Petro, sed in eius quoque legitimis successoribus agnoscimus. Vnde Anacletus: * Sacrosancta (inquit) Romana; & Apostolica Ecclesia non ab Apostolis, sed ab ipso Domino nostro Primatum obtinuit. Et infra: * Ergo hæc Apostolica Sedes, cardo; & caput omnium Ecclesiarum, à Domino, & non ab alio constituta: & sicut cardine ostium regitur, sic huius Sanctæ Sedis autoritate omnes Ecclesiæ

sic

sic Domino disponente reguntur.

Non ergo sufficiens erit, non vnus, sed multorum Romanorum Pontificum attestatio, quæ tanti miraculi, Lauretanæ scilicet Domus diuinitus translata, fidem faciat?

Q U A E R I T U R



SAGITTA VIII

*Meliorem, ac saniozem Europa partem miraculo
semper contradixisse.*

C L Y P E V S.



ANTAM sibi negandæ veritatis sumpsit Aduersarius noster libertatem, vt etiam quodlibet satis, superque conspicuum negare non erubescat. Non tamen mirum cum enim peruicacia est in Voluntate, licet præferat sacre doctrinæ facem Intellectus, numquam tamen de suo sensu mouebitur homo: immò eadem iterabit, quæ vel Heraclyto risum excitarent: telisque ad se defendendum vel arancarum vteretur.

Quæso oppugnationem cæteris diligentius inquisitam consideremus. Meliorem (inquit), ac saniozem Europæ partem miraculo semper contradixisse. Quænam (cedo) melior est, ac sanior Europæ pars? Si velimus hîc quas illa ambitu claudit suo regiones recensere vel Hispanias, Gallias, Belgium, Italiam, Insulasque

que adjacentes, vel Germaniam, Poloniam, Pannoniam, Graciamque mendacium se dixisse, vel hyperbole vsum, fatebitur; Enimuero recensita Prouinciæ melior quidem, ac sanior Europæ pars est: & has huic miraculo non solum numquam contradixisse, sed venerabundas priscam accolarum traditionem, Summorumque Pontificum in re tam admirabili grauissimas attestaciones admisisse, luce clarius infra apparebit; Siquidem, cum Romani Pontifices sacrum locum in sui proximè tutelam esse voluerint, locum vnà cum Ministris, siue Ecclesiasticis, siue laicis à quouis Prouincialium Prætorum, etiam de latere Legatorum, iudicio exemesunt: sacraque Domui Templo magnifice extructo, alteros è marmore nobilibus imaginibus exculpto superinduxere parietes, illique preciosam valde suppellectilem clarigis sunt.

Pius II. Senensis Lauretanæ Virginis, cuius opem implorauerat, patrocinio tormenti muralis ictu minime lesus, & aliquibus pro Sede Apostolica victorjs relatis, illuc profectus est: Domumque sacram veneratus, præsentis suæ autoritate, quæ ad fidem faciendam quàm maximè queritur, commendauit: & in sui ipsius seruati monumentum, marmoream sphæ-

ram

ram, è bombarda nitratis ignibus explosam, cum Cruce auro, ac gemmis intertextam reliquit.

Clemens VII. necnon VIII. Paulusque huius nominis Tertius illuc Religionis causa profecti sunt.

Pius V. tum in Nepotis Cardinalis Alexandrini morbo, tum in Belli naualis apparatu aduersus Turcas, votiuas obtulit preces.

Hos alij Præsules secuti. Cardinalis Ceruinus, qui ad Pontificatum euectus Marcellus II. deinde vocatus est, prope Lauretum sibi domicilium elegit, vt crebrius sacros sibi parietes osculari, ac venerari liceret. D. Carolus, Borrhomæorum familiæ lux indeficiens, ad Lauretanam Domum sæpius religionis ergo peregrinus itabat: necnon alij multi, quos breuitatis causa omittimus.

Principes quoque laici vel Domum ipsam, perse adiuere, vel suæ pietatis muneribus ad eam missis testati sunt, se numquam tanto miraculo contradixisse, sed cum meliore, ac saniore Europæ parte in hanc sententiam descendisse.

Quotnam ibi Imperatorum, & Augustorum Principum monumeta videre licet? nisi credant, hostes adeant, & verum probabitur, an comen-

men-

mentitium, Argentea Beatissimæ Virginis Statua ab Archiduce Ferdinando Seniore Romanorum Rege oblata: Dona Caroli, & Massimiliani Archiducum: Mariæ, ac Margaritæ Austriacarum: Alia Archiducis Leopoldi, ac Cæsareæ Maiestatis adhuc viuentis, Virgini donaria quid significant? Num tantum in ipsius Virginis honorem? Fortasse Delubra deerant in Germania Virgineo honori, ac nomini nuncupata, quæ possent ditari velut propria? Cur ad extera procliuiore sunt animo? An nominis, famæque memoria? Cur igitur, Regionum suarum spoliatis Templis, nostra hæc non veniunt exornatum cum hoc famæ, ac nominis aucupio?

Exrat ibi munus è voto ab Henrico III. Galliarum Rege Lauretanæ Virgini elargitum cum inscriptione.

Vt, quæ Prole tua Mundum Regina beasti;

Et Regem, & Regnum Prole beare velis.

Et cor aureum, ac gemmatum Ludovicæ eiusdem Henrici Regis Vxoris. Eidemque, dum hæc scribimus, aliud simile munus à Regina Ludovici XIII. Galliarum Regis Matre transmissum accessit, Angeli ex argento Delphinum filij filium ex auro Lauretanæ Virginis offerentis simulacrum unâ cum duplici, summi

I qui-

quidem pretij, tam Virginis, quam filij capiti imponenda corona.

Et ne aliorum in Gallia Principum monumenta deessent, argentea simulacra duo Angelos præ se ferentia Ducis de Pernone, & Turris argentea Principis Condei testimonio comprobant, se huius quoque cum reliqua Ecclesia Catholica, quæ quidem melior, ac sanior est Europæ pars, esse sententiæ.

Longum esset hîc singillatim attexere, quæ votiva donaria, quæ votiux lampades, vestes, tabulæ, peristromata, multorum ibi Principum Religione vel per se aduecta, vel per alios in Lauretanæ Virginis honorem, eiusque veræ Domus exornationem elucescunt ex auro, argento, gemmis, sericoque siue ab Aragoniæ, Hispaniarumque, siue à Poloniæ, Boemiæque Regibus, ac Cognatis Principibus, vel à Venetæ Republica, necnon à Magnis Ducibus Etruriæ, Sabaudiæ, Mutinensium, Parmensium, Mantuanorum, Vrbinatum: vel à longinquis, Bauariæ scilicet, Lotharingiæ, Austriæque Principibus oblata.

Quorum pietatem in Virginem, ac Religionem quàm maxime Illustrissimæ feminæ æmulantes (quippe femineus sexus pronior ad pietatem ubique conspicitur) eandem Domum
hu-

huiusmodi ex auro, argentoque donarijs, nec non lapidibus pretiosis non locupletarunt inquam, sed ad summum usque cumularunt.

Quibus Munerum significationibus accedunt Peregrinationes Principum. Quos inter Archiducis Caroli Austriaci filius ex voto ab Ispurgo Lauretum multo cum comitatu pedestre accessit. Guillelmus Bauariæ Dux non cognitus Lauretum adiuit, oblatosque sibi ob loci reuerentiam honores respuit. Raynuthus Parmæ Dux habitu infra dignitatem suam absconditus, tribus tantum associatus comitibus pedestri illuc venit itinere, & ab hospitio nudatis pedibus ad sacram perrexerat Domum. Ioanna Austriaca Magni Ducis Etruriæ Coniux, à longe Lauretano conspecto Templo, è lectica egressa, pedestris reliquum viæ spatium ad ter mille passus confecit: locumque ingressa, ibidem precibus vacatura quietius, pernoctavit. Christiana quoque Ferdinandi Magni Ducis Etruriæ Coniux illuc cum ingenti Affectatorum numero profecta, cinereo tamen, abiectoque vestimento superinduta, ubi primum Lauretanam prospexit Domum, reliquum iter pedibus confecit: & non prius Beatæ Virginis Domum, quam sacra confessione ritè expiata, ingredi voluit. Christer.

na Daniæ Regis Filia , & Lotharingæ Dux ,
necnon Caroli V. Neptis , paralyfi vehementer
afflata , vt sanitatem veluti confidebat , re-
cuperaret , vel inuitis affinibus , lectica fe ad fa-
cræ Domum ferri voluit : vbi , in eam gesta-
toria sella peruecta , illicò conualuit , quingentis
circiter Aulicis de tam fælici euentu obstupe-
fcentibus , remque mirandam attestantibus .
Quid amplius ? Non hæc igitur erit melior ,
& fanior Europæ pars ?

His addi poffunt multarum Ciuitatum vna-
nimi Ciuium confenfu votiux preces , vota fi-
gna , propenfiq; ad huius sanctiffimæ Domus
venerationē animi . Quarum Elenchum , ne no-
ftra longior iufto fit refponfio , alijs retexendum
relinquimus : tantùm Parisiorum publicum
fub Gregorio XIII. ad Aedem Lauretanam vo-
rum enunciatum fumatim referemus eā-
dem , qua publicis tabulis refcribi iuffere , lin-
gua .

Le predette neceffità furono sì terribili , che
aumentaronfi le preghiere à Dio ogni giorno ,
& in vna Congregatione della Città fi fe voto
in nome di tutto il Popolo Parigino à noftra
Donna di Loreto : e fi promife , che quanto pri-
ma la Città rimanefse libera dall'afsedio , fi pre-
fentarebbe à quella S. Cafà vna Lampada , &

vn

vn Nauilio di argento andante à piene vele, che è l'arme del Comune, pesante trenta Marche, insieme con altre oblationi, e ringratiamenti. Il yoto si celebrò nella Chiesa del Duomo, oue raunaronsi li Magistrati: Il Parlamento di tutte le Camere vestito di rosato: Il Preposto de Mercanti con gli Esclauini, & Deputati del Comune con i Ministri, e Sargenti loro armati: e li Theologi della Sorbona: & il Legato con i suoi Prelati, il Vescouo di Parigi, & altri Vescoui: e cantossi la Messa: e predicò vn gran Maestro di sacra Scrittura à tanto, che consolato rimase quel Popolo.

Obiectionem quoque refellunt plura in eiusdem Virginis Lauretanæ per varias Europæ partes erecta Templa, variaque Sacella ad ipsam veritatem firmandam: veramque in Piceno sitam procliuis vbique Populi Religione tamquam vero testimonio comprobendam.

Neque est, cur Aduersarius exultabundus Angliam obieceret, siue Daniam, vltimamque Thulen, siue Belgij Oppida rebellantia, siue Pannoniæ, Illyrijque Turcarum oppressa tyrannide, siue Græcum Schisma, & huiusmodi; hanc enim non esse meliorem, sanioeremque partem ipsa quoque iurabit Europà.

Num lacus Lemani accolæ Calvinismo labo-

borantes melior, ac sanior est Europæ pars? Num Heluetij iisdem polluti sordibus? Num Bataui, Angli, Scoti, Dani, Sueci, Gothi, Vuandalique: quique in Germania Lutherano inficiuntur veneno: aut qui Othomannicam amplectuntur sectam, Europæ melior, ac sanior habenda pars est? Isthoc melius, & isthæc sanitas nobis, qui Europæ præcordia dicimur, adempta, extremisque illius partibus ab Aduersarijs attributa, qua in re consistit? In veræ doctrinæ laudibus? Et hæ Romano prædicantur eloquio, non Gothico, non Anglo, non Batauo. Num in veræ agnitione Fidei? Et quò ab ipsa Christiani nominis origine in controuersijs, dubijsque de Religione, ac Fidei rebus appulsum præterquam Romam?

Hæc ergo sanior, ac melior Europæ pars: hæc sana præcordia toti corpori præfagiunt sanitatem, si velut membra capiti suo cohæreant, pectorique: Illam verò, quam ipse hostis intelligit meliorem, ac saniozem Europæ partem, diuulsa nos membra vocitamus: nec nos tantùm, sed ipsa Europæ partis constitutio quodammodo definit, dum veluti extremæ partes, à præcordijs scilicet, & capite longius diffitæ, ipsius veræ fidei caloris expertes, penè æterno igno-
rationis occupantur frigore. Vnde morbosæ
sem-

semper, & variarum Sectarum, tamquam scaturientes fistulæ, noxium pus, putremque saniem emittunt, & penè insanabilem; Eo enim calore priuantur, quo frigus posset expelli, & in optimam reduci sanitatem.

Fortassis Aduersarius ad Lemnicas constitutus Aquas, se non in extremis constitutum, partibus blaterabit: sed prope viscera, immò se verè sanà esse præcordia, vnde tota reliquò corpori sanitas promanare possit. Ipsæ Galliæ fateantur, quid ex Vgonotarum ad Lemanos fluctus propinquitate quondam acceperint: ipsa tot Populorum perduellio sub Henricis II. & III. & sub Carolo IX. Galliarum Regibus testis erit certissima, quid incommodi, quid miseriarum, quid calamitatis in Gallos vniuersos inuexerint hæ sanæ, ac meliores Europæ partes.

Melior quippe, saniorque Europæ pars ea est, quam vel nunquam, vel rarò hæresis labes inquinavit: & hanc Italiam fuisse, Urbemque Romam totius Mundi caput, quis ibit inficias? Si enim aliquando Italiam hæreticæ perfidiæ pestis peruagata est, non ibidem exortam, sed aliunde quisque fatebitur inuectam. Roma verò ab ipsis suis in vera Fide natalibus, quam semel admisit, numquam dimisit; quin
im-

imperterrita, seu Tyrannorum insectationibus concussa, seu malorum Christianorum Schismate perturbata, in veræ Petræ soliditate firmata constitit: & ab Apostolis acceptam fidem intemeratam, incorruptam, impollutam hucusque servauit, & ad vltimam Mundi constitutionem, terminumque eandem seruaturam speramus, & credimus; vt penitus adimpleantur oracula: * Oraui pro te Petre, vt non deficiat fides tua. *.

Lucæ 22.

Sed ne Barbarorum quoque desint testimonia ad ridiculam Aduersariorum oppugnationem proterendam, cum meliore, ac saniore Europæ parte illam pariter includamus, quam etiam ipsi à Christiana fide alienam dicunt. En cuiusdam Turcarum Prætoris (Baxæm vulgus nuncupat) notissima attestatio. Qui cum desperato affligeretur morbo, extremumque proximè spiritum esset exhalaturus, quodam ex Christianis mancipio suadente, vt Lauretanæ Virginis opem imploraret, vt primum ad Virginem, licet in Fide alienigena, preces effudit, beneficium sensit, gratiam retulit, muneribus ad Sacræ Domus exornationem missis, literisque Arabicè scriptis, quæ factum testarentur. Idem Iudæus fecit: fecere & alij, quos non in saniore, ac meliore Europæ parte reponimus.

Ad

Ad hæc igitur quid Aduersarij ? Num quæ
superius ostensa plenam illis fidem facere pos-
sunt, vt credant, se ridiculum opposuisse, cum
dicunt: Meliorem, ac Saniozem Europę partem
miraculo semper contradixisse ?



C L T P E V S
S A G I T T A I X.

Ipsosmet S. Domus Ministros ad:ò de veritate Translationis dubitasse, ut de illa Demones in obsessis interrogauerint.

C L Y P E V S.



OC posito, quod certe non nouimus, eiusmodi interrogationes ab aliquo ex Ministris S. Domus emanasse, Lydius ne factus est lapis Aduersarius noster cuius attritu aurum, siue argentum dignosci queat interrogationumstrarum? Enim verò veluti conscius, quid album, quid nigrum: si quid vel interrogando, vel faciendo aggredimur, quonam id proposito à nobis fiat, audacter dijudicat.

Dicat obsecro, mihi Oppugnator, quando Saluatori nostro in Gerasenorum regionem, appulso occurrit de monumentis, homo in spiritu immundo: ipse verò illum interrogauit: *Nec s.* Quod tibi nomen est (cum spiritu enim loquebatur) sciebat ne nomen, & multitudinem eorum,

rum,

rum, qui corpus illud obsederant, Christus? Hæsitabat ergo Dominus, & hæitatione ductus, ne nomen, ac numerum ignoraret, percontabatur ab obfesso? ò temerarium dictum, ò cogitatum audax! Sed ne Christum omniscium ipse laudet, nos verò utpote homines condemnet: dicat num semper hæsitet qui alios interrogat, quod ipse apprimè callet. Veluti si quis modo, Romani Imperij, ecquisnam teneat iura sciscitetur; non illum de Ferdinando Imperatore hæsitare, sed ut vel nomen, regnantis addiscat, vel huiusmodi: quod non ad dubitationem, sed ad ignorationem potius referendum est. Id ipsum contigisse dicendum, si quando accidit à nostris, Dæmones fuisset interrogatos; scilicet non hæitationis causa, sed ad rei veritatem magis confirmandam, id eos egisse.

Et sanè, apud veteres Fideles in more positum fuit Dæmones interrogare, eosque ad fatendam veritatem exorcismis compellere.

Hinc Tertullianus in Apologetico nostræ potestati relinquit. ^{cap. 23} Edatur hic aliquis (inquit) sub tribunalibus vestris, quem Dæmone aangi constet, iussus à quolibet Christiano loqui, spiritus ille tam se Dæmonem confitebitur de vero, quàm alibi Deum de falso. De quo

K 2 etiam

Li. ad De
metr. Afr.
Proconf.

etiam Diuus Cyprianus ait *: O si audire
eos velles, & videre, quando à nobis adiu-
rantur, & torquentur spiritualibus flagris,
& verborum tormentis de obsessis corpori-
bus eijciuntur: quando eiulantes, & gemen-
tes voce humana, & potestate diuina flagel-
la, & verbera sentientes venturum iudicium
confitentur. Veni, & cognosce, vera esse quæ
dicis. Et infra: Videbis nos rogari ab eis,
quos tu adoras: Videbis sub manu nostra sta-
re vinctos, & tremere captiuos, quos tu susci-
pis, & veneraris, vt Dominos. Certe vel sic
confundi in istis erroribus tuis poteris, quan-
do conspexeris, & audieris, Deos tuos quid
sint interrogatione nostra statim prodere, &
præsentibus licet vobis præstigias, & fallacias
suas non posse celare. Hactenus ille. Et Iu-
stinus Martyr de terrore, quo Dæmones, IESV
nomine audito, quatuntur, ac de obedien-
tia, quam vel coacti huius nominis virtute
imperantibus præstant: * Eius nominis (inquit)
potentiam Dæmones tremunt, & reformi-
dant: Et hodie quoque illi per nomen IESV
Christi Crucifixi nobis parent. Ac demum S.
Ambros. * Non accipio (inquit) à Diabolo testi-
monium, sed confessionem: Inuitus dixit dia-
bolus, sed exactus, ac tortus.

Nō. de ve-
rit. Chri-
stianæ Re-
lig.

Serm. 92.

Quam-

Quamvis autem, quod nos minime quidem latet, Dæmones sæpe conentur incautos mendacijs fallere, Divina tamen virtute coacti tandem fatentur veritatem, vt bene aduertit Tertullianus, vbi: * Et tamen ille Dæmon (inquit) postquam circumstantes circumuenire tentauit, instantia diuinæ gratiæ victus, id quod in vero est inuitus confitetur. Quod sæpius euenisse plurimæ narrant historiæ, sed præcipue cum Delphicum, totoque Orbe celeberrimum Oraculum paullo antè, quàm Christus nasceretur Octauio Augusto Apollinis, à quo se genitum existimabat, sub ipso Hecatombes sacrificio, Deo tamen disponente, hæc dedit responsa.

lib. de ani
ma 22. 33
circa fin.

Me Puer Hebræus Diuos Deus ipse gubernas

Cedere sede iubet, tristemq. redire sub Orcū

Aris ergo de hinc tacitus abscedito nostris:

Non ergo Sanctæ Domus Ministri Dæmones exorcismis vexandi potestate fultri, si quando, vt tu dicis, illos de veritate rei interrogarunt, id ambiguitatis causā fecere; sed vt etiam mendacissimi spiritus ore veritas ipsa magis innoresceret.

S A G I T T A X.

*Tabulas votiuas Miraculorum etiam Dæmonibus
familiarium non bene in confirmationem
Sanctæ Domus afferri.*

C L Y P E V S.



AD maiora procedit Aduer-
sarius Atheismo penè pro-
pinquus; miraculorum
enim gloriam diuinę tan-
tū potentie debitam e-
tiam dæmonibus attri-
buit. Ob inscitiam excu-
sandus: ob pertinaciam
damnandus. Tamen ex ordine rem propo-
sitam discutiamus.

Tabulas (ait) votiuas non bene in confirma-
tionem sanctitatis Domus afferri. Si credere
nos putas è tabulis votiuis Domum ipsam effi-
ci sanctiorem, allueinaris; Quam enim per se
Verbi præsentia sacrauit, non indiget huius-
modi adminiculis, vt sanctior fiat, & augustior:
Nec votiue tabulæ sanctitatem afferunt loco;
sed ob ipsum locum Christi, Virginisque præ-
sentia consecratum, & in accepti beneficii me-
mo-

mōriam, suspenduntur. Et quidem ex antiquissimo Ecclesiæ more. De quo si quis dubitat, legat Paulini Nolani Præfulis Carmina, in quibus De Diuo Felice. morem tangit vsitatum apud Fideles tabellas pictas; siue incisas argento de Templis suspendendi, quibus, quæ à Sanctis accepissent beneficia vota reddentes alijs demonstrarent; inquit enim: *

Hi leues titulos lento poliant argento,
Sanctaque præfixis obducant limina laminis.

Cui accedit Sophronij Episcopi Hierosolymitani authoritas: necnon Theodoret; qui de his sic ait: * Votorum reos persoluisse in locis sacris alios oculorum, alios pedum, alios manuum simulacra; & suspendisse ex auro, argentoque confecta, gratissimaque Domino Martyrum accidisse. Subiungitque: Sic verò fideliter precatos ea maxime consequi, quæ desiderant, testantur illa, quæ votorum rei dona persolunt, manifesta nimirum sanitatis indicia. * Et alibi: Hæc itaque omnium spectacula exporrecta testantur morborum depulsionem, cuius ipsa certissima signa sunt à sanitatem consecutis allata. *

Act 3. fecidi Cœcil. Nic.

lib. 1. Græcar. affectionum.

Non ergo recens est hæc institutio; sique mira sunt in Sacratissima Domo, quorum non qui tantum experiuntur, sed qui oculati sunt

re.

telles spectatissimam hanc fidem facere queant; cur non est relinquenda posteris tantorum miraculorum memoria? Cur non bene in confirmationem sanctitatis Domus possunt offerri voriuæ illæ tabulæ?

Quod autem Aduersarius ait, miracula esse etiam Dæmonibus familiaria, hinc patet eum penitus ignorare, quid sit miraculum, cuius sit vera edere miracula, cuiusue rei gratia edantur. Num miracula sunt præstigiæ? vel quæ ab aliquibus manuum, ac digitorum agilitate, præstantur? Nos miraculum dicimus, quod præter naturam accidit, quod non nisi diuinitus posse contingere asseueramus: & hæc Dæmonibus esse familiaria, aut etiam possibilia, negamus; quandoquidem, præter naturam immutare illis neutiquam quicquam permittitur: aliquid ostentare; sed ordinem, tenoremque naturæ permutare nequaquam possunt. Hoc vnus Dei esse, qui supra naturam, ipsiusque naturæ est Dominus asserimus. Id quod omnium, qui sacræ Theologiæ scientia clari sunt, suffragiis facile probatur, & præcipue Sancti Thomæ, qui vera miracula non nisi à Deo fieri posse demonstrat, quod vnus ipse naturæ seriem conuertere, ordinemque variare queat, præterea nemo.

Num

Num ab inferis defunctum excitari Dæmonum potestate posse dicat Aduersarius? Cur igitur tot veneficijs deditos, vnde propagari posset veneficiorum secta, qui se Dæmonibus debitum Deo obsequium præstare iurant, non iterum vita functos ad vitam reuocant?

Num sanitatem depulso morbo Dæmones possunt restituere? Si vim herbarum ipsis ex naturali scientia cognitarum adhibeant, illam quippe restituent. Quod ex nostris Phisicis plurimi. Nulla tamen herbarum vi adhibita, sed illorum tantum nomine implorato, an possit agris aliqua reddi salus, ipsi fateantur Aduersarij: & si quid veri possint asserre propalam deducant ad nos conuincendos. Qui cum vera tantum à Deo edi miracula fateamur, Dæmonibus signa, præstigias, ac prodigia solum modo attribuiamus ex diuino Oraculo: * Surgent Pseudoprophetæ, & dabunt signa magna, & prodigia: signa (inquit) & prodigia, non miracula: quorum quidem Etymon est in sacris Paginis, eorum, quæ solus Deus, & per illum alij edere possint.

Hinc in Exodo Miraculorum veritate per Moysen editorum Magorum prodigia, vanæque ostentationes reselluntur: datisque mani-

L bus

Matth.
cap. 14.

bus hi, cum neutiquam possent cum illo mirabilia patrante æmulatione contendere, vel
 Exod. c. 8 inuiti confessi sunt: * Digitus Dei est hic. * Et si naturæ Ordinem inuertere Dæmones possent, non semel certe isthæc Mundi constitutio fuisset ab illis conuersa, & in aliam murata.

Si quæ autem præter naturam huiusmodi à Veteribus enarrantur, quæ miraculi faciem præferant, non esse vera miracula, sed prodigia, & signa, quibus vel Electi in errorem possent induci, & Dæmonum illusiones, ac præstigias, probatur ex diuersitate finis, ac potestatis, quibus distinguuntur, vt docet S. Augustinus, his verbis: * Cum talia faciant Magi, qualia nonnunquam Sancti faciunt, talia quidem visibilia esse apparent, sed ex diuerso fine, ac diuerso iure fiunt: Illi faciunt quærentes gloriam suam: Isti quærentes gloriam Dei. Et illi faciunt per quædam Potestatibus concessa in Ordine suo quasi priuata commercia, vel beneficia: Isti autem publica administratione, & iussu eius, cui cuncta creatura subiecta est. * Hæc Augustinus;

Sed posito cum Aduersarijs, miracula etiam Dæmonibus familiaria, additoque (quod penitus religiosi, ac doctis auribus absonum, absurdumque est) vera miracula: Num quæ tot
 ho-

hominum testimonio comprobantur edita in hac S. Domo, ab ipsis Dæmonibus patrata, fatendum est, an à Deo? Si à Deo, in Loci sanctitatis confirmationem certè credibile est: & sic in nostram Aduersarios descendere sententiam oportet: sin autem à Dæmone, quo nomine, qua specie id accidisse credendum? Si eo nomine, vt Fideles decipiantur: bona sanè (vt ita dicamus) deceptio, vnde in Deum, Virginemque Matrem religio augeatur, ac pietas: & ex effectu vel inuitus Aduersarius fateatur, necesse est, non aliam ob causam edita nisi, vt in omnes Mundi partes Dei, eiusdemque Virginis Matris honor latius propagetur, & gloria, dum eiusdem Domus sacrosancto Incarnationis Verbi Mysterio consecratæ nomen huiusmodi signis fit. vbique celebrius, locique sanctitas augustior.



S A G I T T A X I.

Oblationes ad excitandos Oblatores efficitas, & inscriptionibus ostentatas nullum gradum probationis facere de rei Veritate.

C L Y P E V S.



X ijs profectò infirmis op-
pugnationibus inscitiam
Aduersantis quàm maxi-
me redarguo. Quid ma-
ge ridiculum, homines,
vt alios excitent ad pec-
cuniam è marsupio de-
promendam, ad oblatio-
nes faciendas, ad elargienda donaria, hæc ta-
lia effingere, & inscriptionibus ostentare.
Hæreticorum, quorum simulata æquitas est
duplex iniquitas, proprium hoc est, animas
innocentium decipere, & palliatis rationibus,
ac gestis à recto tramite veritatis abducere.

Sed ponamus, & hæc à nostris quondam
efficta fuisse, vt hùc Hispaniarum thesauri au-
rei, Galliarum texta peristromata, Germaniæ
munera fabrilia, Europæ deniquè meliores
diuitiæ traducerentur: cur & ipsi nos æmulan-
tes

tes, non talia confingunt? Cur nisi Domum Virginis, saltem cæleste aliquid ad illos effluxisse simulant, ex quo fidelium turmæ ad illorum regiones conuolantes bonis omnibus hinc ad eos asportatis cumulent? Religiosi scilicet homines, Lemani lacus accolæ, non talia possunt effingere, qui noua legis interpretatione nouam sibi rerum Ecclesiasticarum administrationem confinxere, qua vtantur, communi Vniuersalis Ecclesiæ relicta. Nos quidem oblationes cunctas, quæ effinguntur, tamquam malas detestamur: idemque Deus derider, derident & Sancti.

Atqui singillatim discutiamus, quod obijciatur: & si quid cum veritate affinitatis habet, illos verum dicere, fatebimur.

Diuinam improbat Aduersarius Translationem Sanctissimæ Domus, quam, cum vtiuis tabellis ad eiusdem sanctitatis fidem faciendam contextam audiat, huiusmodi miracula non à Deo, sed à Dæmonibus edi posse contendit: Præterea quod sentit oblationibus ad summum eandem exornatam esse, vt fidem sacro adimat Loco, illas ad excitandos oblatores effictas, & inscriptionibus ostentatas asserit. Verùm ex illo quærimus, num semper eiusmodi oblationes possint effingi ad aliorum

excitamentum : si neget, iterum sciscitamus, qua ratione possit dignosci (subtilis quippe mentis discussio, ut discrimen inter oblationem, & oblationem ponat) quænam efficta, & quæ non ficta, eidem loco, iisdem ex causis, ab iisdem fidelibus.

Quod si dicat, non hoc posse dignosci, Vnus Deus scrutatur hominum cor, præterea nemo; Quo pacto igitur ipsi, quod vni Deo tantum ex diuina tribuitur potentia, sibi arrogant, ut asseuerent, Oblationes ad excitandos Oblatores effictas, & inscriptionibus ostentatas esse? Num in nostros ipsi tantum (arrogantissimi quidem homines) penetrant animos: & , qua mente munera illi Sanctissimæ Domui dilargimur, certissimò agnoscunt? Et hæc cognitio illis tantum, post trecentorum annorum spatium, quo S. Domus innumeris ex fidelium religione fuit cumulata donarijs, patuit, nullique nostrum?

Dicant, quæso, num fuerit efficta Constantini Magni oblatio, siue Pipini Gallorum Regis, qui (ut ex Leone Ostiensi constat) D. Petro, ac Apostolicæ Sedi ferè totam obtulit Italiam?

Lib. 1. Hist.
Ror. Cass

An effinxerit Carolus Magnus eiusdem Pipini filius, cum eidem Diuo Petro Saxoniam, cuius victoriam illi acceptam referebat, obla-
tam

tam voluit? vt refert D. Gregorius:

An fuerit efficta oblatio Regum Gothorum, Hispaniæ Regni, quod ad intuitum Petri, Romanæque Ecclesiæ effe voluerunt, teste eodem Greg. 7. epist 6
lib. 7.

Dicant num fuerit efficta oblatio, siue potius oblationis confirmatio à Ludouico Caroli Magni filio facta: necnon Orthonis repetita concessio eorum omnium, quæ antea Imperatores, quorum ipse successor erat, D. Petro, Ecclesiæque Romanæ liberali sanè animo largiti fuerant.

An simili modo efficta fuerit oblatio Alfonso Primi Lusitanæ Regis, qui, vt ex diplomate in antiquissimis illius Regni tabularijs asseruato patet, Regnum D. Petro, ac Sedi Apostolicæ cum annuo duarum auri Marcharum (vt vocitant) tributo obtulit.

Et an effinxerit Petrus Aragoniæ Rex, qui, vt Hieronymus Blanca, ac Hieronymus Pauli in illius Regni historijs referunt, prædictos æmulatus, Prouinciam illam, suæ ditioni subditam, D. Petro, Sediq. Apostolicæ oblatam esse voluit cum Tributo 250. Manozemusinorum (sic antiqui Glossarij appellant) auri.

Quoniam verò non Viciniores solummodo Prouinciæ, sed quæ sunt dissitæ, & inter
ex-

exteras recensentur, idem quoque fecerunt. Dicant, num fuerit efficta, quam fecit Ladislaus Laticus Poloniæ Rex, qui, vt Cromerus, & Spondanus sub anno 1320. referunt, eidem Petro, eidem Sedi Apostolicæ Poloniam cum denarij tributo viritim persoluendo obtulit: & quam multò ante D. Stephanus Primus Vngariæ Rex de suo quoque Regno fecisse constat.

Ex Epist.
113: Greg.
7

Et quia non defuerunt Prouinciæ, quas, vt paulò ante demonstrauimus, meliorem, ac saniores Europæ partem vocitant Aduersarij, quæ se se Sedi Apostolicæ re ipsa obtulere. Dicant, num fuerit efficta oblatio Regnorum, Hiberniæ, & Angliæ à Regibus Ioanne, Inna, ac Salomone facta: necnon Offiæ Regis Merciorum, Polidoro Virgilio teste.

Ac denique dicant, num fuerit efficta oblatio Comitum Mathildis, quæ Diuum Petrum, Sedemque Apostolicam Patrimonij sui reliquit hæredem, quod amplissimum in Liguria, & Etruria habebat; vnde nunc etiam ea pars Diui Petri Patrimonium appellatur? facile enim erit, has omnes oblationes diiudicare, Aduersarijs nostris, penes quos est animi, voluntariisque omnium nostrum integrum arbitrium.

Qui-

Quibus quæso addant, nùm fuerint effictæ olim oblationes, quas Diuino siquidem instinctu fecisse constat Primores Hebræorum Moysi ad Tabernaculi apparatus, & cultum? Et an effictæ, quæ sub Dauide, ac Salomone filio ad ampliorem eiusdem Tabernaculi in nouo Templo constructo cultum, exornationemque factæ? Et quæ sub Machabæorum tempore in eiusdem Templi restaurationem fuerunt congesta munera? Si enim contendant, qualibet hucusque ab ipsis Mundi primordijs oblationes effictas fuisse, palmam solùm obtinebunt impietatis, ac sacrilegij, qui voluntatum arbitri esse volunt, ac animorum.

At forsitan non veteres oblationes, quarum quidem Iudex esse non potest Aduersarius, paulò ante in hanc lucem exortus, condemnabit; sed recentiores, cum præsens nunc, & oculatus testis in animi possit intima penetrare, & fictionem à synceritate distinguere. Causam proferat tantæ virtutis: sique ad stipulatores habeat veterum Patrum codices, deducat. Cur nunc Christi Fideles quicquid Deo, Virginique, cæterisque Cælitibus siue Romæ, siue Parisijs, siue Constantinopoli, alijsque Mundi partibus, vel eiusdem Virginis Lauretanæ Domui fictæ offerunt, cur non

M syn-

syncere? An tanta tenebrarum caligine oppressuntur animi, ut quicquid cum sinceritate possunt, & hinc esse gratiosi apud quem deponunt oblata, eadem effingere velint, & ab accipiente donaria tamquam simulatores reijci, ac refutari? Equidem fateor in mentem meam non posse id huiusmodi venire.

De inscriptionibus nihil est, quod dicamus; etenim, si quo fiant, & curentur animo, velimus discutere, in eundem, in quem Aduersarij, incidemus errorem; Quamvis enim laudabilis semper habita fuerit Constantini Magni modestia, qui, cum tam celebria, ac illustria in Dei, sanctorumque honorem monumenta nobis posteris, pietatis scilicet suæ certissima argumenta reliquerit, in nullis tamen sui nominis memoriam titulo, vel aliqua inscriptione, quoad nobis innotuit, commendari passus est. Quod qui ante eum fuerant Imperatores, magno quippe studio affectauerant, ut passim in ruderibus, quæ ex diruta excauantur Vrbe, cognoscitur: quorum qui optimus omnium censebatur, Traianum, quod in singulis operibus à se magnifico quidem apparatu constructis, erectisque, sui nominis titulum affixisset, dictorio, & scommate lepide quidem, & urbanè derisit idem Constantinus

di-

dicens, Traianum esse Herbam parietariam.

Haud tamen vituperandi sunt, qui inscriptionibus propositis suæ pietatis exemplum posteris æmulandum relinquunt; quandoquidem quo id animo effecerint, sciendum est antea; postea iudicandum. Et cum ignoramus, illorum religioni, ac pietati, quam cæteris exemplo esse volunt, tribuendum sane est, non autem ostentationi. Aliòquin ad quid illud venerandum in Euangelij oraculum: "Videant opera vestra bona, & glorificent Patrem vestrum, qui in Cælis est." Quo pacto Basilicam, Adiculam, Sacellum in Dei, sanctorumque honorem erecta esse cerneremus, nisi præsentibus, qui posteritati student, sui memoriam lapidibus insculptam relinquerent, qua minores excitati, vel antiqua prorsus collapsa restaurarent, vel recentia meditarentur, vel æmulerentur maiora? Et hæc ex illorum inscriptionibus; titulisque, non autem ostentatio, siue inanis gloriæ, famæ, nominisque aucupatio coniicienda est.

Matt. c. f.

Mirum tamen esse non debet, hæc aliter videri Aduersario, qui ad Romani Oratoris dictum; ut pessimus est, ita de alijs pessimè suscipiatur.

S A G I T T A X I L

*Plurima intra, ac circa Sanctam Domum contra-
vsum antiquæ Ecclesiæ etiam de die ardentia
lumina augere potius tenebras, quàm
lucem afferat Translationis.*

C L Y P E V S.



LIPPVS oculus Solare in-
bar inoffensus non admit-
tit: iamque veluti Talpa
lumen abhorret Aduersa-
rius, & vt Vespertilio no-
ctis amat tenebras. En lu-
mina intra Sanctissimam
Domum, ac circa eam,
fulgentia abominatur Instaurator Vigilanti
hæreseos. Vellet, vt expers luminis Domus
illa in tenebris, vt ille manutentans incedit,
existeret, neque vera esse dignosceretur.

Siquidem illam nos tot luminibus non ex-
ornamus, vt hinc lux pateat veritatis Transla-
tionis; quandoquidem vel alibi in Ecclesijs,
licet non habitaculum Virginis extiterint, lu-
mina succendimus venerationis, cultus, ho-
noris, ac lætitiæ causa, non autem, vt loca
san-

sanctiora reddantur luminum, facumque elucescentium copia. Sed tamquam male agens Aduersator odit lucem, amat tenebras, & quæ ibi in Sanctissimæ Domus fulgorem, honoremque accenduntur lumina detestatur.

Atqui quod contra vsum antiquæ Ecclesiæ id esse dicat, illius quidem admiror inscitiam; quem latere non debebat, ad Gentes hunc vsum ab Hebræa religione vsque dimanasse: Cui imperatum, vt candelabrum aureum Exod. 25 prem habens infusoria perpetuò ante Arcam fœderis illucescens existeret. Prout non debebat compertum non esse, quod refert Iosephus, Antiq. li. 18. cap. 6. in Turri, cui nomen erat Antonia, vbi stola, asseruabatur Pontificia, quotidie solitam incendi lucernam. Vnde facile potuisset argui: si Fideles Hebræi hunc luminum honorem iuebantur præstare simplici Pontificiæ stolæ, qua qui utebatur, forsitan non erat ea sanctimonia præditus, vt aliquid ex ea in vestes, quibus amiciebatur, posset infundere; per nos certe negari non debere, huic Domui Christi præsentia, ac tactu sacræ, & summo religiois cultui venerandæ.

Nec ignotum credidissem Aduersario, Ethnicis eadem de causâ consuetis, lucernas incendere: Vnde Iuven.

Et

Et matutinis operantur festa lucernis.)

Sanctissimos Pontifices (Hieronymo in Vigilantium teste) cum subito veteris euelli radix superstitionis non posset, cutasse, ut quod in Idolorum cultum præstabatur, id in Dei, Virginis, ac Martyrum honorem deinceps præstaretur: Vnde factum, ut qui lucernas præforibus accendebant, ante imaginem aliquam id agere viderentur: & qui postes laureis coronabant: illos Ecclesiæ esse, publicæque lætitiæ, ac festiuitatis causam significarent (quod nunc etiam in plerisque Mundi partibus cernitur). Si enim Mater Ecclesiæ satius mores illos profanos in sacros conuertendos, quàm abolendos censuit: Quis iure (ut ait idem Hieronymus) calumnias inferet, si quæ olim Idolis, eadem modò Martyribus offerantur? Si quæ diebus Sabbati lucernæ accenderentur in Templis: eadem in Dei Genitricis honorem sint translata? Si qui in Saturnalibus Cereræ erogabantur, in solemnitatem Occursus Domini, & sanctissimæ eius Genitricis fuerint permutati? Et quæ faces à Cerere in filia amisse perquisitione fuerunt adhibita, eadem in Sacerorum pompis adhibeantur?

Quod si Aduersarius id ad noctis tenebras propulsandas adinuentum asserat; Nos à no-

stris

stris Fidelibus etiam rutilante sole cereos accendi solitos fuisse probamus (eodem Hieronymo contra Vigilantium id asserente) ubi ait: Absque Martyrum reliquijs per totas Orientis Ecclesias, quando legendum est Euangelium, accendunt luminaria iam sole rutilante, non utique ad fugandas tenebras, sed ad signum lætitiæ demonstrandum.

Neque tantum ad Euangeliorum lectionem lumina accendi, sed ante sacram Mysteriorum pompam cereos ferri solitos probat frequens huius rei Ministrorum mentio apud Cyprianum, Cornelium Papam, Eusebium, & alios.

Diurnum in Ecclesijs lumen accendi habemus à S. Paulino Nolæ Episcopo Divi Hieronymi cœquo, qui in Natali tertio Sancti Felicis Martyris id elegantissime comprobat his versibus.

Clara coronantur densis altaria lychnis:
 Lumina ceratis adolentur odora papyris:
 Nocte, dieq. micant: sic nox, splendorq. diei
 Fulget: & ipsa dies cœlesti illustris honore
 Plus micat, innumeris lucē geminata lucernis.
 Et cum utroque consentit Epiphanius, qui scribens ad Ioannem Hierosolymitanæ Ecclesiæ Antistitem, ait: Cum venissem in Villam;
 quæ.

quæ dicitur Anablatha, vidissemque prætere-
riens ibi lucernam ardentem, interrogassem-
que, quis locus esset, didicissemque esse Eccle-
siam * Et quæ sequuntur. Non enim admira-
tus esset lucernas de nocte coruscantes, quæ in
cunctis domibus Ethnicorum, vel Scytharum
habebantur.

Lib. 1. Mi-
rac. cap.
31. & 37.

Quem plura oblectat audire, legat Grego-
rium Turonensem, qui exemplis, tamquam
firmissimo testimonio, quod asserimus com-
probat. De lychno perenni ante sepulchrum,
in quo D. Thomæ Apostoli corpus fuerat re-
conditum apud Indos, eiusdem verba hîc li-
bet attexere: * In hac igitur (inquit) æde ma-
gnum miraculum Deus ostendit; Lychnus
enim inibi positus, atque illuminatus ante
locum sepulturæ illius perpetualiter diu, no-
ctuque diuino nutu resplendet, à nullo fomen-
tum olei, scirpique accipiens: neque vento ex-
tinguitur, neque casu dilabitur, neque arden-
do minuitur: habetque incrementum per Apo-
stoli virtutem, quod nescitur ab homine, co-
gnitum tantum habetur diuinæ potentia: * Hæc
ille; quæ sibi ab oculato teste, & fide digno
narrata testatur.

Lib. 3. Dia-
log. c. 30.

Cum quo consentit Gregorius Papa, qui re-
ferens, quid circa lampadas in Ecclesia Diuæ

Aga-

Agathę ad Suburram, quam ipse Pontifex ab Arianis vindicatam Catholico vsui restituerat, contigisse ferebatur, cum immisso diuinitus lumine fuerunt accensę. * Post paucos (inquit) iterum dies, cum, expletis Missarum solemnijs, extinctis lampadibus, Custos de eadem Ecclesia egressus esset, post paululum intrauit, & lampades, quas extinctas reliquerat, lucentes reperit: quas negligenter extinxisse credens, eas iam sollicitus extinxit, & exiens Ecclesiam clausit; sed post horarum trium spatium regressus, lucentes lampades, quas extinxerat, iterum accensas inuenit. Hęc ille.

Non igitur ad hanc antiquam, ac peruetustam in Ecclesia Catholica consuetudinem licebit lumina, quę intra, ac circa S. Domum etiam de die ardeant, accendere?

Vnum hoc pręterisse nolim, ex quo conuincamus oportet exterorum etiam, & Infidelium in Virginem pietate. Narrat Burchardus, qui Loca sancta oculis diligentissime omnia est contemplatus, locum illum, in quo habitasse ferebatur Deipara in Aegypto, ab ipsis etiam Saracenis in magna veneratione haberi adeo, vt ibi lampadem perpetuò ardentem in memoriam IESV, qui illic olim habitauit, suo tempore conseruarent. Si Saraceni in

N

Vir-

Virginis habitaculum pij, cur non item nos, qui in illius seruitutem à baptisinate sumus mancipati?

Denique dicat mihi Aduersarius, quid illa ad spurcissimi Lutheri in cinerem redacti corpus diurna lampas (vt referunt) semper accensa? Ergo (proh temerarium !) licebit lampadem succendere ad Lutheri cadauer: In Domo Virginis, in Domo, in qua salutis nostrae fuerunt inchoata primordia, non licebit?



S A G I T T A X I I I.

Plerosque Lauretum concurrere inani Indulgentiarum spe.

C L Y P E V S.



AM incipit errori nostro, (si tamen error in veritate vnquam admittitur) album calculum Aduersarius adijcere, dum fateatur, plerosque Lauretum concurrere. Vt cumquē enim sit, dum vera Domus est, quæ Nazarethi fundamentis relictis, Angelicis est hūc ad nos asportata manibus, illam fideles venerantur: qui nisi de veritate, iam per tot annorum spatium cognita, constaret, eam scilicet Domum Nazarenam esse, Christi, Virginisque præsentia consecratam, & hūc Diuinitus aduectam, nequaquam ad eam concurrerent: Immo lapsu temporis deferbuisse frequens Populorum concursus: quem tamen certum est, in dies augeri. Vnde mirum quippe est, quod plerique

que relicta Domo, negotiatione omiffa, ceterisque curis pofthabitis, Lauretuni turmatim petant. Illufos omnes arbitratur Aduerfarius inani Indulgentiarum fpe. Poft tantum ergo temporis fpatium in nobis illhæc durabit illufio? Cur non ante Lutherum? Cur non ante Caluinum? Certe hi fuerunt noftræ illufionis detectores. Cur adhuc augetur in loci fanctitatem reuerentia? nifi quia quò magis veritas impugnatur, illucescit magis.

Quòd verò fpeni Indulgentiarum vanam vociter, hoc de more facit, qui veteri Catholice Ecclefie in cunctis aduerfatur confuetudini: nouamque inftituit formam in fola libidine contentam. Contrarium tamen nobis probatur ex S. Paulo, vbi ait: * Nunc gaudeo in paffionibus pro vobis, & adimpleo eas, quæ defunt paffionum Chrifti in carne mea, pro corpore eius, quod eft Ecclefia *. Hic enim Apoftolus, ait fe gaudere in paffionibus pro alijs: hic in fe ipfo adimplere ea, quæ defunt paffionum Chrifti pro corpore miftico Ecclefie. Et cum iterum fuum ad eos polliceretur aduentum, vt veniens cuncta læta, ac tranquilla reperiret, adhuc abfens, miferatione commotus, inceftuofum illum, quem prioribus literis tradiderat Satanæ, iam indulgens ab-

Ep. ad Co
lof. 1.

2. ad Cor.
cap. 2.

absoluit: Quod ab illis ratum haberi rogat, sic, dicens: * Sufficit illi, qui huiusmodi est, oburgatio hæc, quæ fit à pluribus, ita ut è conuerso magis donetis, & consolemini, ne forte abundantiori tristitia absorbeat, qui huiusmodi est. * Hæc Apostolus: Qui etiam infra, subdit: Cui autem aliquid donastis & ego; nam & ego quod donauit, si quid donauit propter vos, in persona Christi, ut non circumueniamur à Satana. Vnde etiam Dauid in Psalmo ait: * Particeps ego sum omnium timentium te: & omnes in Symbolo Apostolorum confitemur Sanctorum communionem. Psal. 118.

Proindeque Nicolaus I. postquam Matricidam detestatus esset, & seuerissimas luedas penas imposuisset, subdit: tamen si illius conuersationem, & lacrymarum fontem in omnibus videritis floridis actionibus, & optimis operibus pullulare, humanius circa eum sollicitudo vestra peruigil appareat, nitiisque in omnibus demonstretur. Ep. ad Ep. Argentoratens.

Primum magnum Nicenum Concilium de aliquibus excommunicatis ait: * Digne etiam excommunicati similiter habeantur quousque in communi, vel ipsi Episcopo suo visum fuerit, humaniorem circa eos ferre sententiam. Et infra statuit, ut pro animi ardore, quo quis Can. 17.
lu-

susceperit, iniunctam peragere pœnitentiam, possit Episcopus indulgentiam, ne præstitutum integrum tempus persolvere teneatur, illi præstare.

Et Innocentius III. (alijs sedulò omiſſis) in Magno Conc. Lateranensi, quò ingens Præſulum vndique numerus confluxerat, sanctimonia, necnon summa doctrina prædicatorum, indulgentiam clargitus est, nemine illorum Patrum Pontificis sententiæ refragante. Quod quidem non veriti fuissent, si quid novum inceptari conspexissent.

Eandemque concedendarum indulgentiarum facultatem penès Romanum Pontificem residere, approbarunt S. Hilarius, & S. Hieronymus, super verbis Christi apud S. Matth. * Tibi dabo Claves Regni Cælorum, & quodcumque solueris super terram erit solutum & in Cælis. Itemque approbarunt S. Ambrosius, S. Ansel. ac S. Dionys. super dictis verbis S. Pauli. * Cui aliquid donastis & ego, &c. vt supra. Ac demum approbarunt Origen. & S. August. ex verbis eiusdem S. Pauli: * Gaudeo in passionibus pro vobis, &c. iam præcitata.

Id quod bene explicat Gregorius XIII. in Bulla Indictionis Iubilæi ab eo celebrati his verbis. * Dominus, ac Redemptor noster

I E S V S

Can. 18.

Matt. 16

ad Cor 2

Hom. 10

in num.

Sup. ep. 61

Ad Col. 1

IESVS Christus, qui pro ineffabili charitate sua serui formam accipiens, acerbissimam Crucis mortem subire dignatus est, vt Deo Patri genus humanum reconciliaret, atque in sortem hæreditatis eternæ vocaret, volens nostræ plenius succurrere imbecillitati, vt donum hoc pretiosissimum ipsius sanguine communicaret; ne lapsis post regenerationis Lauacrum opportunum eiusdem Diuinæ misericordiæ deesset subsidium, B. Petro Apostolorum Principi, eiusque deinceps Successoribus, suisque in terris Vicarijs S. Catholicæ Romanæ præpositis Ecclesiæ, quæ cæterarum omnium caput, Mater, & Magistra est, potestatem dimittendi peccata plenissimam reliquit. Ac thesauro præterea immenso meritorum eiusdem passionis, cui etiam gloriosissimæ semper Virginis Mariæ, eiusdemque sanctorum merita accedunt, idcirco ditauit Ecclesiam Sponsam suam, eumque B. Petro, & Successoribus dispensandum commisit, vt ex eo ceteri Fideles pro temporalibus pœnis ex remissis culpis sæpius remanentibus ad satisfaciendum adiuti, ad percipiendos cælestis gratiæ fructus, expeditiores redderentur. Hactenus Gregorius.

In quo tamen insistendum non putamus,

tunc

tum quia ab alijs fuit exactissime tractatum:
tum quia contra Clauium potestatem summo
Pontifici nullo discrepante concessam obijcitur:
& contra id, quod, vt diximus, in Symbolo Fidei
(Sanctorum nempe communionem) quotidie
profitemur: ac demum quia vel solo, quo pri-
marium Indulgentiarum calumniatorein Ca-
rolus V. descripsit elogio, refellitur: Caroli hæc
sunt verba. * Fuit iste Lutherus non tam homo,
quàm diabolus sub humana specie larens, qui
assumpto Monastico cucullo varias olim dam-
natas hæreses, lapsu temporis sepultas, in vnâ
sentinam congeffit, ijsque nouas adiecit: qui-
què quàm diligentissime Fidem suis inculcat
non alio prætextu, quàm vt germanam Fidem
subuertat. Hæc Carolus..



S A G I T T A X I V.

Ridiculum esse, externos etiam mortuos ad Lauritanam Ecclesiam ob eius sanctitatem sepeliendos deferri voluisse: multaque solemnitate fuisse sepultos.

C L Y P E V S.



VO hic de more deridet Aduersarius, eò magis irridendus, quò maiorem rei gestæ præ se fert in-fernam: Vnum scilicet, aliquem ante quàm è viuis excederet, voluisse sanctiori humari loco: Alterum, cum solemnitate fuisse sepultum. Quibus, vt satis à nobis fiat, videamus

Quòd spectat ad Primum: An sit nouum, morientibus hanc venire posse voluntatem, vt aliquo sanctiori loco se humari iubeant. Qua in re legat diligenter Eusebium, qui, cum Constantini munificentiam in Principis Apostolorum Petri exædificanda Basilica descripsisset, addit. * Is igitur in opportunum venturæ mortis diem hic locum sibi prouida dispositione designauit, incredibili fidei propen-

Lib. 4. ca.
60.
In Vita
Constant.
Imp.

O fio-

sione prouidens, cum iam corpus suum communem cum Apostolis appellationem post mortem participaret, fore ut defunctus quoque precationum, quæ ibidem essent ad Apostolorum gloriam offerendæ, particeps efficeretur.*

Hom. 26.
in 1. Ep.
ad Cor.

Hæc Eusebius. Vnde (inquit) S. Io. Chrysostomus. * Hic quoque (Constantinopoli nempe) Constantinum Magnum filius ira demum ingenti honore se affecturum existimauit, si cum in Piscatoris vestibulo conderet: quodque Imperatoribus sunt in aulis Ianitores, hoc in sepulchro Piscatoribus sunt Imperatores: atque illi quidem velut Domini interiores loci partes obtinent: hi autem velut accolæ, ac vicini, præclare secum agi putarunt, si vestibuli ianua ipsis assignetur. Et alibi: * Constantinopoli Reges nostri magnam gratiam putant, si non prope Apostolos, sed vel extra eorum vestibula corpora sua sepeliantur, fiantque Piscatorum Ostiarij Reges.

Ho. quod
Christus
sit Deus.

Rationem præter eam, quam supra tangit Eusebius, reddit D. Maximus, dicens: Ideo à maioribus prouisum est, ut sanctorum ossibus nostra corpora sociemus, ut dum illa Tartarus metuit, nos pæna non tangat dum illos Christus illuminat; nobis tenebrarum caligo diffugiat.

Si

Si igitur ab ipsis nascentis Ecclesiæ incunabulis Fideles etiam Imperatores apud sanctorum ossa tumulari peroptabant. Cur non etiam licitum nunc, in ipsa Ecclesiæ pace, absque persecutionis tumultu, apud ipsam Domum, Christi, ac Virginis attactu per tot annorum spatium consecratam, sepeliendum securare?

Quod verò ad secundum attinet, nimirum, quod deridet Aduersarius, cum solemnitate defunctos sepeliri. Certe, si res ipsa postularet, diuersarum hinc nationum sepeliendi mores enarraremus; sed, reliquis omissis, de Sepulchrorum magnificentia, quid satis ornatè, superque dicat Marcus Tullius Cicero, aduertat Aduersarius: * Sed aliquantò post amplitudines sepulchrorum, lege sancitum est, ne quis sepulcrum faceret operosius, quàm quod decem homines effecerint triduo: neque id opere tectorio exornari: nec Hermas hos, quos vocant, licebat imponi: nec de mortui laudibus, nisi in publicis sepulturis: nec ab alio nisi qui publicè ad eam rem constitutus esset, dici licebat. Et Sylla legem constituit, qua funebres impensæ, & ambitiosæ exequiæ præscripto sine taxabantur: qui tamen in Metellæ Coniugis funere, legem suam transgressus, profusione maxima exequias dedit.

2. de leg. paulo ante fm.

Neque sepulchra tantum erant insignia , sed funera , quibus efferebantur cadauera vel maxime sumptuosa ; nam lecto constrato purpura , aut linteis splendentibus , & in eo defuncti corpore collocato post ultimam conclamationem , tibicine præcedente , qui neminem funebrem , quæ laudes defuncti , & facta recensebantur , caneret , funus procedebat , antecedentibus , & subsequenter , qui veterum familiæ deferebant imagines , & quæ à defuncto res præclare gestæ fuerant , tabulis expressas : eoque inoleuit hæc sepulchralis pompa , ut vel ea equos , canes , auesque olim (ridiculè tamen) quodam Parentis affectu dignarentur .

In ca. 10.
Genes.

Sed mores Ethnicos Aduersarius , in nobis ille vituperabit . Adeamus sacra , profanis relictis . Funus legat Iacobo Patriarchæ à filio Iosepho factum : " Quo ascendente (verba sunt Dei) ierunt cum eo omnes Senes Domus Pharaonis , cunctique maiores natu Terræ Ægypti Domus Ioseph cum fratribus suis absque parvulis , & gregibus , atque armentis , quæ dereliquerunt in Terra Gessen : Habuit quoque in comitatu currus , & equites , & facta est turba non modica . Ergo nouum ne apud nos , Fideles cum solemnī pompa defunctis funus ducere ?

For-

Fortassis Hebraismus abominabitur, qui
 nouam semper, ac diuersam sibi Ecclesiæ con-
 stituendæ formam quærit. Afferamus nostros
 in medium. In actibus Apostolorum quid le-
 gis? Curauerunt autem Stephanum viri timo- Cap. 8.
 rati, & fecerunt planctum magnum super eum.
 De quo D. Hieronymus ad Paulam scribens: Epist. 21.
 Quod Stephano (inquit) fecerint Hierosolymæ
 fratres planctum magnum: planctus magnus
 non in plangentium exanimatione, vt tu pu-
 tas, sed in pompa funeris, & exequiarum fre-
 quentia intelligendus est.

Ad Apostolorum igitur exemplum, quo Ste-
 phani corpus tanta funeris ambitione Fideles
 prosequi voluerunt, laudabilis in Ecclesia in-
 defunctorum corporibus curandis consuetu-
 do processit, vt illa ad Ecclesiam, siue cæme-
 terium: vbi sepulturæ committi debent, su-
 premo ducantur honore.

Et ne Aduersarius contendat, fateri se qui-
 dem, mortuos solemner conseruisse sepeliri,
 non ijs tamen, quibus Catholici vtuntur so-
 lemnibus, Missarum, & Anniuersariorum;
 Cum Psalmis, & Hymnis, Luminibusque, nec-
 non etiam Aromatibus, ac Thure: quæ quidem
 illum detestari non ignoramus.

De Missarum derisione quid nobis probe-
 tur,

Orat. de
fidel. def.

tur, videat ex Sancto Ioanne Damasceno, aiente: * Apostoli, vt in tremendis, ac puris vitam-
quē afferentibus Mysterijs, eorum, qui cum
fide diem extremum clausissent, memoria fie-
ret, instituerunt. Cum quo consentit Christo-

Hom. 69.
ad Popu-
lum An-
tioch. :

stomus : * Non temere (inquit) ab Apostolis
hæc sancita fuerunt, vt in tremendis Myste-
rijs defunctorum agatur commemoratio; sci-
unt enim, illis multum inde contingere lu-
crum, vtilitatem multam. Et S. Augustin. ait : *

Serm. 31.
de verb.
Apostoli.

Orationibus autem Ecclesiæ, & sacrificio salu-
tari, ac eleemosynis, quæ eorum spiritibus
erogantur, non est dubitandum, mortuos ad-
iuuari, vt cum eis misericordius agatur à Do-
mino, quàm eorum peccata meruerint. Hoc
enim à Patribus traditum vniuersa obseruat
Ecclesiæ.

De Cor-
na militis

De Anniuersarijs quoquē perlegat Grego-
rium Nazianzenum, qui in exequijs Cælarij
fratris ait : * Alia quidem persoluimus, alia ve-
rò daturi sumus, anniuersarios honores, &
commemorationes offerentes. * Et Gregorio
vetustior Tertullianus, ait : * Pro defunctis an-
nua die facimus. *

Epist. 27
de exeq.
Paulæ.

Psalmos de veteri consuetudine concini so-
litos, testatur D. Hieronymus, inquiens. * He-
bræo, Græco, Latino, Syroque sermone Psal-
mos

mos in ordine personabant non solum triduo, donec subter Ecclesiam, & iuxta specum Domini conderetur; sed per omnem hebdomadam, cunctis, qui venerant, suum funus, ac proprias credentibus lacrymas. De hymnis testes sunt Nazianzenus, & Chrysostomus, de quibus infra.

Luminum vsum testatur Pontius Diaconus de funere Sancti Cypriani Martyris his verbis: Pōtius in eius vita.

* Inde cum cereis, & Scholaribus in area cuiusdam Candidi Procuratoris magno triumpho sepultum est. Quod ipsum Gregorius Nyssenus factum tradit in funere Meletij, cum ait: Nyss. Or. in fun. Meletij Epif.

* Quomodo vtrinque quasi ignei amnes continentibus facibus tractu continuo, perpetuoque fluentes, quoad oculi longissime prospicere solent, porrigebantur. Et Nazianzenus de Matre in funere Cæsarij filij faces gestante: * Cum multipliei (inquit) Hymnorum cantu deducitur, celebrique pompa ad Martyrum Sedem effertur, sanctisque Parentum manibus honoratur, matre accensas faces gestante. De quibus luminibus Chrysostomus: * Quid, ait, ardentes, quæso, lampadēs sibi volunt? nonne tamquam Athletas eos comitamur? Quid autem Hymni? non ne glorificamus Deum, & illi gratias agimus, quia iam defunctum co-

Orat. Funer. in laud. Cæsarij Fratris.

ronauit, & ab incertitudine sublatum penes se retinet?

In Apol. Quod demum spectat ad Aromata Tertul-
 lianus innuit, defunctorum corpora lauari so-
 lita, tum aromatibus condiri. Et Gregorius Nis-
 senus in exequijs Meletij Antiocheni Episco-
 pi ait: " Sindones mundi, & panni serici, un-
 guentum, & aromatum largitas, liberalitas
 mulieris ornatæ, & honestæ. Idque in spem
 resurrectionis, Christique imitationem fieri ple-
 rique aduertunt.

Et de usu tradendi Thuris, hoc vnum suf-
 ficiat, quod inter alia, quæ in Concilio Chalce-
 donensi Dioscoro Hereliarchæ obiectabantur,
 erat, quod in exequijs Peristeriæ pijsimæ fœ-
 minæ, quæ omnia sua bona pijs locis relique-
 rat, traditio thuris; quoad ipsum steterat, suc-
 rat prætermissa.

Ad hæc quid Aduersarius? dabit ne manus
 tot veterum testimonijs conuictus in singu-
 lis? Numquid ipsi tantum hostes nunc agno-
 uerunt, hæc minus recte fieri, ac si semper igna-
 ri Fideles, & nescij rerum extiterint? Bone
 Deus? quare nos à vera luce tandiu aberrare
 voluisti, vt per tot sæcula, quæ Fideles quàm
 maxime optauerunt, ridicula ea nunc à no-
 stris vocitentur hostibus?

At-

Atqui quòd hæc omnia irrideat Calvinista?
 mirum non est, qui etiam ipsam Verbi Dei
 interpretationem, à tot sæculis vniuersæ acce-
 ptam Ecclesiæ abominatur, quòd illius testimo-
 nio conuictus, nequit miser subsistere, quin
 corruat: & aliam sibi somnians comminisci-
 tur, vetere interpretatione contempta.



S A G I T T A X V.

Antiquum S. Domus cultum nouo, improbatoque peregrinationum usu frustra probari.

C L Y P E V S.



VAM longe peregrinatur à vero acutus hic Oppugnator. Qui superius plurimos Laurerum concurrere, aiebat, indulgentijs illectos: Nunc cultum sanctissimæ Domus non antiquum conatur ostendere nouo, improbatoque Peregrinationum usu. Si intelligit de ipsius S. Domus cultu adhuc Nazarethi existentis, obiectioni satisfacisse credimus Clypeo contra secundam Sagittam. Si de cultu post illius in Picenum translationem: & huic credimus satisfacisse in Clypeo contra octauam.

Quòd verò nouum blaterat, & improbarum Peregrinationum usum, vt in hoc quoque illi satisfaciamus; Omitto peregrinationem Itudiorum causa factam, quàm vel ipsi Philosophi quàm

quàm maxime optauere: vnde & Pythagoram ad Memphyticos, Eudoxum ad Chaldaeos. Homerum, Platonemque ad Aegyptios, Magos, & Persas, Tarentinosque, Democritum, Architam, aliosque aliò ad ingenuas artes, vbi lucidius effulgebant, addiscendas, peregrinatos legimus.

Omitto, cum quis Patria abscedens sua, negotiationis causa, vel huiusmodi, peregrè proficiscitur; quam si tolleremus, utique humanum quoque commercium penè tollere necesse esset: frustra que hospitalitatis officia olim indùcta; cuius quidem vis quanta apud ipsos Ethnicos esset, hospitales Iupiter, & Iuno restantur.

Omitto peregrinationem, in qua studiosi quidem Populorum, Nationumque omne tempus consumpsere. Vnde Homerus Vlyssē laudat per Orbem terrarum hac de causa peragrante: Vituperati Lacones (Authoribus Theopompo, & Thucydide, qui legem sanxerant, ne omni tempore Peregrinis liceret Spartam adire, ne eorum Politix fierent æmuli, ac inde perdiscerent, quo pacto in virtute proficerent: Laudati Cretenses, quòd Hospitibus tum sellam, tum mensam tertiam, & ad dexteram ingredientibus cænacula collocarent: Necnon

Germani, quibus ius hospitij Sacramenti erat.

De Peregrinatione loquor, quàm olim vel Ethnici susceperè, cunctique Populi: quæque à nostris Fidelibus, more prisco in pium studium conuerso, complexa est, ad loca sancta scilicet inuisenda, ac veneranda, vel ubi Redemptionis nostræ adhuc restant vestigia, Christi præsentia consecrata: vel quò ad Sanctorum corpora, aliudque admirandum, diuinitus aduocatis Populis, conspicienda, & adoranda concurritur.

De qua quidem peregrinatione quid apud gentes à fide nostra alienas, idololatriæ verò deditas, sibi volunt sæpius celebrata Oracula, vel Delphica in Terris clarissima, & religione longe excellentia, vel Parnassica, vel Cyrrhæa, vel Lycia, vel Pythia, & alia plurima, in quibus Apollo de futuris euentis consulebatur, ad quæ ex omni Orbe, praua siquidem religione permoti, aliqua dignitate insignes, frequentes consultum ibant? Nonne illa peregrinatio dicenda est ad loca religione insignia, & religionis causa suscepta? Et hac de causa à Fidelibus nostris suscipiuntur itinera ad loca sancta, religionis quippe ratione.

Hoc idem à primis, vel Hebraicæ, vel Christianæ Ecclesiæ cunabulis obseruatum, ne eth-

ni-

nicissimum obiectes ; collige ex eo , quòd ter in anno ad celebratum in Silo Oraculum deberent Iudaicæ Tribus accedere : quin etiam, Templo à Salomone magnificentissimè constructo , ad illud eadem ratione , relictis etiam sine custode domibus , cum Coniugibus , liberisque peregre proficisci , lege cogeantur . Nonne illa peregrinatio ? Nonne ad augustum locum ? Nonne ad preces effundendas , offerendas victimas , gratiamque Dei vberius promerendam ?

Præterea quid Pauli Hierosolymam profectio ? Nonne ut Pentecosten ibidem faceret ? certe non negotiationis , sed causâ religionis iter assumpsit .

Qui autem ex remotioribus tam Orientalis , quàm Occidentalis Orbis partibus , plurimi Romam venerint , ut Sacra Apostolorum sepulcra inuiserent , ac venerarentur , ex D. Chrysostomo intellige , qui * Seruorum (inquit) Christi splendida sunt sepulchra , quæ Urbem maxime regiam occupauerunt . " Et infra : * Nam & ipse ille purpura indutus , peregre proficiscitur , sepulchra illa complexurus , & factu deposito contingit Sanctos , rogans , ut sibi apud Deum patrocinentur : & tabernaculorum opificem , & Piscatorem patronos etiam

Ad Cor.
11. hoar.
26.

mor-

Hic quod
Christus
sit Deus.

Super Ps.
88.

mortuos deprecatur ille Diadema gestans :
Alibique etiam : * Relictis (inquit) omnibus , ad
sepulcra Piscatoris , & Pellionis currunt Reges ,
& Præsides * : Et August. de reetiam tanquam
vetustissima hæc ait : * Olim Principes sæculi
ad Urbem Romam venerunt , non ad Tem-
plum Imperatoris , sed ad memoriam Piscato-
ris . " Quos præter alios recentiores Principes
imitatus Carolus IV. , Romam veniens , publi-
cè Imperatorio diademate redimiendus (teste
Nauclero , & Matthæo Villano) sub Peregrini
venit habitu , nec antea se Regem ostendit ,
quàm Apostolorum Basilicas , maioresque Vr-
bis Ecclesias venerabundus visitasset .

In notis
ad Marc.
23. Sept.

Nequè tantùm ad Apostolorum limina pri-
scè fuit instituta peregrinatio , sed aliò quoque ;
nam vt Baronius obseruat , erat frequens ac-
cessus Fidelium Seleuciam Isauriæ ad S. The-
clæ sepulchrum multis miraculis illustratum ,
& totius Orientis celebri Populorum con-
cursu visitari solitum . Quò aliquando profe-
ctus est S. Gregorius Nazianzenus , vbi & diu-
tius mansit . De qua ad eundem locum pe-
regrinatione mentio habetur etiam in Conci-
lio Nicæno .

Et reliquis , studio breuitatis , ad alia pia Chri-
stiani Orbis loca peregrinationibus omissis , de
so-

sola Hierosolymitana audiat peregrinationum
 Obrectator D. Hieronymum, illorum locorum,
 dum viueret, diuturnum incolam: qui: * Fa-
 teor (inquit) me explanationes in Daniele In prohe-
mio:
 multo ante tempore promississe, & occupatio-
 ne de toto hunc Orbe venientium, implere,
 non posse, dum nulla hora, nullumque mo-
 mentum est, in quo non Fratrum occurramus
 turbis, & monasterij solitudinem hospitij fre-
 quentia commutemus in tantum, ut aut clau-
 dendum sit nobis ostium, aut Scripturarum,
 per quas aperiendæ sunt fores, studia relin-
 quenda. * Et ad Paulinum: * De toto (ait) hunc Epist. 13.
 Orbe concurretur: plena est Ciuitas vniuersi
 generis hominum: & tanta viriusque sexus
 constipatio, ut quod alibi ex parte fugiebas,
 hic totum sustinere cogaris. * Et ad Marcellam Epist. 17.
 ait: * Longum est nunc ab Ascensu Domini vs-
 que ad præsentem diem per singulas ætates
 currere, qui Episcoporum, qui Martyrum, qui
 eloquentium in doctrina Ecclesiastica viro-
 rum venerint Hierosolymam; putantes, mi-
 nus se religionis, minus habere scientiæ, nec
 summam, ut dicitur, manum accepisse virtu-
 tum, nisi in illis Christum adorassent locis,
 de quibus primum Euangelium de patibulo
 corruscauerat. * Et infra: * Quicumque in Gallia
 fue-

fuerit primus, hūc properat: diuifus ab Orbe Britannus, ſi in religione proceſſerit, occiduo ſole dimiſſo, quærit locum fama ſibi tantum, & Scripturarum relatione cognitum. Quid referamus Armenos, quid Perſas, quid Indiæ, quid Æthiopum populos, ipſamque iuxta Ægyptum fertilem Monachorum Pontum, & Capadociam, Syriam, Cælen, & Meſopotamiam, cunctaque Orientis examina? * Qui etiam de ſanctiſſima, ac nobiliſſima Paula Romana, & ipſius ardentiffimo ad ſacra loca peregrinandi voto, ait: * Sumptis Fideialis Hieroſolymam, & loca ſancta videre cupiebat: tardi erant venti, & omnis pigra velocitas.

Epist. 27.

Neque Aduerſarius dicat, Domini præceptum eſſe: Deum adorandum, & orandum in ſpiritu, & veritate vbilibet. Ad hoc enim idem Hieronymus ſuper eiſdem verbis reſpondet in hæc verba: * Non audeo Dei omnipotentiam anguſto ſine concludere, ac coarctare paruo terræ loco, quem non capit Cælum: ſinguli quique credentium non locorum diuerſitatibus, ſed fidei merito ponderantur: Spiritus ubi vult ſpirat: Domini eſt terra, & plenitudo eius. Non tamen hæc pugnant cum eo, quòd alibi plura ſiant miracula, alibique orantes facilius exaudiantur.

Ad

Ad quæ quid nam Aduersator obiectabis?
 Antiquum S. Domus cultum nouo, improba-
 toque peregrinationum vsu frustra probari?
 Nonne vides, eam, quæ in Loca sancta Palæstinae
 erat inchoata peregrinatio, ad vnâ Virginis
 Aedem, è Palæstina diuinitus ad nos delatam,
 remansisse vnanimi Populorum frequentia,
 & concursu?

Verumtamen mirum non est, si semper no-
 ua tacitus opponat Aduersarius, qui, cum obsti-
 natione voluntate victas dare manus nolit, no-
 uas semper quærit ambages, novosque, ad quos
 confugiat, angiportus.



SAGITTA XVI.

*Recentem Sancta Domus cultum nisi Peregrinis, nouo
eos illic hospitandi inuento illecebris.*

C L Y P E V S.



ADEM per eadem, ut inquit Adagium. Qui Peregrinationis usum nouum didicitarat, nunc nouum saltem tacite Hospitalitatis inuentum proponit, quo Peregrinus illecebratus sanctissimæ Domus cultum recentem, ut effusit, efficiat.

De cultu ab eo tempore, quo S. Domus ad nos deuecta fuit; patet, ut diximus, ex Clypeo ad VIII. Sagittam: De antiquiore, ultra ea, quæ diximus ad II. vel ex eo constat, quod, cum illa inter alia esset Palæstinæ Loca, eò quoque itabant Fideles, ut ad cætera Christi, Virginisque præsentia consecrata, uti hic supra proximè præcedenti demonstraui mus.

Ad nouum verò quod attinet (ut blaterat) Hospitalitatis inuentum, præter multa, quæ superiori

ri Clypeo dicta ad eius peruicaciam, & historiarum ignorationem detestandam possunt satis esse, & opportuna; Quid in ipso Dei verbo legis Obrectator? Hospes eram, & non collegistis me? An hæc dicenda hospitalitas, an (ut ita dicam) cauponitas.

Verum quoniam Veterum testimonia vix ille recipit, repetamus exempla, an hisce permotus, se veritate conuictum, simulque persuasum fateatur. Abrahamus, cum tres vidisset, & vnum adorasset: * Domine (inquit) si inueni gratiam in oculis tuis, ne transeas seruum tuum; sed offeram pauxillum aquæ, & lauentur pedes vestri, & requiescite sub arbore, ponamque bucellam panis, & confortetur cor vestrum, postea transibitis. Ad hæc quid? Num cauponariam exercebat Abrahamus, an hospitalitatis officium?

Cap. 18.
Genesios

Sequenti capite de Loth quidnam legis? * Qui cum vidisset eos (duos nempe sub humana specie caelestes nuncios) surrexit, & iuit obuiam eis, adorauitque prorsus in terram, & dixit: Obsecro Domini: declinate in domum pueri vestri, & manete ibi: lauate pedes vestros, & mane proficiscemini in viam vestram. Et hunc alium appellabis Cauponem?

Q 2

Quid

1. cap. 53.

cap. 31.

Quid sibi illud Isaïæ Oraculum: *Egenos, vagosque induc in domum tuam: Illudque Iob: Foris non mansit peregrinus; ostium meum viatori paruit: Necnon præceptum in peregrinantium fauorem Leuiticis Ceremoniis conscriptum: *Postquam messueritis segetem terræ vestræ, non secabitis eam usque ad solum, nec remanentes spicas colligitis; sed pauperibus, & peregrinis dimitteretis eas. Quid Paulus ad Romanos? Hospitalitatem, (inquiens) nolite obluisci. Quibus & causam superaddit. *Per hanc enim placuerunt aliqui Angelis hospitio receptis.

De Paula verò an non legis apud Hieronymum? *Nec multo post in sancta Bethleem mansura perpetuò angusto per triennium mansit hospitio, donec extrueret Cellulas, ac Monasteria, & diuersorum peregrinorum iuxta viam conderet mansiones, in qua Maria, & Ioseph hospitium non inuenerant. Ad quid nam Matrona illa nobilissima ante tot secula pro peregrinis erigi iussit hospitia? (prout alia postmodum plura in diuersis Orbis partibus erecta fuere) ut nunc dicatur à te, nouo hospitalitatis inuento illectos peregrinos recentem S. Domus cultum efficere?

Quàm quidem hospitalitatem etiam sancti Pa-

Patres plurimum commendarunt . Quos inter. D. Maximus: * Aduertit(inquit) Sanctitas vestra (fratres) Euangelicam lectionem , quemadmodum Dominus discipulis suis inter ceteras exequendas virtutes etiam hospitalitatis iura præscripserit: * Et infra. * Magna enim hospitalitatis est gratia , nec facile violanda: omnibus aperta est , omnibus parata est : & sanctos libenter suscipit , & peccatores tolerat patienter. * Hactenus ille .

Hem. de
hospit.

D. Augustinus: * Disce (inquit) Christiane sine discrimine exhibere hospitalitatem , ne forte , cui domum clausuris , cui hospitalitatem negaueris , ipse sit Deus. *

Contra
hæret.

D. Chrysostomus: * Qualem(inquit) mercedem habet , qui propter Deum peregrinatur , habet qui suscipit peregrinantem : & sunt ambo æquales & qui propter Deum refrigerat , & qui propter Deum laborat. *

Sup. Marc
hom. 11.

Et S. Ambrosius non solum tantam esse , ait , apud Deum hospitalitatis gratiam , ut ne potum quidem aquæ frigidæ à præmijs remunerationis immunem asserat ; sed eam laudibus extollens , subdat: * Est publicæ species humanitatis , ut peregrinus hospitio non egeat , suscipiatur officiole , pateat aduenienti ianua , immo quod valde id decorum totius est Orbis æstimatione ,

Lib. 2. Of.
fic ca. 24.

pe-

peregrinos cum honore suscipere, non deesse, mensæ hospitalitatis gratiam, occurrere officiis liberalitatis, explorare aduentus hospitem: * Hæc ille. Vnde summa ratione Magistratus, ac principales Oxirinchi Thebaidis Regionis commendat Euagrius (quem intimum Hieronymo fuisse non latet) dicens: * Ipsi quoque Magistratus, ac principales Ciuitatis, & reliqui Ciues studiose per singulas partes statuunt eos, qui obseruant, vt sicubi apparuerit Peregrinus, aut pauper, certatim ad eum currant, & qui præoccupauerit abducit, vt quæ sunt necessaria consequatur. *

Verùm etiamsi concedamus, illuc allici hospitalitate peregrinos ad S. Ædem peruisendam, Christi que nutriculum venerandam, an ad malum aliquod eos perpetrandum adhortamur, inuitamusque? Sentias de Lauretania hospitalitate quicquid libet, tantùm nos in oculis Dei conscientia non accuset.



SAGITTA XVII

Catholicam Fidem, ob cuius cessationem, ut dicitur, Translatio contigit sexcentos ante annos ob secta Mahomethana introductionem in Syria, defecisse.

C L Y P E V S.



VEMADMODVM qui in aquis demoritur, vt in gloriam fugiat mortem, etiam de nouaculis, vt dicitur, pendebit, nedum de ramusculis, vt inde, si possit, se eximat. Sic Adversarius noster in suæ pertinaciæ pelago, verarum assertionum fluctibus obrutus, de ramusculis pendet, eius verbis scilicet aliquibus inhærendo, qui primus Lauretanam scripsit historiam: quibus veritatem Translationis nititur oppugnare: ait enim, Catholicam Fidem, ob cuius cessationem, ut dicitur, Translatio contigit, sexcentos ante annos ob sectæ Mahomethanæ introductionem in Syria defecisse. Ac si dicat: Vos dicitis, translaram Domum è Palæstinis locis ad vos ob Fidei

dei in illis regionibus cessationem, quæ in Syria sexcentos ante annos ob Mahomethanam sectam exitit. Ergo falsum proponitis: Ergo falsa quoque censenda Translatio?

Hic te velim Oppugnator: dumque tam diligens verborum, quæ in narratione dicuntur, es Censor, dicas, num ad rem ipsam hæc verba pertineant? Procul dubio cito asseres, pertinere, ipsaque primariam partem efficere. Nos autem contra; quandoquidem Domum sacram translatam diuinitus constantissime credimus ex iam dictis. Quod autem is, qui scripsit Historiam, dixerit, ob Fidei cessationem illam ad nos fuisse traductam, coniecturam vocitamus, cui certe non eadem, quæ Verbo Dei, præstanda est fides. Sic coniecit ille, Virginem, quod in Patria regione filij sui cessasset Fides, Domum suam aliò voluisse transferri. Sin verò hæc fuerit causa, vel alia, quis cognitor? quis assertor?

Verum, si tibi non tam testimonijs Verorum, quàm exemplis probaretur, hanc coniecturam non omninò futilem, aut inanem, sed veritati consentaneam esse: te verò toto aberrare historiarum Cælo; crederes ne? Quin immo alijs, obstrusis quidem argumentis, veluti Sepia, quæ ne capiatur, effuso commisceat
aquas

aquas atramento, iterum insurgeres, aduersaturus, & oppugnaturus omnia. Et ne videar verbis diuagari, intra veritatis cancellos occludamur ambo, & historię sincera perpendamus tempora.

Heraclio imperante, anno scilicet Christi trigésimo supra sexcentésimum, Mahometen, à quo improba Secta Mahometanorum, è vita excessisse, omnes ferè produnt historię. Paullò post, nempe anno eiusdem Heraclij vigésimo sexto, Vrbs Hierosolymitana à Saracenis sub Haumare eorum, Arabumque Principe capta fuit, totaque penè Syria eorum ditioni subacta. Erat tunc Vrbis Patriarcha Sophronius. Spectatę Vir integritatis, & Catholicę Fidei vel aduersus Monothelitas, vel aduersus Sergianos propugnator accerrimus. Qui, cum subsequenti anno ob Vrbis excidium, Populique captiuitatem vehementer afflictus, ipsaque ætate ingrauescente defunctus esset, eiusdem fidei defensores, necnon sanctimonie plurimi extitere in Palestina hæredes Episcopi: Cuius rei exploratissimum dedit testimonium Stephanus Dorensis Episcopus. Romanę Synodo sub Martino I. Pontifice: idemque Stephanus à reliquis postea Orthodoxis Episcopis pro ipsa Hierosolymitana Ecclesia Legatus

R fuit

fuit ad Theodorum Pontificem Maximum : à quo datus Vicarius , eandem Fidem retinendam , purèque conseruandam quamdiù vixit , curauit.

Præterea sub anno septingentesimo octauo , quo tempore Hærerico , qui Sophronio de facto successerat , diuinitus extincto , Orthodoxus Præsul eidem Ecclesiæ gubernandæ traditus fuerat : Hierosolymam profectus est ad loca sacra veneranda Ioannes Damascenus , quem Orthodoxum fuisse , & cum alijs plurimis in eadem Fide vixisse , neminem latet ; Si enim Damasci Fides , quam Ioannes colebat , cur non eadem in alijs Oppidis , Urbibusque ?

Eiusdem verò sæculi , quod superius diximus , anno nonagesimo nono Hierosolymorum Præsulem per suum Monachum ad Carolum Magnum sacrosancti Sepulcri Redemptoris nostri clauis misisse , Annales Christiani meminerunt : Ipsaque Francorum monimenta referunt , ab eodem Carolo more Maiorum collectam pro restauratione Templorum Hierosolymam mittendam indictam fuisse . Quod quidem , si fides cessasset , minus præstitisset.

Anno octingentesimo , ac duodecimo afflictos Fideles , qui Hierosolymis erant , Arabum tyrannide , ex eis plurimos à Palæstina in Cyprum

prum commigrasse, narrat Theophanes antiquus Auctor.

Eiusdem seculi anno sexagesimo nono in octaua Synodo Constantinopolitana recitatae fuerunt litterae Theodosij Hierosolymorum Patriarchae ad illius Urbis Antistitem, in quibus eius temporis Catholicae Ecclesiae statum in illa regione sub Saracenorum iugo pacis frui narrabatur, utcumque cum trepidatione, ne aliqua occasione ab hoste Catholicae Religionis arrepta, perturbaretur.

Anno millesimo nono licet Babylonis Principis iussu Hierosolymitanum Templum, (in quo Saluatoris erat Sepulchrum) Dirutum fuerit ob Iudaicos dolos, quos copiose Glaber, Fidelis illius temporis Historicus, memorat; Dei tamen beneficio illorum insidijs cognitis, maiore decore ibidem restauratum fuit, magnos etiam suppeditante in restorationem sumptus Maria Azizij Babylonis Amirathi Matre, quae Fidelis, & Fidei Patre genita illam, etiam adhuc sub filio Mahometano, clam excoluerat. Idemque Author narrat, ad excitati Templi Hierosolymitani famam de vniuerso terrarum Orbe incredibilem hominum multitudinem, gaudio quidem triumphantem, aduolasse, plurima munera in idem Templum restauratum delatu

ram. Quod si Fides cessasset, cucurrisset ne illuc Orbis?

Sub anno autem millesimo nongentesimo quinto, Urbano secundo Pontifice Maximo, & Henrico huius nominis Tertio in Germania, & Alexio Comneno in Græcia imperantibus, cum periclitari videretur Orientalis Ecclesia, potissimum verò Hierosolymitana; Petro Eremita natione Gallo, Patria Ambianensi Simconis Patriarchæ dignas commiseratione literas deferente, denuo actum est ab ipso Pontifice, ut ex Fidelibus cogeretur exercitus in illius Ecclesiæ periclitantis auxilium. Quo per celeberrimum Ducem Godifredum Bulonium ex Lotharingis Principibus præstito, eiusdem sæculi anno nongentesimo nono Vrbs Saracenis erepta fuit, Christianæque ditioni reddita, quod tam soluta, quàm vineta oratione adhuc, certa fama decantat. A quo tempore, per centum, & octo annos à Christianis Vrbe, ac Regione idominata; Fidem, quæ Mahometanorum conf. mercio plurimum suæ sinceritatis amiserat, pristino decori restitutam, non ignoramus.

Anno verò centesimo octogesimo septimo, supra millesimum iterum à Saracenis, Duce Paladino Vrbs capta fuit: qui Fidei familiari-

ritatem deuitantes, ne accitis, vt antea factum, per literas Principibus, ac copijs, de recuperata possessione deturbarentur, cæperunt paulatim illos expellere; sed adhuc multis in locis Fides Catholica retinebatur.

Verum sequenti sæculo à iam dicto, & quo tempore S. Domus translationem contigisse certò scimus, Ptolemaide capta, in qua præcipue Christiana Religio colebatur, alijsque Oppidis, penitusque Christianis expulsis, tota penè regio in eius deuenit manus, & detestandam Mahometes impietatem est amplexata.

Ergo non tam male qui primus Lauretanam scripsit historiam, coniecit, ob Fidei cessationem B. Virginem Domum suam voluisse transferri. Qua in re valde etiam illi suffragatur, quod in reuelationibus B. Birgittæ circa corpora Sanctorum Petri, & Pauli habetur in hæc verba: Cap. 107
lib. 4. Filius Dei loquitur. Frater iste miratur, quare Apostoli mei Petrus, & Paulus in isto loco Catacumbas tanto tempore iacuerunt, & quasi neglecti? Respondeo tibi: Scriptura aurea dicit, quod Israel diu stetit in Eremito, quia malitia gentium, quarum terras possessuri erant, nondum completa fuit. Sic etiam erat de Apostolis meis. Nondum erat tempus gratiæ, quo corpora Apostolorum meorum exaltanda

da erant; quia prius debuit esse tempus probationis, & postea coronationis: & quia nondum erant illi nati, quibus honor ille exaltationis Apostolorum debebatur.

Sin autem inquiras, cur potius Nazarena Domus, quàm Hierosolymitana Sepulchralis Urna fuerit translata, non tam altè nostra potest ratio penetrare, ut quæ penes Deum sunt, humano non inuestigandas sensu iudicia, perscrutari possit.



S A G I T T A X V I I I

*Revelationes de hac S. Domo in somnis
habitas esse somnia.*

C L Y P E V S.



AM lassus ad stragula propinquat Aduersarius, & dum somnia dicit esse Reuelationes de hac sancta Domo in somnis habitas, verè ipse somniatur. Ad Fidei quippe radices iam blasphemiarum securim infligit, dum oculatus omnia intueri desiderat, nihil ex fide, ita vt frustratoria censenda sint Christi oracula: * Beati, qui non viderunt, & crediderunt. Ioan. 20.

Quonam igitur pacto reuelationes de Cælo debent esse? vt quis vero, vel ficto corpore appareat, loquatur, admoneat, & inde citus euanescat? Et si accideret, crederet ne huiusmodi reuelationi? Immo, si contra sensum, & opinionem suam contingeret, exclamaret, esse phantasma quicquid apparuit.

Vnum

Vnum palam impugnat Aduersarius, reuelationes videlicet de hac sancta Domo; Cum tamen in re adeo explorata id faciat, in cunctis eum credimus claudicare, & diuinarum esse reum reuelationum. Contra quem stant clara sacre scripturæ testimonia, Angelum nempe Domini apparuisse in somnis Ioseph, & dixisse: Matth. 2. Surge, & accipe puerum &c. Magos post adorationem responsum accepisse in somnis, ne ibid. redirent ad Herodem: Quodque in Sacris paginis legitur: * Si quis fuerit inter vos Propheta Domini in visione apparebo ei, vel per somnium loquar ad illum. *

Quod si dicas: Cur autem per somnium? ex eo quippe, quod illo potissimum tempore segregatus à curis animus ea melius, quæ sibi à Domino proponuntur, potest intelligere: nullo rerum obiectionum præpeditus obice, perdiscere est aptior: & veluti à corpore seiunctus, facilius Deo coniungitur animus: & ut inde cognoscamus, vel dormientes à Deo instrui posse: ut apud Iob cap. 33. liquet aientem: * Per somnium in visione nocturna, quando irruit sopor super homines, & dormiunt in lectulo, tunc aperit Deus aures virorum, & erudiens eos instruit disciplina.

Ne autem existimes, omnibus esse credendum somnijs contra Dei præceptum: * Nec obserua-

bitis somnia, illis tantum fidem adhibendam dicimus, quæ à Deo præstantur. Idque ex eorum euentu colligitur, quando vel idem diuersis loco, eodem tamen tempore, personis apparet in somnis: vt apud historicos nostros habemus, de Ioanne Patritio nobili Romano, quem B. Virgo in somnis, in qua re vellet ab eo facultatum hæres institui, admonuit: vt in eo, scilicet Colle, quem niue conspersum, videret, sibi templum poneret: Quod idem eadem Virgo aperuit summo Pontifici Liberio, quem certe nec in eadem Domo, nec in eodem Cubiculo dormientem scimus; & somnium ipsa rei veritas comprobatur, vt in illo comprobauit.

Et hoc nos Catholici, nempe de S. Domo, eiusque Translatione habitas in somnis reuelationes veras esse affirmamus; Quandoquidem non obscure id conijcitur ex miraculo, cum ex illa visione Parochus Tersactensis, qui iam diu, grauiterque egrotauerat; ipso reuelationis tempore sanus effectus, pristinis receptis viribus, eodem mane ad id peruisendum, quod in somnis acceperat, accessit. Et cum legati à Comite Frangipanio è Dalmatia in Galilæam, & rursus à Piceno in Dalmatiam pariter, Galilæamque, ac tertio à Clemente VII. sedula inquisi-

tione testatū sint, ibidem apparere fundamenta, quæ ad amussim translata Domus mensuram referebant, & factum cum reuelationibus consentire; Nullum est certius signum, quo reuelationes diuinæ à Dæmonum deceptionibus, & Phantasmatum illusionibus distinguantur, quàm puritas, & integritas veritatis rerum, quæ reuelantur, secundum illud Chrysostomi; Prophetant in spiritu Diaboli, quales sunt diuinatores; sed sic discernitur, quia interdum Diabolus falsum dicit: Spiritus Sanctus nunquam.

Sup. Mat.

Itaque hæc huius nostri Clypei erit inscriptio, Reuelationes de hac S. Domo in somnis habitas, dum consequente miraculo factum vidimus, quod in somnis ostendebatur: & miraculum etiā aliunde constituit; non esse, ut somniatur Aduersarius, somnia, sed veras reuelationes.



SA-

S A G I T T A X I X.

*Inuerisimile esse Marchia Prouinciam sexdecim
Viros ad explorandam Translationis veritatem
in Dalmatiam, & inde in Syriam mi-
sisse ob sola Eremita verba.*

C L Y P E V S.



N occipitio oculos gerit Ad-
uersarius; nam quæ nostri
non vident, licet sint ocu-
lati, ipse vnus videt, con-
sideratque, inuerisimile
esse Marchiæ Prouinciam
sexdecim Viros misisse Na-
zarethum ob sola Eremita-
tæ verba: hoc est ob vnus pannosi, & inter fe-
ras degentis sermonem, talem Prouinciam, vt
est Picenum, habito senatu, concordi animo,
sexdecim lectos Viros in tam longinquas regio-
nes misisse, veritatem exploraturos.

Verum, si sciret Aduersarius, hinc opera Dei
optime dignosci, quando, nulla intercedente
humana eloquentia, nulla opum potentia,
effici videntur, quæ minus fieri ab homine
credimus; non isthæc tam vana, ac futilia obij-

ceret. Ad Verbi Dei veniamus exempla, quibus, si potest, refragetur.

Ion. c. 3.

Iussit Deus, Ionam Prophetam adire Niniuen, ibique pœnitentiam enunciare, ne Sodomitarum instar subuerteretur. Erat Niniue, sacrarum literarum testimonio, Ciuitas magna itinere dierum trium, in qua cum Rege, qui Prouinciã administrabat, ingens habitabat Populus. Urbem ingressus Propheta, clamare cœpit: *Adhuc quadraginta dies, & Niniue subuertetur.* Et crediderunt Viri Niniuite in Deum, & prædicauerunt ieiunium (Verba sunt ex ipso Dei Verbo excerpta) & vestiti sunt faccis à maiori vsque ad minorem: & peruenit verbum ad Regem Niniue: & surrexit de solio suo, & abiicit vestimentum suum à se, & indutus est sacco, & sedit in cinere. * Proh Deus! Quænam ista tam subita conuersio, quæ animorum mutatio? Ad vnius homunculi, aliunde eodem profecti, verbum Ciuitas magna commouetur, ac ipsa tantum Ciuitas; sed Rex de sede sua consurgens, vestem deponit, fastum aspernatur, cinere conspergitur, cilicium induit, ieiunium amplectitur, reliquis indicit incolis, vel innoxijs pueris, ac infantibus, ipsis iumentis, pecoribusque pœnitentiam. Numquid ex homine splendor

_ ali-

aliquis effulfit? Num penitentiae enūciatio-
nem aliquod signum, miraculumue præcessit;
aut subsequutum est, quo ipsæ commotæ tur-
bæ, Princepsque tam cito se ad Deum conuer-
terent? Nullum horum consecutum scimus;
sed tantum homuncionem illum Urbem in-
gressum itinere vnius diei, ad melioris vitæ
frugem reductionem enūciasse, Urbis subuer-
sione prælagita: Quæ tamen cum Prophetæ
verba non fuerit consecuta (miseratione enim
commotus Deus Optimus Maximus Urbis pe-
percit) haud sane eos vnius ignoti hominis
verbis fidem præstitisse, seque ad meliorem fru-
gem reduxisse pœnituit; sed viro crediderunt
vera fatenti. Et hunc tam subitæ mutationis
actum, nisi interior præcessisset in Niniuitis
patratorum criminum consideratio, quæ à Deo
quidem venire debet, numquam certe vnius
hominis verba tantam potuissent Urbem com-
mouere, ut, depositis, quæ concupiscentiam
nostram alliciunt, Necebris, se panis, carnis-
que maceratione affligerent.

In illis ergo diuina interius præcessit com-
motio: Et in Picenis quaque credendum, hanc
contigisse, cum ob sola Erēmitæ verba (quan-
do etiam aliud non præcessisset) sexdecim Viros
in Palæstinam ad veritatem facti inuestigan-
dam

dam præmisere. Idem enim Deus hodie, qui tunc sub Populo Hebræo: quique potuit vnius Ionæ prædicatione ingenti persuadere Prouinciæ pœnitentiam, idem potuit Picenum noui miraculi fama, & Eremitæ verbis excitare, ad allegandos homines, ad cultum Virginæ Domus debitum præstandum.

Daniel.
cap 13.

Præterea quid de Daniele dicendum in Sufannæ iudicio: quæ cum Seniorum, penes quos tunc erat temporarium ius inter Hebræos, testimonio, ad necem tamquam adultera detruderetur; ipso iuniore exclamante: "Mundus ego sum à sanguine huius:" Totius Populi ad eundem est facta conuersio: & (Deo animos impellente, vt Matronæ castissimæ innocentia, pateretur) quæ in ipsa via erat, qua educebatur ad mortem, ex eadem reducta est ad sententiam iterum dignoscendam, num vera, an falsa in innocentem lata esset.

Quibus ergo stimulis tantus illicò Populus fuit adactus iunioris Danielis exclamatioue ad iudicium repetendum; iisdem dicas, Picenos Populos ob sola Eremitæ verba (diuino instinctu) accensos ad sexdecim Viros allegandos in Dalmatiam, ac Syriam ad facti veritatem assequendam.

Dicas quæso, quid tibi videretur de Petro Gallo
Ere-

Eremita, cuius relatu, vt ait Guillelmus Tyri Archiepiscopus, pro recuperatione Urbis Hierosolymitanæ, sanctorumque Locorum asseruatione, generale fuit bellum indictum, totusque penè Europeus Orbis ad arma venit. Non enim in vnius hominis verbis res est, sed in ipsa animorum commotione, quæ non nisi à Deo fieri potest, summa excitationis consistit. Quod enim ipse Petrus Anachoreta verbis referebat: in audientium disponebat animis ipse Dominus.

Ergo quid mirum, si ob sola Eremitæ verba, quando non alia præcessissent, Piceni sexdecim viros allegarent; quando animorum commotio per Deum fit, qui vel Eremitæ, vel Principi, siue Homini, siue Asinæ verba suppeditat, motusque.

Quod verò alia præcessissent signa, hinc perpende, quòd legatio non nisi secundo anno à prima S. Domus in Italiam Translatione contigerit. Quo tempore secutæ fuerant aliæ duæ Translationes, à Silua ad Collem, & à Colle ad Viam publicam: quò pariter ex Dalmatia multi appulerant, asserentes, quæ nouerant de eadem S. Domo, à se in Regione sua per aliquod tempus visâ, & cultu celebrata: multaque ibidem patrata signa, & præter naturam.

ad.

admiranda, spectantium non tam oculos, quàm animos ad rei veritatem optimè intelligendam potuerunt impellere: Cumque in loco, vbi numquam antea visa, Domus absque fundamentis consisteret: quidam ex illa sanctimonix nitor elucesceret: Energumeni eòdem non possent intropelli: ingressi clamoribus, ac stridoribus locum complerent omnia: infirmi, ac debiles ibi vires reciperent: & alia miranda conuerentur; hæc omnia ipsum Orbem, nedum Prouinciam coegissent ad legationem faciendam, vt veritatem assequerentur.

Tibi, quæso, sinas à veritate persuaderi; alioquin te belluis efferatiorem reddes, quæ aliquando, vel rationis expertes, discunt mansuescere.



S A G I T T A X X.

*Domunculam hanc esse Domum paternam Beatissime
Virginis refelli conditione Sancti Ioachimi
æque diuitis, ac nobilis.*

C L Y P E V S.



ERGE tam fortes argu-
mentorū Sagittas, in
nos iacturus, apparare;
nam te sibi Aquilam Iup-
piter deliget. Domun-
culam hanc (inquis) esse
Domum paternam Beati-
ssimę Virginis, refelli con-
ditione sancti Ioachimi æquę diuitis, ac nobilis.
Genitricis Dei Patrem insignem fuisse in illa
exacta secundum legem viuendi ratione, & no-
bilem propter summam virtutem, testatur Gre-
gorius Nyssenus. Quod verò diues fuerit, non
nisi apud Hieronymum in quodam tractatu le-
gitur, quem licet nonnulli tanto Doctōri tri-
buant, veritate tamen expensā, iniurium vi-
detur eruditioribus, maximo Ecclesię Doctōri
adscribere; quamuis enim in eo vera complura
T legan-

Orat. in
Nat. Do-
mini.

In tract.
de Nata-
li Virg.

legantur; tamen quòd ibidem multa, cum veritate temporum pugnantia, dignoscuntur, animum suum ad illa numquam intendisse Hieronymum, tam sacrarum, quàm profanarum peritum historiarum, credibile est.

vbi sup. Vt cumque sit, Diuitem dicamus; sed illius loci, quem idem Hieronymus Viculum vocat. Non enim negabis, etiam diuites esse in Villis, Pagis, & Oppidulis, quos, si conferas cum Urbium diuitibus, maiorumque Urbium, irritam dices collationem, inanemque; sunt enim diuites præ suis Municipalibus, Oppidanisque, sed non cum diuitibus Ciuibus comparandi.

Addamus, secundum loci consuetudinem, in huiusmodi super montium cacumina constitutis Pagis, domos sæpe vnum (vt veterum more dicamus) Cænaculum non excedere: & ibidem diuites Municipij illius cum liberis, ac vxore cohabitare. Quod enim in vili domo habitent, non erunt fortasse diuites?

In detractatu de Nat. Virginis. Verumtamen diuitem maximum concedo: & facultatibus plurimis vndique vallatum pono. Nonne idem Hieronymus author est, substantiam suam Ioachimum trifariam diuississe: partem Templo, eiusque ministerio; alteram peregrinis, & pauperibus: tertiam suæ familiæ vti.

vſibus, ſibiſque reſeruafſe?

Præterea, ſi Virgo, Ioachimi filia, ac patrimonij hæres, quibus olim Genitor diuitijs affluxiſſe dicitur, iſdem ſub filij ſui partu abundaſſet, non in ſtabulo, ſpecuque, ſed pecuniarum vilocum ſibi ad commodius edendum Fætum, comparaſſet: tum in Templo in eiſdem filij Præſentatione non par turturum, aut duos pullos columbarum, ſed agnum, aliaque ingentia pro diuitiarum copia obtuliſſet.

Nec ſine ponderatione prætereundum eſt, Chriſtum, qui paupertatis decora, Mundo quidem incognita, venerat oſtenſurus, pauperem ſibi Matrem elegiſſe, & pauperes Cognatos.

Ex quibus minus refelli dices, ſi ſana es mente, Domunculam hanc paternam Beatiffimæ Virginis fuiſſe Domum, in qua & Deum concepit, & genitum in adultam vſque educauit ætatem.



S A G I T T A X X I.

Inuerisimile esse, Domunculam huius qualitatis inter multas Galilæa deuastationes magnificientioribus supersitisse adificijs.

C L Y P E V S.



DIGNVS est obolo Adversarius noster; semper enim in historiarum, rerumque notabilium notitia quàm maxime proficit. Quid autem, si nos hoc verisimile, & probabile esse demonstrabimus ratione, exemplis, ac testimonijs?

Ratione quidem, quia in Urbis depopulatione, in Oppidi deuastatione semper Militum furor ad Optimatum, ac ditiorum Ciuium concurrit Ædes, vbi eorum putatur expleri sitis pecuniarum, non autem ad pauperum Casas, ac Tuguria, vnde ne hilum quidem sibi censcat prouenire posse.

Exempla sunt, quæ in deuastatis bello Pagis, Villis, Oppidisque supersunt domuncule
præ-

præsertim cameratæ, quas cum Militum rabies undique fuerit perscrutata, spoliatas non demolitur, sed temporum iniuriæ demolientdas relinquit: quas tamen ad hæc vsque tempora superesse cernimus, non autem magnificentiora ædificia: quæ plerumque à furenti Milite, longa forsitan obsidione frustrato, diruuntur: & quorum extant alia paucissima Romæ præter Pantheon, Thermas, & Amphitheatrum. Et si quod aliud in ipso Christianæ Religionis flore à profanis in nostros sacros ritus conuersum, à vetustate vindicatum, firmiori fuit suffultum ædificio. Romani accede, & Palatinas contemplare Ædes, num his quicquam magnificentius Orbis conspexit? Et nunc illarum tantum parietinæ cernuntur, & rudera: prope quas tamen aliquod fornicatum cubiculum integrum cernes. Quibus ego exemplis tibi caput obtunderem si libens audires.

Testimonia quoque habes ex edicto Alarici Gothorum Regis, qui quo anno expugnatam Romam ingressus est, edixit, ne quis in Basilicis Sanctorum Petri, & Pauli quemquam offenderet: Cumque in Urbis direptione inpriuata Domo aliquot aurea vasa, & argentea reperta fuissent, ante annos sex, & octinginta à Constantino Magno eidem Basilicæ do-

na-

nata, illa tangi prohibuit, immò ad ipsam Ecclesiam, vnde clam fuerant crepta, referenda curauit.

Lib. 1.
cap. 7.

Habes etiam ex Euagrio, Vuandalos quadraginta post annos nullum omninò damnum Basilicis Apostolorum Petri, & Pauli, & Lateranensi intulisse; in quibus tamen non ea tantùm erant, quæ sacris vsibus adhibebantur, sed alia quoque direptionis metu illò asportata,

Hist. 10.
lib. 5.

Et quod magis est, Iouio auctore: Selimus, ac Solimanus Mahometani Principes, ad eò sancti Sepulcri in Caluaria apud Hierosolymas existentis memoriam venerati sunt, vt ad eius ornatum, & custodiam multa insumpserint: Et Teueth addit, Solimanum, Iudæa transeuntem, ibidem oblationes fecisse, orationes fuisse, simulque & vota.

Ex quibus patet, ipsos quoque Barbaros sæpius locis sanctioribus cultum præstitisse.

Lib. 10.
cap. 5.

Quod si alia etiam testimonia ad hæc velis, & quidem circa Syriæ, ac Galilææ deuastationes, atque occupationes bonorum, ac domorum, Ecclesiæ extant edicta Constantini Magni, eiusque affinis Licinij, ab Eusebio relata, quibus habentur hæc ipsa verba: "Istud etiam præter cætera nominatim Christianis decernimus, vt loca eorum, in quæ ipsis (nempe Christianis) in-

mo-

more positum est antea conuenire, Christianis absque argento, absque vlla repetitione prætij, quod in illis emendis collocauerant, siue omni mora, ac dubitatione restituant. * Et infra. * Ac quoniam ipsi Christiani non solum ea loca, in quæ conuenire solent, sed alia etiam habuisse cognoscuntur, quæ non priuatim ad singulos, sed ad ius totius ipsorum Communitatis, idest Christianorum, spectabant; singulis, qui ea possident, mandes velim, vt omnia per legem, quam supra posuimus, absque vlla controuersia Christianis, idest Societati ipsorum, & Conuentui reddant. * Idemque Constantinus in litteris ad Anilinum, siue Anolinum Africæ Proconsulem, qui sub Diocletiano Fideles fuerat infectatus, eodem Eusebio referente hæc edicit: * Quare volumus, vt simul ac hæc litteras à nobis acceperis, si quæ ex his possessionibus, quæ ad Catholicam Christianorum Ecclesiam in quibusque Ciuitatibus, aut locis alijs pertinent, etiam adhuc à Ciuibus, aut ab alijs quibusdam retineantur, eas quàm primum ipsdem Ecclesijs facias restitui*. Et infra: * Enitere, atque elabora, vt siue Horti, siue Aedes, siue aliud quodcumque aliquando ad ius ipsarum Ecclesiarum spectauerit, omnia illis quàm celerrimè reddantur. * Ex quibus pater, licet loca aliqua ab
Eth.

Ethnicis, persecutionum tempore fuissent Christianis occupata, eisdem tamen, reddita Ecclesie pace, fuisse restituta.

Quibus hoc vnum adiicimus, Romæ adhuc videri Scalas ligneas, sub quibus Romanus Alexius in paterna domo per decem, & septem annos delituit: Ædium verò illius, ex conditione nobilitatis magnificarum, nequè ruderæ, neque fundamenta conspici.

Ergo quid est inuenisimile, vt ad caput reuer-
ramur, Domunculam huius qualitatis inter mul-
tas Galilææ deuastationes magnificentioribus
ædificijs superstitisse? Si miraculum addas, non
est, de quo dubites.



S A G I T T A X X I I .

*Camini intra parietem existentis formam, cuius
Vitruuius, vel alius eius temporis Scriptor
non meminit, conuincere, hanc non
esse Beatissima Virginis
Dorum.*

C L Y P E V S .



X oppugnationibus anteactis optimum te Historicum, Dialecticum, Philosophumue admiratus sum, vt ex iam dictis cuique legenti patuit; sed modò te Architectum valde peritum gaudeo: & si nostra hæc Prouincia huiusmodi indigeret, ad Vitruuianas iterum formas excitandas, vt vnus eligereris, vel ipse author essem.

Ergo quòd Camini, intra parietem sacræ Domus existentis, forma non ea est, cuius Vitruuius, vel alius eius temporis Scriptor meminit, Domum hanc minus esse Beatissimæ Virginis concludis, nonne? Optima quippe conclusio. Camini formam in mea Domo adinuenio: al-

V te-

terum facio, cuius nullus vel veterum, vel recentiorum meminit: Ergo domus mea non est. Si hæc tibi illatio opportuna videtur, quæ veritatem ipsam redarguat, tu ipse Iudex esto. Breuitatem hoc in loco sequar; nam ridicula est obiectio tantum quam cuiusque prudentis viri multus consequi risus possit. Doctiores enim illico, irridendam aduersantis audaciam, detestantes, sequentia peroptabunt.

Primum præmitto, te vel non bene in S. Domino Caminum contemplatum, vel pessime edoctum, quàm longe à veritate aberrasse; quando, quæ Camini forma in sacra Domo introspicitur, non Caminus antiquus, sed concavitas est, recens in nouo pariete constructa, & ad eam formam redacta; quod ibi pauperis socii prope murum accensi iam signa apparerent; & quæ superior est pars, sic fuit aptata, vt Beatissimæ Virginis simulachrum exhiberet, venerandum: Proindeque ignoranter infers ex noua Camini forma, Virginis eam Domum non esse.

Concedamus tamen, re vera illum Caminum esse, cuius formæ neque Virruuius, neque alius eius temporis Scriptor meminit: certum est adhuc, illationem nullo modo posse consistere; nam quot Vrbes, quin immo quot Oppida, Pagi, Villæque, tot sunt cuiuslibet sui mores, modi-

dique in viuendi ratione , domosque construendi . Apud Sinas diuersus à lapponijs : diuersus apud Scythas à Persis ; diuersus apud Afros à Nomadibus: sic apud Hebræos diuersus à Romanis, ac nostrate ritu . Vnde neque ad Vitruuium , aliosue Scriptores, quos ipse affers , nobis quidem incognitos , qui de hac materia præter ipsum egerint , pertinebat , quarumcumque Domorum , Caesarumue in quibuslibet Orbis terræ angulis extructarum formam adamussim conscriptam nobis relinquere .

Deinde ex te sciscitor, num in amplissimis , quibus non caruit antiquitas, Ædibus, qui inferius , qui medianum , & qui superius incolebant Cænaculum, peculiare, ac proprios haberent Caminos . Si dicas, non habuisse . Ergo absque Camino sibi epulas parabant: & , cum frigus esset , inter fumum , fumique rabiem frigiditas transigebant horas . Si dicas, quodlibet Cænaculum sua habuisse pro fumo spiramenta , certe vt vicinis non esset domibus incommodo proxima fumi effusio , mecum eris attestans, intra parietes illa fuisse constructa . Eademque spiramenta fuisse ad domusculmen producta, indicat illud Virgilij :

Eciã summa procul Villarū culmina fumant:
Probatque Lex quidam Hyberus . Vbi Iurif.

ff. de fer.
uit Urb.
præd.

consultus, tamquam de re iam usu receptā, disponit his verbis: * non licet tubulos habere admotos ad parietem communem: De tubulis hoc ius est, quod per eos flamma torretur paries: * Vbi ponderandum est, quod, etiam intelligendo hunc Textum de tubulis, olim in parietibus fieri solitis, per quos calor ignis ex fornace ascendens, cubicula calefaceret, ut nunc apud Teutones, & alios Borealem tenentes regionem, mos est; absque aliquo infimbulo admittendi illi non sunt, cum vel in ipsis hypocaustis simile cernatur.

In Vita
Vitellij.

Idemque Camini usus confirmatur ex Suetonio. * Cum Vitellius (inquit) acclamatus esset Imperator, ac de more circumferretur, non ante in Prætorium redijt, quàm flagrante Triclinio ex conceptu Camini. *

In l. si ac-
borem ff.
de seruit.
Urban.
præd.

Huiusmodi verò formæ non meminerunt Vitruvius, alijsque eius temporis Scriptores, forsitan de re plus quàm notissima, ad alia minus nota pertransierunt. Nec meminerunt quidem de Heliocamino ad Cubicula Solis reflexu calefacienda: de quo tamen extat dispositio, tamquam de re multo ante solita.

Io. Xenij.

Nec usus lignorum, de quibus apud Martialem: & ligna acapna vocitantur, quæ arida fumum non emittebant; rationem caminorum.

rum refellit; alioquin non dixisset Horat.

Nisi nos vicina Trevisi

Villa recepisset, lachrimoso non sine fumo, Lib. 1.
Sat. 5.

Vdos cum folij, ramos vrente camino.

Minusue rationem Caminorum refellit usus
foci circularis; quando eum derisit Alexan-
der: qui, ut refertur in Apophthegmatis à Plu-
tarcho, inuitatus ad cœnam, repertoque foco
circulari, iussit, aut ignem, aut incensum de-
ferri. Quo innuit, ad usum potius sacrificij,
quàm calefactionis, siue ad aliud quid simile
pertinere.

Atqui, responsione hac, quam breuem pe-
roprabam, & longam vidimus, prætermissa,
id, quod initio diximus, iteramus: Camini
formam in sacra Domo Virginis existentem,
non Caminum antiquum, sed concavitatem
esse ad iam dicta exhibenda. Cuius rei ut cer-
tior per te fias, Veni, & Vide.



SA-

SAGITTA XXIII.

*Consecrationem Apostolicam huius Sancte Domus
in Ecclesiam refelli non usu tunc temporis
Ecclesiarum, & prateritione Sancti
Lucæ Scriptoris Actuum Apo-
stolicorum.*

C L Y P E V S.

1. ad Co-
r. 12.



VA fronte Ecclesiarum
vsum sub Apostolorum
tempore denegas, qui Apo-
stoli Pauli testificatione
certissima conuinceris,
aientis: * Primum quidem
conuenientibus vobis in
Ecclesiam, audio, scissu-
ras esse inter vos, &c. Illud: * Conuenientibus
vobis in Ecclesiam: * Quo pacto intelligis? Num
in omnem Domum Fideles conueniebant?
Omnis ergo Domus erat Ecclesia. Aut in
aliquem peculiarem locum, huic tantum rei,
& non alteri destinatum, illos conuenisse tibi
fatendum est: aut ipsum Dei Verbum te non
intelligere, asseuerandum.

Lib. 10.
Recog.

Insuper Sanctus Clemens testatur, Beato
Pe-

Petro Antiochiæ existente, domum Theophili in Ecclesiam fuisse conuersam, in eaque primam Cathedram constitutam. Vnde S. Ignatius Martyr, qui sub Apostolorum temporibus illam rexit Ecclesiam, ad Magnesianos scribens, ait: "Omnes ad adorandum in idem loci conuenite: sit vna communis precatio, vna mens, vna spes, in charitate, & fide inculcata, in Christum Iesum, quo nihil præstantius est: omnes velut vnusquisque ad Templum Dei concurrite, veluti ad vnum Altare, ad vnum Iesum Christum Sacerdotem."

Epiſt. 6.

Et Philo, qui sub eadem cœuens ætate floruit, post quam Christianorum Alexandria gentium, quænam essent domicilia, quæ nam vita, descripsit, de Ecclesijs in varijs locis constructis, sic loquitur: "Est in quoquo agro fere Aedes sacra, quæ appellatur Seranon, idest augustum Templum, vel Monasterium: in quo illi ab alijs separati, seiunctique vitæ piæ, & propter virtutem angustæ Myſteria obeant. Quæ S. Marcus Apostolorum Discipulus in eo loco fieri minime permisisset, nisi in Iudæa ab Apostolis permilla vidisset."

Vt est apud Eusebiū hystor. Ecclesiæ lib. 2 ca. 16.

Si autem primi Fideles in Domo Theophili, quinimmo in vno quoque agro constituant Aedes sacras ad Myſteria, & ad Missas,

quis

quis dubitabit, ea loca potissimum in Ecclesias ab eisdem conuersa, quæ Christi præsentia fuerant quodammodo consecrata.

Et, si vel ipsi Idololatæ, cum locum non haberent, quò ad Idola veneranda accederent, ad partem agri, alicui dicatam Numini, à reliquo sciunctam, frequentes, itabant, ibique Ecclesias celebrabant suas; Nostros fideles in ipsis crescentis Ecclesiæ primordijs huiusmodi commodo caruisse putas, ut non possent ad suæ Religionis loca concurrere, nisi ad Hebræorum Synagogas, (de quibus iam publico fuerant à Pontificibus Decreto eiectionis) accessissent?

De antiquissimo autem Sacras Ædes consecrandi, dicandique usu, præter id, quod scribere SS. Basilius, Gregorius Nazianzenus, Io. Chrysostomus, & Ambrosius, meminit Eusebius, qui, eas purgatione, & aspergione per aquam, & Spiritum Sanctum consueuisse dicari, affirmat.

Quòd verò consecrationem huius S. Domus in Ecclesiam Aduersator refelli dicat præteritione S. Lucæ Scriptoris Actorum Apostolicorum. non ita diceret, si ad ea aduertisset, quæ scribit Augustinus: nempe non omnia Apostolorum gesta ibi exarata, sed quæ peculiariter

In Ps. 114.

Orat. in
9. Dom.

Serm. in
Encensijs

Ep. 5. l. 1.

Lib. 10.
cap. 4.

Trac. 49.
in Ioan.

riter visa sunt salutem credentium sufficere: neque isthæc reselleret, si perpendisset, quæ S. Io. Chrysostomus ait: librum, scilicet, S. Lucæ, cui est titulus, Acta Apostolorum, nec omnia, nec omnium acta continere, sed vnus duntaxat, aut duorum, eorumque etiam solummodo magis conspicua; & ponderasset, quod idem S. Lucas nec Pauli quidem, cuius potissimum actus prosequi voluisse videtur, refert triplex naufragium, quod ipsemet Paulus se passum fuisse narrat, inquit: "Ter naufragium feci: nocte, & die in profundo Maris fui." Quibus accedit, quod S. Hieronymus obseruat, eundem Euangelistam multa, & magni momenti, à SS. Petro, & Paulo edita, prætermisisse.

Tom. 1.
contra
Gentes.

Ep. 2 ad
Corint.
cap. 11.

Ep ad Ga
lat. ca. 2.

Vnde ergo tibi, Consecrationem Apostolicam huius S. Domus in Ecclesiam refelli non, vsu tunc temporis Ecclesiarum, & præteritione S. Lucæ Scriptoris Actorum Apostolicorum? Contrarium certe, nempe Domum, in qua Virgo Verbum Dei conceperat, fuisse conuersam in Ecclesiam, ad quam Fideles conuenire possent, & sacra peragere, vel Puer paruulus, qui animo cogitata nescit euoluere, fateretur.

S A G I T T A XXIV.

*Diuina Officia, adhuc in Ecclesijs minime instituta,
non potuisse ab Apostolis in hac S. Domo
recitari.*

C L Y P E V S.



E vno multa facit Aduersarius: Lucianus quippe Caupo, qui varias ciborum species, ex eodem suo confectas, apparat. Paullò ante dixit: Consecrationem Apostolicam refelli non vñ tunc temporis Ecclesiarum: Nunc ait, Diuina Officia, adhuc in Ecclesijs minime instituta, non potuisse ibi ab Apostolis recitari.

Diuina te Officia credimus intelligere, Psalmodiam in Dei obsequium Ecclesiasticis viris præscriptam: & hanc apud Hebræos recognosce, qui cunctis diebus in Salomonis Templo diuinas laudes psalmis contentas concinebant: necnon apud ipsosmet Apostolos, de quibus in
Cap. 10. Actis Apostolicis habemus: * Ascendit Petrus in
fu-

superiora, vt oraret circa horam sextam: * Et su- Cap. 3.
 pra: Petrum, & Ioannem in templum solitos
 ascendere ad horam orationis nonam: & alibi: Cap. 6.
 * Media autem nocte Paulus, & Silas orantes lau-
 dabant Dominum *.

Quod autem Paulus non ipse solus hoc Diui-
 norum Officiorum institutum frequentaret, sed
 ad idem alios quoque adhortaretur, audi ex eo- Ad Colof.
 dem *: Verbum Christi (inquit) habitet in vo-
 bis abundanter in omni sapientia, docentes, &
 commonentes vos metiplos psalmis, hymnis,
 & canticis spiritualibus. *

Idemque Diuinorum Officiorum institutum
 fuisse re ipsa à primis fidelibus frequentatum,
 testatur Philo Hebræus (sub Apostolorum tem- Hist. Ec-
 cles. lib. 3
 cap. 17.
 pore vixit) qui de Essenis loquens, quos Chri-
 stianos omnes interpretes intelligunt ait: * Vbi
 omnes consurrexere, duo Chori sunt in medio
 Cænaculo, alter virorum, alter fæminarum:
 cuique suus incentor præficitur, honore præ-
 stans, & canendi peritia: deinde cantant hym-
 nos, in Dei laudem compositos varijs metro-
 rum, carminumque generibus, nunc vno ore,
 nunc alternis, non sine decoris, ac religiosi
 gestibus, & accentibus, modò prorsum, re-
 trorsumque gradum mouentes, vtrumque res
 postular. * Et infra, eadem fieri narrat Alexan-
 dria,

driæ, quam Marcus Euangelista diuino Verbo ad salutem erudierat.

Et ut hoc ab ipso B. Petro constitutum scias, Plinium Iuniorem lege vel inuitus; (non enim ignoramus, à vobis eiusdem Epistolam, qua maxime coarguimini, expunctam, atque ex reliquarum numero deletam, cuius cum mentio fiat à Tertulliano, antiquissimo teste, supposititia sane censenda non est) lege inquam Plinium, qui ad Traianum scribens ex Bithynia, quam ipse Proconsularem Prouinciã administrabat, Christianos asserit, solitos statuto die ante lucem conuenire, carmenque Christo quasi Deo dicere secum inuicem. Bithynis autem Petrum Apostolum Euangelium enunciasse, certissimum est.

Lib. 10.
Ep. 97.

Neque tantum in Orientalibus Ecclesijs, sed hic etiam Romę Diuina Officia eodem tempore recitari solita, vel ab ipso Luciano Idololatra, Christianosque ritus deridente, qui sub Traiano vixit, asseritur.

Ep. 217.
cap. 18.

Eandemque Psalmodiam, & quidem cum hymnis, & canticis, non aliunde, quàm ab ipso Domino, & Apostolis acceptam, affirmat Augustinus, dum illa, quæ ex diuina Scriptura defendi possunt, ait, esse Hymnorum, atque Psalmorum cantum: de quo ipsius Domini,

ni,

ni, & Apostolorum habemus documenta,
exempla, & præcepta.

Institutionis rationem reddit Chrysosto-
mus : * Ne Dæmones , inquit , lasciuia me- Hom. su-
per 4. Pf.
retricia cantica introducentes, omnia euerte-
rent, Psalmos Deus construxit, vt ex ea re
simul caperetur voluptas, & vtilitas *. Cui con-
gruunt, quæ habet Basilius : * Quando (in- Hom. su-
per 1. Pf.
quit) Spiritus Sanctus nos vidit, ægre persua-
deri ad complexum virtutis , ac proinde ad
ineundam vitæ rectitudinem , per hoc lente-
scere, quod toti ad consecrandam voluptatem
protenderemus , quid fecit ? Nimirum Scrip-
turæ dogmatis mixtim disperfit concinnam,
istam numerorum modulationem, vt auribus
permulsis, ac delinitis, mellito vocum con-
centu clam, velut aliud agentes, sineremus in
animos nostros irreperere eloquiorum vtilita-
tem *. Quod ipsum D. Augustinus se exper- Lib. 9. c. 6
fess.
tum in animo suo fatetur his verbis . * Quan-
tum fleui in Hymnis, & Canticis suaue sonan-
tis Ecclesiæ tuæ vocibus commotus acriter ?
voces illæ infuebant in auribus meis, & eli-
quabatur veritas tua in cor meum, & ex ea
æstuabat affectus pietatis, & currebant lacry-
mæ, & bene mihi erat cum eis . *

Quinimmo Psalmorum cantus adeo fre-
quens.

Ad Dona-
rum.Ep. 17. ad
Marcellā.

quens priscis Fidelibus fuit, vt eo etiam in
conuiujs, & ruri creberrimè vterentur. Hinc
S. Cyprianus inquit*: Sonet Psalmos conuiuium
sobrium*: Et S. Hieronymus*: In Christi, inquit,
villula præter Psalmos silentium est: quousque
te vertis, arator stiuam tenens Alleluia decan-
tat: sudans Messor Psalmis se auocat: & curua
attondens vitem falce victor, aliquid Dau-
dicum canit: hæc sunt in Prouincia nostra
carmina: hæc, vt vulgo dicitur, amatorie can-
tiones: hic Pastorum sibilus: hæc arma cul-
turæ.*

Vnde igitur, Diuina officia non fuisse Apo-
stolorum tempore instituta, argumentaris? Ex
iam dictis patebit, si velis credere, vel in ipsa
Sacra Domo (quod coniectandum est facile)
ab iisdem oratum, Hymnosque cum Psalmis
cantatos fuisse.



L A V R E T A N V S. 167

S A G I T T A X X V.

Gratis asseri, Apostolos hic posuisse Imaginem Beatissima Virginis, contra Exodi prohibitionem.

C L Y P E V S.



VOD nos gratis asserere dicitis, vos gratis negatis; tamen qui solus sapit, is est, qui non suam tantum, sed aliorum quoque tenet sententiam. Quanam ratione dicitis, esse contra Exodi prohibitionem Imaginis appositionem, si Deus ipse Imaginum est Author, ut ponderavit Concilium Nicense sub Irene Leonis Imperatoris IV. Coniuge, trecentorum quadraginta Episcoporum concursu celebratum? In quo, cum actum esset de tollendis ab Ecclesia, vel retinendis Imaginibus, ab omnibus retinendas conclusum est, multis adductis exemplis, ac testimonijs, eoque præcipue, quod iudicarunt fortissimum, Deum primum fuisse authorem Imaginum, qui primum sui Imaginem depinxit in homine.

EaL

Easdem Imagines ab ipso Redemptore nostro diuino quippe facto comprobatas nouimus, dum vultus sui ad necem ducti Imaginem, in velo, sibi ad sudorem extergendum à muliere (quam prisci dixere Veronicam) oblato, reliquit expressam: quæ nunc Romæ à cunctis Fidelibus religiosè exhibita in Vaticana Basilica colitur; Non enim Christus suam ad nos transmississet, si in nouo Testamento Imagines fuissent interdicendæ.

Lib. 4. de
fide Or.
rhodoxa
cap. 17.

Neque tantum, ad mortem cum duceretur, idem noster Redemptor hoc fecit, sed viuus adhuc; vt S. Damascenus testatur his verbis: "Historiæ quoque proditum est, cum Abagarus Edessæ Rex eo nomine Pictorem misisset, vt Domini Imaginem exprimeret, neque id Pictor ob splendorem ex ipsius vultu manantem, consequi potuisset, Dominum ipsum diuinæ suæ, ac viuificæ faciei pallium ad mouisse, Imaginemque suam ei impressisse, sicque illud ad Abagarum, vt ipsius cupiditati satisfaceret, misisse. Quam quidem historiam fide dignissimam agnoscit Adrianus Papa, asseritque illam examini subiectam, tamquam veram à Stephano summo Pontifice in Concilio Romano receptam.

Ep ad Ca
rolum Ma
gnum 3.
tom. C6c.
relata.

Et Concilium Antiochenum Apostolorum nun-

nuncupatum, imaginum vltum expresse appro-
bavit, statuens in hæc verba: * Ne decipiantur
saluari ob Idòla, sed pingant ex opposito diui-
nam, humanamque manufactam, impermi-
xtam effigiem Dei veri, & Saluatoris Domini
nostri IESV Christi, ipsiusque seruorum con-
tra Idòla, ac Iudæos: neque errent in Idòlis,
nec similes sint Iudæis: * Quem canonem etiam
Gregorius Episcopus Pessinuntis citat, lau-
datque.

In Conc.
Niceno 3

Rationem, propter quam imagines concessæ,
permisæque sunt, reddit Gregorius Magnus di-
cens: * Scio quidem, quòd imaginem Saluatoris
non ideo petis, vt pro Deo, aut quasi Deum
colas; sed pro recordatione filij Dei, & vt in
eius amore recalescas, cuius imaginem videre
desideras.

In Epist.
53. ad Se-
cundinũ.

Cui a liam addit rationem idem Gregorius: *
Idcirco (inquiens) pictura in Ecclesijs adhibetur,
vt ij, qui litteras nesciunt, saltem in parietibus
videndo legant, quod legere in codicibus non
valent.

Epist. 3.
lib. 7^o

Ad id verò, quod dicitur de Exodi præcepto,
respondet S. Stephanus Confessor in suo contra
Constantinum Copronymum Imperatorem
congressu, vbi ait: * Quòd si mihi dictum illud
Moyfis in medium protuleris: Non facies tibi

Y si-

similitudinem vllius rei &c. hunc tibi Moysem ostendo, duorum Cherubim effigiem auro efficientem : Quibus de rebus ad hunc quoque modum diuinus Apostolus disseruit : & Cherubin obumbrantia Propitiatorium : Quin ipsum quoque Propitiatorium, & Tabernaculum testimonij, & Sancta Sanctorum, an non celestium figuram exprimebant? Quemadmodum idem Apostolus rursus ait: vmbre celestium deseruimus. * Cum quo consentit Iustinus, vbi argumentatur, quòd Deus male sibi constans prohibuisset fieri imagines, qui duos Cherubin statuit in Propitiatorio; & Serpentis fabricam præcepit.

In Triph.

Exod. 25.

Num. 31.

Atqui, vos sacrarum Imaginum obtrectatores, cur Martini Lutheri Hæresiarchæ colitis imaginem, quam Lindanus Ruremundensis Episcopus, magnæ quidem vir authoritatis, ac doctrinæ, vidit titulo D. Martini prænotatam? Cur Melancthonis, Bezzæ, Caluini, & aliorum Apostatarum ambitiose circumfertis? Quippe nos Dei, Virginis, Sanctorumque virorum Imagines veneramur: vos spurcorum, scelestorumque. Sed hinc vniuersus Orbis agnoscat, hæc omnia Chrillianæ pietatis odio à vobis coaceruata, aduersus nos gratis, & temere effusa.

SA-

S A G I T T A X X V I.

*Crucem, adorari adhuc minime captam, non potuisse
in sacra Domo ab Apostolis collocari.*

C L Y P E V S.



EMAS habet Aduersarius
noster, ex quibus facile
ipſius lippiunt oculi. Cru-
cem, quæ in Sacra Domo
omnium oculis expoſita
conſpicitur, cum eadem
è Syria ad Italiam tranſ-
uectam fuiſſe, pro certo
habetur; Traditione verò reſertur, ibidem
illam ab Apoſtoliſ in ipſo conſecrationis actu
conſtitutam; quando, ſi quis locus Dei cul-
tui deſtinandus erat, Crucis titulo in Dei par-
tes tranſiſſe demonſtrabatur. Et hanc Tradi-
tionem appellamus, non Euangelium. Ad-
uerſarius autem contra, hoc minimè fieri po-
tuiſſe, aſſerit, addita ratione, quòd mini-
me cæpta eſſet adorari. Verùm mecum eſto,
quis tibi hæc? Ex Verbo quippe Dei nihil ex-
cerptiſ: nùm ex Traditione, ſed ex qua? &

Y 2 Au-

Authorem laudato, vt tibi præstetur fides.

Contrarium certe nobis probatur; Si enim Apostolorum tempore non erat in more positum, vt Crux adoraretur, cur ab Apostolo Paulo fuerunt prædicata Crucis encomia? Cur tanta in Apostolo Andrea animi exultatio, cum ad necem ductus Crucem intuitus est, cui se sciebat affigendum? Ad quid Iacobus, & Marcus in eorum liturgijs Crucis signacula super Oblata fieri præcepissent?

Ep. 8. ad
Philip.

Quibus accedunt grauissima Patrum testimonia, qui nos & ætate, & doctrina præcessere: ad quos certum est à maioribus deuenisse huiusmodi sensum. Quos inter D. Ignatius Apostolorum discipulus Crucis tropheum contra diaboli potentiam erectum, visibile eiusdem Crucis signum appellat, aitque: "Quod vbi viderit, horret, & audiens timet." Ergo Cruces erigebantur, quas cum Dæmon videret, horrere dicitur.

Li. de Corona
Militis cap. 3.

Et Tertullianus, qui statim post Apostolorum tempora vixit, sub annum scilicet Christi 198. ita scribit: "Ad omnem progressum, atque promotum, ad omnem aditum, & exitum, ad vestitum, & calceatum, ad lauacra, ad mensas, ad lumina, ad cubilia, ad sedilia, quacumque nos conuersatio exercet, frontem Crucis signa-

cu-

culo terimus: * Subditque: * Harum, & aliarum huiusmodi disciplinarum, si legem expostules Scripturarum, nullam inuenies: Traditio tibi prætenditur auctrix, consuetudo confirmatrix, & fides obseruatrix. *

Theodoretus quoque refert, inde primos ^{Lib. 3. ca. 16.} Christianos plerumque detectos, quòd Crucis signo poculum signarent.

Eandemque Crucis venerationem ab Apostolis initium habuisse testatur D. Basilus; asserens, Apostolicam in Ecclesia Traditionem fuisse, ut Fideles tam in sacris, quàm in cæteris rebus, quibus benedicerent, Crucis signum exprimerent: eoque remedio tamquam saluberrimo ad pellendos Dæmones vterentur. Circa quod vltimum, si velis testem etiam Epicureum, & cuiusvis Numinis illusorem; Lucianus narrat, Eucratem, dignum plane virum, cui fides adhiberetur, cum anulum accepisset, ex ferro, ut ait, ex Cruce facto, aduersus prauos Dæmones redditum fuisse securum. Lucianum autem Traiani tempore extitisse, quis nescit?

Viri autem superioris sæculi, non aspernandæ fidei, testimonium liceat hic asserere, scilicet Oforij Siluensis Episcopi apud Indos. Hic in litteris ad Summum Pontificem eo
tem-

De Spiritu Sancto
cap. 1.

In Philopseudo.

tempore exaratis, hæc scribit: * Calaminæ (quæ hodie vulgo Malipur seu Ciuitas S. Thomæ) in qua vel ipsæ veteres historie D. Thomam Apostolum passum fuisse narrant, in ipso primo Lusitanorum ad illas horas accessu, inter peruetustæ, ac demolitæ Vrbis rudera saxum ingens repertum fuit, Crucis signo insculptum, ac quibusdam indicis, perantiquis tamen litteris, hinc, & inde decoratum, ex quibus coniectum fuit, ab ipso Apostolo Crucem illam erectam, apud quam, dum flexis genibus Deo preces funderet, transfixus hasta occubuerat. *

Quibus bene perpensis eritne adhuc apud te incredibile, vt in sacra Domo reperta Crux, fuerit ibi ab Apostolis collocata?



S A G I T T A X X V I I.

*Nec quidem Campanulam potuisse ibi ab Apostolis
poni tempore, quò nondum erat in usu.*

C L Y P E V S.



IN caducum parietem inclinat Aduersarius, dum Vulgi verba æque ac Evangelij censet. Quis unquam vel insulse dixit, Campanulam in hac S. Domo ab Apostolis collocatam? Non dixit Historicus, Campanulam ibi positam ab Apostolis, sed cum eadem Domo, siue è Syria ad Dalmaras, siue à Dalmatis ad Picanos traductam, ibidem repertam; quam quis appenderit, ignoramus.

Verùm esto ab aliquo, quem nescimus, dictitatum: haud certe ex eo damnanda est assertio, quòd non eius temporis usus fuerit; Quamuis enim non desint, qui Campanarum usum à Sabiniano Summo Pontifice inductum affirmant: aut à Sanctissimo Viro Paulino

no Nolæ Episcopo, qui eundem Sabinianum ducentos circiter annos antecessit: præsertim cum sub vocabulo Nolæ ipsum æs concauum, & ad sonitum fufum, appelletur; Posito tamen, idem esse Nalam cum Tintinnabulo, à tinnitu sic dicto, teste Plinio, qui: * Apes (inquit) gaudent tinnitu æris. * Idem Plinius describens Pyramides: * Pyramides, ait, ita fastigiata, vt in summo orbis æneus sit impositus, ex quo pendeant excepta catenis tintinnabula: quæ sane non ea fuerunt, quæ de Catellorum collo dependere solent; eorum enim sonitus exauditus non esset, quando Pyramidum altitudo ea fuisse dicitur, vt ultra omnem excelsitatem, quæ manu fieri posset, extolleretur.

Lib. 11.
Hiflor.
cap. 20.
Lib. 36.
cap. 13.

In eius
vita.

In Dea Sy-
ria tom. 3

Eaque tintinnabula in sacris adhiberi consueuisse, constat non solum ex facto Octauij Augusti: qui, tintinnabulis Templorum ianuis dependi solitis, cum in Capitolio Ædem Ioui tonanti dedicasset, ex loco remotis, fastigium Ædis redimiuit, vt iisdem auditis ad colendum Iouem Capitolinum Populus facilius accederet; sed etiam ex attestatione Luciani, qui sic ait: * Sacerdos postquam ad summum Templi peruenit, preces pro vno quoque facit; precando autem pariter & æneum quoddam tintinnabulum pulsant.

fando , quod motum pariter , atque asperere sonat .

Porro Zonaras, insignis historicus apud Græcos, narrat, tintinnabulum Currui triumphantium appendi solitum , ut ea re , qui triumphans ascendeat, admoneretur, ne in eam ob scelera calamitatem incideret, ut capite damnaretur; consueverant enim veteres de ijs, qui supplicio destinabantur extremo, tintinnabula appendere, ne quis inter eumdum ex illorum contactu piaculo se obstringeret .

Et Strabo , qui aliquot annis ante Christum natum floruit, eundem tintinnabulorum usum attestatur sub exemplo Citharædi, artem ostentantis suam; inquit, quod cum plurimi eum audirent, quamprimum tintinnabulum increpuit, vendendorum piscium signum, illi, relicto Citharædo, ad pisces dilapsi sunt præter unum, qui surdaster erat. Quo circa Citharædus propius ad illum accedens , ô homo (inquit) gratias tibi ingentes habeo tum propter Musicæ studium, tum propter honorem erga me præstitum; nam cæteri, quàm primum tintinnabulum increpuit, omnes abierunt. Vnde Surdaster. Quid ais? inquit: num iam tintinnabulum sonuit? eoque affirmante: tibi bene sit, inquit, & surgens ipse quoque digressus est.

Li. 14. de
Geographia.

Z

Ne-

Neque est cur Aduersarius insistat in vocabu-
 li denominatione; nam Campanæ quoque me-
 minit Ioseph Historicus, qui describens tubam,
 ait: * Cuius os tantum patebat, quantum ad in-
 flandum sufficeret, desinebatque in extremi-
 tatem campanulæ similem*: Et D. Hierony-
 mus eadem est usus voce, qui ait: * Nullam ex vo-
 bis dormientem reperiât campanilis sonitus: *
 Et infra: * Ad Ecclesiam Sorores Campanula vo-
 cet. * Prout etiam de Nola meminit Quintilia-
 nus, qui deridens garrulum, desidentem dies
 toros domi, & nugaci futilium verborum im-
 portunitate obstrepentem, cæterisque fasti-
 dium exhibentem: * Nola in cubiculo: * Sub
 Adagij forma, vocitat.

Ex quibus liquet, Tintinnabulorum usum
 vel ante Apostolos, ab illis nisi iussum, saltem
 admissum, etiam in hac S. Domo adhiberi po-
 tuisse.



• S A G I T T A X X V I I I .

*Lapides , & calcem Sanctæ Domus neutiquam
debere pro sacris Reliquijs haberi .*

C L Y P E V S .



¶ M fundamenta labant, moles quoque superimposita corruat necesse est: Nam, ut inquit ille: ruunt sublati alta columnis. Dum corrupta Fides est, quæ non adinueniet Adversarius, ut in cæteris eandem tollat? Sacras nunc Reliquias impugnans, te Vigilantio, cæterisque hæreseos monstris similem reddis. Verumtamen, quando Lapides (dicens) & calcem S. Domus neutiquam debere pro sacris Reliquijs haberi, aliquas, concedis, esse apud te sacras Reliquias adorandas, in quibus lapides, & alia huius S. Domus minus sint reponenda; ex te quæso, num pro Reliquijs haberes sudaria, ac semicinctia, quæ à corpore Pauli delata super languidos, cunctos adimebant languores: & quorum ta-

ctu spiritus nequam. eiiciebantur; vt in ipsis

Cap. 19. Apostolorum Actibus habetur.

Rursus ex te percontor, num, tanquam
 sacras Reliquias Sanctorum, agnosceres eorum
 Serm. 93. ossa, ac cineres, de quibus S. Ambrosius ait: *
 Honoro in carne Martyris exceptas pro Chri-
 sti nomine cicatrices: honoro viuientis memo-
 riam perennitate virtutis: honoro per confes-
 sionem Domini sacros cineres: honoro in
 cineribus semina æternitatis: honoro corpus,
 quod mihi Dominus ostendit diligere, quod
 me propter Dominum mortem docuit non
 timere. Cur autem non honorent corpus il-
 lud Fideles, quod reuerentur & dæmones? quod
 affixerunt in supplicio, sed glorificant in se-
 pulchro? *

Adhuc te interrogo: an tibi sacrarum Reli-
 quiarum loco esset ipsemet apud sepulcra San-
 ctorum Martyrum puluis, de quo Hieronymus
 in Vigilantium: * Itaque nolo, mihi dicas, si-
 gna infidelium sunt; sed responde, quomodo
 in vilissimo puluere, & sauilla nescio qua tan-
 ta sit signorum, virtutumque præsentia? Sen-
 tio, Sentio infelicissime mortalium; quid do-
 leas, quid timeas: spiritus iste immundus, qui
 hæc cogit scribere, sæpe hoc vilissimo tortus
 est puluere, immò hodieque torquetur, & qui
 in

in te plagas diffimulat, in cæteris confitetur.*
Hactenus ille.

Demum quæro, inter sacrasne Reliquias collo cares Brandeum, aut quid simile positum ad Sanctorum corpora, ac leuatum: de quo Gregorius Magnus respondens Constantinæ Lib. 3. Epist. 30. Augustæ, quæ Sanctorum Apostolorum Petri, & Pauli capita Constantinopolim transferri petierat, sic inquit: * Romanis consuetudo non est, quando sanctorum Reliquias dant, ut quidquam tangere præsumant de corpore, sed tantummodo in Pyxide Brandeum mittitur, atque ad sanctissima corpora Sanctorum ponitur; quod leuatum in Ecclesia, quæ est dedicanda debita cum veneratione reconditur: & tantæ per hoc ibidem virtutes sunt, ac si illuc specialiter eorum corpora deferantur.* Hæc Gregorius: Quibus etiam Sanctissimi Leonis Papæ factum subiungit admirandum; qui forficibus, linteum recidens, diuinitus elicit sanguinem, Græcis incredulis rem ipsam vehementer obstupescensibus.

Si hæc in sacris Reliquiis haberes. Cur non Lapidem, & calcem S. Domus? Cur non sanctissimam Domum, non Pauli, neque Petri manibus attrectatam, sed Virginis, paruulique IESV tactu sacram? Si autem nullas ex
enu-

enumeratis inter sacras Reliquias constitueres.
iam à summo vsque deorsum vitium est in
Domo (mentem tuam intelligas labantem)
quam nullę trabes fulcire poterunt, etiam ex ere
fusa, firmissimarum videlicet rationum nixæ
robore. Qui sanæ est mentis, Arbiter habetur,
& Iudex.



SA-

S A G I T T A X X I X.

*Mirum videri, Sanctam Domum constitui etiam ad
dexteram Sanctissimi Sacramenti summa
apud nos venerationis.*

C L Y P E V S.



IGNVM scilicet obiectum
Obelisco: quo tamquam
plumbeo gladio nos iugu-
lare contendit Aduersarius.
Quis risum contineat? Mi-
rum (inquit) videri, Sacram-
Domum constitui etiam ad
dexteram Sanctissimi Sacramenti. Ergo de
præcedentijs loquamur oportet, à quo velut
absurdo abstinemus; siquidem quod obijcitur
à veritate maximè alienum esse affirmamus;
etenim cum in publica via Sacra Domus con-
stitisset, post multa diuinitus edita signa, qui-
bus rei veritatem Deus comprobauerat, Se-
des Apostolica de Templo, quo illa esset inclu-
denda deliberavit: & vt in medio constitue-
retur Templo, actum bene censuit; quandoqui-
dem si qua alia illius parte fuisset collocata,
vel

vel turbam fecisset, tumultumque, vel multi, ne illam circumirent venerantes, prohibiti fuissent: cunctisque tantæ Domus miraculum minus patefceret. Utque debita Sanctissimo Eucharistiæ Sacramento præstaretur reuerentia, non in aduersa, quæ Templi valuas respicit, illud locarunt parte, sed à sinistra Templi tamquam loco publicæ venerationi magis opportuno. Quare S. Domus non ad dexteram Sacramenti collocata, sed Sanctissimum Sacramentum ad dexteram introeuntium in Basilicam, vt commodiori illius venerationi consuleretur, constitutum est.

Verùm, quoniam isthæc religio in nostrum incessit Aduersarium, vt male sitam credat Sanctissimam Eucharistiam à sinistris, vtrumque sit, perperam hoc sciat reprehendi; Nam, Q. 148. etsi Iustinus clarissimus Martyr* perinde (dicat) atque dextera manu in nomine Christi cosignamus, qui sigillo tali indigent, eò quòd præstare sinistræ putetur; quamuis positura, & non natura illa differat: Et apud Ægyptios Magnus fuerit honor habitus, si ad dexteram quis collocaretur. quem etiam morem seruauere olim Romani, Afri, Numideque: & nunc quoque teneri cernimus.

Tamen sinistram quoque dignationem c-
sten-

stendere, declarant veteres quidam auctores; quos inter Xenophon refert, Cyrum singulari prudentia Viros adhibitos conuiuas, quò honoratius exciperentur, in sinistra locare solitum: eamque partem digniorem duxisse, velut cordi affinem: siue quia illi magis fidere videretur, cui infirmiolem corporis partem, quasi tuendam, committeret.

Herodotus, Romanos in publicis actionibus, præsertim in Exequijs Imperatorum, dedisse sinistram Senatui, dexteram Mulieribus, his verbis refert. Circa lectum verò vtrinque magnam partem dici sedent: à læua quidem Senatus omnis, vestibis atris amictus: à dextera verò Matronæ, quas Virorum, aut Parentum dignitas honestat: harumque nulla vel aurum gestans, vel ornata monilibus conspicitur; sed vestibis albis exilibus indutæ, moerentium speciem præbent.

Et apud prælia committentes sinistru cornu maiori quidem, quàm dexterum in veneratione fuit. Vnde Thebani, cum ad Leuctram sinistru cornu Lacedæmonios fugassent, omnibus prælijs obseruarunt, vt sinistru cornu Principatum darent. Apud Lacedæmonios milites ex Seyro insula, cum sinistru sibi locum delegissent in acie, semper obseruarunt, vt sinistru

Lib. 4.

Plut. Pro.
bl. ca 78.

A a strum

Dec. 1.
lib. 1.

Lib. 4.

Tom. 2.
Conc.

strum cornu tenerent. Et apud Romanos Tullus Hostilius, aduersus Fidenates pugnaturus, sinistrum sibi sumpsit cornu, dexterum Metio dedit, teste Liuius. Darius quoque ad Arbelam, cum sibi sinistrum tuendum susceperet, Mazeo dexterum assignauit, teste Q. Curtio.

Sed ne dicas, hæc esse exterorum exempla. Testimonium de hoc firmissimum habes in Concilio Chalcedonensi: quod institutum ab alijs tribus prioribus Concilijs Niceno, Constantinopolitano, & Ephesino accepisse, credibile est; In eo enim legati Sedis Apostolicæ, qui alioquin omnibus præferebantur, & primo solebant loco à nomenclatore recitari, sederunt ad sinistram supra Archiepiscopum Constantinopolitanum, & Episcopum Antiochiæ: ad dexteram verò Dioscorus Episcopus Alexandriæ cum alijs Episcopis. Concilij verba hæc sunt. * In læua quidem parte sedentibus Sanctissimis, & Reuerendissimis Episcopis, & Vicarijs Dei amicissimis Sanctissimi, ac Reuerendissimi Leonis Antistitis priscae Urbis Romæ, & Anatolio religiosissimo Archiepiscopo Antiochiæ, &c. Ex dextera verò similiter confedentibus Dioscoro religiosissimo Episcopo Alexandrino, & Iuvenale religiosissimo Episcopo Hierosolymorum, &c.

Præ-

Præterea in Concilio Nicæno, sub Constantino Magno habito, quod multos annos Chalcedonense præcessit, id ipsum obseruatum inuenies; in eo enim tres Legati à latere Siluestri Papæ cum Episcopo Alexandria, & alijs sedebant ad sinistram: ad dexteram verò Episcopus Antiochiæ, qui etiam erat Episcopo Alexandrino inferior.

Ac demum in ultimo Nicæno Concilio Sophronius Episcopus Hierosolymitanus, describens imaginem maximam, admirandamque, asserit, in ea Beatissimam Virginem fuisse à sinistris Domini Nostri, ac Sanctum Ioannem Baptistam à dextris. Ipsius verba hæc sunt. * Ecce imaginem maximam, ac mirificam videmus, repræsentantem in medio quidem picturam Domini Nostri IESV Christi, & Dominam nostram Deiparam semper Virginem Mariam à sinistris: à dextris Baptistam Saluatoris nostri Præcursores. * *

Non ergo sinistra tanto est despectui, vt non etiam magis, quàm dextera pars obseruata sit & in Prophanis, & in Sacris.

SAGITTA XXX.

Ridiculum esse, quod dicitur, fuisse diuinitus defensam Sacram Domum, temporalibus armis etiam Ecclesie interdictis, munitam.

C L Y P E V S.



IQVIDEM ridicula sunt omnia nostra, vestra tantum seria. Potest ne absurdius audiri: Sacram Domum, quod temporalibus muniatur armis, diuinitus defensam dici, ridiculum esse?

Ergo cum Israelitæ in Amorrhæorum Castra Gabaonitas obsidentia, eos debellaturi vim fecerant, ridiculum erit, affirmare, super Amorrhæos Dominum grandinis lapides magnos immisisse; quibus multo plures, quam Hebræorum gladio percussi sunt. Enimuero arma temporalia habebant Israelitæ, quibus se ab hostibus tueri, quibusque illos arcere à suis finibus poterant. Non ergo verum, immò ridiculum, asserere, vehementi grandine illos concus-

cussos. O ridicula capita? Ecquis isthæc effluet præter vos, quibus contraria omnia excipiuntur; ita ut mellis dulcor, tamquam fellis amaror habeatur: ipsaque albedo, nigredo putetur: solisque radij, noctis nigrantes crines esse, existimentur.

Verum, cum sine armis res ipsa geri posse visa est, absque illis res ipsa composita, pacisque fuit accepta conditio. Hinc Leonem huius nominis primum, virum Sanctissimum, Attilæ Hunnorum Regi, Italiam inuadenti, cædes & incendia ubique minanti, sola oratione frenum iniecisse: sola eloquentia barbari Regis ferociam edomuisse legimus. Necnon Zachariam Romanæ Ecclesiæ Antistitem Luithprando Insubrorum Regi, Ecclesiasticum Patrimonium deuastanti, cum Clero obuiam processisse: Tyrannum ab incepto repente deterruisse: quasque Ecclesiæ inuaserat Vrbes eidem restituere coegisse, Annales referunt.

Cum verò hostium bella vehementius videbantur ingruere, nec vlla pacis honesta conditio satisfaciebat, Romanos quoque Pontifices armis restituisse legimus. Quos inter Gregorius Magnus Romam à Longobardis obsessam non tam oratione, quam temporali-
bus armis defendit: Et, cum suis non posset,

Theo-

Theodorici, Italix Regis tyrannidem repres-
sus Ioannes huius nominis Primus, Iusti-
ni Imperatoris implorauit arma: quod alij
quoque plures fecerunt.

Verum ne in his iusto longius vagemur:
Quid obstat affirmare, Sacram Domum diui-
nitus defensam, licet alijs muniretur armis?
Hoc sanè diuinum fatemur, cum, collectis ar-
mis ad nostra defendenda, cælestis superue-
nit gratia, quæ prodigio aliquo hostes deter-
reat. Quod sæpius ibidem contigisse ex fide
dignorum hominum relatione, & antiquis
monumentis cognouimus, ipsa Virgine Do-
mum suum diuinitus ab hostibus vindican-
te.

Quod quidem mirum non est, Beatissimam
Virginem fecisse: quæ, vt alij etiam gloriosè
victoriam consequerentur, intercessione effe-
cit sua. Hinc Constantinus Magnus ob sin-
gularem erga Virginem pietatem, cui inter
cætera Vrboni Constantinopolitanam dedica-
rat, quos non edomuit hostes, quos non re-
tulit triumphos? Heraclius Imperator, qui Bea-
tissimæ Virginis imaginem, vt ob oculos ha-
beret, in manibus semper gestasse, fertur, ad-
uersus Persas, quorum armis opprimebatur,
felicissimè pugnavit. Quemadmodum etiam
Ioan-

Ioannes Comnenus, alijque Imperatores eodem Virginis beneficio gloriosa quidem bella gessere: Et ex Estensibus Principibus Comes Aa. 1108 Mathildis, eorundem Imperatorum pietate, ac religione in Virginem, mirum dictu est (vt Baronij verbis utar) quantum in Christiana vita profecerit, quantum se super ceteras feminas exaltauerit, quantum super omnes Reges, & Principes eminentior apparuerit, & fortior sit inuenta etiam robore militari.

Quod autem Aduersarij superaddunt, arma esse Ecclesiæ interdicta (quod certe velent, vt Pontificiam authoritatem, temporalibus destitutam armis, possent irridere) vnde, sit hæc assertio profecto ignoratur: Velim, rogo, vt interdictum hoc ex ipso Euangelio producant; non enim satis est, asserre Christi verba: * Si quis te percusserit in dexteram Maxillam tuam, præbe illi alteram: * Et: * Ei, qui vult tecum in iudicio contendere, & tunicam tuam tollere, dimitte ei & pallium: * Etenim hæc ad religiosam spectant perfectionem, & ad eius, significationem, quod cuique faciendum per se est. Sciebat enim Christus, futurum in Ecclesia sua Principatum, qui non tantum diuinis, sed humanis etiam ad sui defensionem muniendus esset armis. Quod probat S. Ber-

Ep. 256.
ad Eug.
Papam.

Epist. ad
German.
Patriarc.
Constanti-
nopolit.

Bernardus, qui scribit, negantem materialem
gladium Papæ, non bene attendere ad verba
Domini, dicentis: "Conuertere gladium tuum
in vaginam." Et vtrumque (paullò iam ante
dixerat: "Ecce hic duo gladij") esse Petri: alter-
rum suo nutu, alterum sua manu, quoties
opus esset, euaginandum. Cui consentiunt,
quæ Gregorius (scribit:) nam inquit: "Ex
lectione Evangelica vterque gladius ad Ro-
manum Pontificem pertinet; Etenim, loquen-
te IESV Discipulis de acquisitione gladij spi-
ritualis, illi duos ibi positos ostenderunt, quos
Dominus dixit, sufficere ad cohibitionem spi-
ritualis, ac temporalis offensæ: aduertitque,
quod si conceditur, materialem gladium per-
tinere ad potentiam temporalem, attenden-
dum est, quod in Matthæi Euangelio Domi-
nus dicit Petro: "Conuertere gladium tuum in
locum suum." Et dicendo, tuum, materialem
gladium significat, quo percussit ille seruum
Principis Sacerdotum: nec aliquem dubitare
de spirituali; cum ei per cuiusdam specialita-
tis apicem ligandi, atque soluendi commi-
serit potestatem." Huc vsque Gregorius. Id-
que euidentissima ratione conuincitur, quia,
secus, posset euenire, vt Ecclesia nullo pacto
consisteret, dum, contemptis spiritualibus ar-
mis,

mis, non altera haberet, quibus timeretur,
& obseruaretur: Vel ipse Deus prodigia è Cæ-
lo facere continuè, ne ipsa penitus intercide-
ret, cogeretur: quod absurdissimum esse, quis-
que affirmabit.

Ex quibus patet, Deum non solùm adfui-
se, & adesse Fidelium, armis etiàm temporali-
bus decertantium, votis; sed vtrumque gla-
dium Ecclesiæ suæ dedisse.



S A G I T T A X X X I.

*Festum translationis S. Domus sine vlla
ratione celebrari.*

C L Y P E V S.



ADEM semper chorda,
vt dicitur à Musicis, no-
ster oberrat Aduersarius.
Rationis, vt cæteri homi-
nes, se esse participem
aliquo modo velles osten-
dere, sed expertem ad-
mirantur omnes. Ratio

quid nam sit nescit: nobisque Festum Tran-
slationis sanctissimæ Domus sine vlla ratione
celebrari obijcit.

Festorum celebrationis præclarè finem ex-
ponit D. Augustinus, qui ait: *Ea quippe anni-
uersariè in Ecclesia celebrantur, quæ insigni-
ter excellentia certis diebus facta sunt, vt eo-
rum anniuersariam, salubremque memoriam
festiuitas concelebrata custodiat.* Er alibi: *Nos
vni Deo Deorum (inquit) beneficiorum eius
solemnitatibus festis, ac diebus statutis dica-
mus.

Lib. 23. c.
12. contra
Faustum.

Lib. 10. c.
4. de Ci-
uit. Dei.

mus, sacramusque memoriam, ne volumine temporum ingrata subrepat obliuio.

Cum igitur causa, cur in Ecclesia festi dies sint statuti, ea sit, ut à reliquis humanis actibus feriantes, Dei beneficia potissimum accepta recolamus; non immerito statutum est ab Ecclesia, ut in Piceno, quod peculiari Domus suæ dono Beatissima Virgo voluit insignire, huius singularis beneficii memoria quotannis renouetur. Quid enim fini, ad quem Feriæ instituuntur, obstat, quo minus sit recolenda memoria, qua die tantum fuit S. Domus Translationis editum miraculum?

Quæ quidem ratio, ut scilicet ab Ecclesia, diuinorum beneficiorum recordatio Fidelium mentibus ingeratur & ne ingrati animi crimen subrepat, ne subrepat obliuio, tanti est ponderis, ut, veritate ex re ipsa constante, si Scythia, si Infidelis quispiam adhiberetur arbiter: nosque eiusmodi Festum diem instituisse diceremus, ut beneficii memores esse videremur, nos omni quidem ratione dictum diem feriari, asseueranter affirmaret.

Verum, candide Lector, ad prauam Adversarij voluntatem dignoscendam, ex illo ambo quæramus, quid si vnquam accideret, quod certè nunquam, ut Ecclesia Lutherum,

Caluinum, Zuinglium, Bezam, Melancthonem, aliosque, quos iam damnatos, suæ temeritatis, & impietatis penas apud Inferos luere, certissimum est, dignos veneratione esse, eorumque memoriam quorannis celebrandam decerneret; hanc ne sententiam, acclamationibus exciperent? Profectò diceres, omni quidem ratione constitutum esse, huiusmodi Viros, qui eam animæ libertatem concessere, quam numquam Epicurus, Nero numquam, numquam ipse Heliogabalus concessissent, dignos esse veneratione. Vnde autem hæc acclamatio, nisi quod eam rationem deprauata voluntas sequeretur, quæ veris rationibus minime acquiescit. Proindeque etiam nunc Aduersarius Festum Translationis S. Domus sine vlla ratione celebrari dicit; quia eius praua, & corrupta mens non intelligit nisi, quod deprauatum, corruptumque sit.



L A V R E T A N U S. 197

S A G I T T A X X X I I .

*Idolum Lauretanum esse maius omnibus
Idolis Christianorum.*

C L Y P E V S.



PPORTVNE Sacra Elo-
quentiæ Pater, commune
illud omnibus Hæreticis
semper fuisse vitium ad-
monuit, vt circa errandi
libidine ducti, non vno,
vel altero errore contenti
fint, sed per continuos er-

rorum anfractus incedentes, in peius semper
prolabantur; ea namque est errorum natura,
vt sisti nequeat. Plena temeritatis, atque im-
pietatis in Sacram Domum maledicta hac sa-
cilega prorsus coronide claudenda erant, vt
Fidei desertores nostram etiam Fidem accusa-
rent: & canina rabie delirantes dicerent: Idò-
lum Lauretanum esse maius omnibus Idolis
Christianorum. Proh caput insanum? Quis vn-
quam ex Fidelibus nostris adorauit Idola, Vobis
exceptis, quibus Deus venter est, quem colitis,
quem

quem veneramini, quemque contristari ve-
mini vel ieiunijs, vel vigilijs, vel macerationi-
bus; sed hæc omnia despiciatui habentes, quic-
quid concupiscentia suadet, obsequimini?

Idòlum, vt ad caput redeamus, dicitur for-
mula, qua quid exprimitur: Idololatria verò est
illius formulæ adoratio, quæ tunc fit, quando
quis formulam illam Deum existimat, & tam-
quam Deum adorât, secundum illud Tertullia-
ni: * Cecidit igitur in Idololatriam, qui Idòlum
nomine Dei honorauerit. *

In libello
de Idolo-
latriâ.

Nos autem Fideles, qui Imagines Sanctorum
dicimur adorare; haud illos Deos credimus,
quod esset Idololatriæ inhærere, sed Dei Seruo-
rum Imagines veneramur, non secus ac quando
conspicimus in tabulis insignium Virorum Ima-
gines: cumque illis præstamus honorem, quo di-
gnos arbitramur illos, quorum sunt Imagines;
Scurræ enim deridemus, Ducis, & Principis ad-
miramur: Sanctorum verò, vtpote quos cum
Deo viuentes credimus, colimus; Si enim du-
bitandum non est, sanctimonia præstantes vi-
ros cum Christo regnare, cur eorum Imagines
aliquo non sunt honore dignandæ?

Hinc in Nicæna secunda Synodo Basilius An-
cyranus Episcopus, qui prius Iconoclastis adhæ-
serat, ad meliorem frugem reuersus, veritate

cognita, crimen detestans, in confessione, quam publicè toti recitauit Patrum Senatui; hæc voluit testata esse: * Qui asserunt, Christianos vt Deos Imagines adorare; Execratio. * & infra. * Qui audent dicere, Catholicam Ecclesiam aliquando Idòla suscepisse; Anathema. * Et Theodosius Amorig Episcopus in sua confessione contra Iconoclastas, quos antea aliquando defenderat, in eadem Synodo, sic expressit: * Qui in sanctas, & venerandas imagines laphemias congerunt; Anathema. *

Cur autem nunc vos Lemanici lacus sædissima monstra, iterum Iconoclastarum errores sectantes, nos Idololatrias vocitare audetis? Proh dictum execrandum? Idòlum Lauretanum esse maius omnibus Idòlis Christianorum? Quod est, & quale istud à vobis dictitatum Idòlum Lauretanum? An quod Domum illam, in qua Virginem naram, Christum conceptum, eundemque ad adultam ætatem educatum credimus, veneramus? Et quo pacto appellatum Idòlum? Num lapides, lateres, calcemque, qua coagmentati parietes, pro Dijs habemus? Quemlibet ex nostris vel paruulum, dummodo ratione sit vtens, accersite, & ex eo percontemini: Num lapides Domus Lauretanæ Deos credat, respondebit certè, se vnum Deum colere, ac

ve-

venerari, rerum omnium effectorem. Secus quis tam insulsus, præter vos, hoc crederet? Nos enim lapides illos pro lapidibus habemus, sed osculamur, & venerationis causa religiosius attrectamus ea ipsa, quæ à Virgine, quæ à Puero IESV sæpius fuerunt contacta. Quænam igitur est hæc nostra Idololatria? Eodem pacto dici potuissent Idololatrx etiam fideles Hebræi, cum Arcam Dei venerarentur, quam observationis ergo neque verebantur attingere. Proh impudens dictum: Idolum Lauretanum?

In cap. 1.
Ep. ad Ro-
manos
dub. 18.

Verùm fortassis Idolum vocitabunt Beatissimæ Virginis simulachrum in eadem Domo translata repertum; quod facile credi potest ex his, quæ dixit Beza in Colloquio Mompelgartensi: * Fateor me ex animo Crucifixi imaginem detestari: * Et post eum David Parcus Calvinista, qui de Crucifixi imaginem venerantibus ait: * Mutant gloriam Dei, & Idololatrx sunt, non soli Gentiles, qui vel Homines, Boes, Volucres, Serpentes, Solem, Lunam, Stellæ, Herbas, Fortunam, vel harum rerum Imagines pro Dijs colunt; sed etiam inter Christianos omnes illi, qui Imaginem Christi crucifixi in Templis ad representandum Christum, & ad docendum rudiores de Christo tuen-

cuentur. Si enim Christi imaginem detestantur, mirum non est, Virginis quoque eiusdem Matris figuram aduersari. Poterat ne quid detestabilius dici? à sacrilego quidem ore æque ac animo aliud auribus ingratiùs euomì minus poterat.

Contra quos stat Epistola Tharasilj Patriarchæ Constantinopolitani in secunda Nicæna Synodo recitata: in qua hæc habentur: Iuxta antiquam Constitutionem (antiquam sanè, quæ multas antecedit ætates, sæcula prætereat) Imaginum picturam ad instructionem, & memoriam mentis nostræ Ecclesia recepit; Quicquid enim sanctum Euangelium perfectionem nobis demonstrat, hoc idem Imagines per inspectionem: Quicquid item libri de passionibus Martyrum narrant, hoc ipsum etiam Imagines signant: Quas recipimus tamquam effigurationes prototyporum. Hactenus Tharasilus.

Et ad idem faciunt, quæ Theodorus Studita, ad Iconomachorum Principem Leonem Isauricum scribens, adducit: Neque ipsum (inquit) salutare nomen reueritus es, ut idola sacras Imagines appellares? Vnde, & à quo doctus? Aut quisnam est, qui te docuit, Imaginis, atque Idoli vnā esse vocem? Hoc

Orat ad
Leonem
Isauricū.

Cc enim

enim nec Patrum vllus vñquam sensit, nec res ipsæ ferunt, vt dicatur. Qui enim, cum infinito spatio inter se diffideant, non nominis solum appellatione, sed multo magis Archetypi substantia? Idòlum enim appellatur, quod Dæmonis, aut alterius cuiuspiam ex ijs, quæ Gentiles turpiter pro Dijs coluerunt, speciem repræsentat, sed diædius, & mali deterius, qualis enim causâ, tale prorsus est causatum: & cuius abominandum est prototypum, nihilominus abominanda est imitatio: Imaginis autem & honorandum est archetypum, Sancti enim alicuius, & Sanctorum Domini figuram depingit: & quæ in tabula depicta, est effigies digna item animaduersione. * Hæc Theodorus.

Dialogo
de sacris
Imagin.

Cui adstipulantur quæ Gregorius huius nominis secundus Pontifex scribit ad eundem Leonem, ex nostra Imaginum veneratione inferentem, nos lapides, & parietes, & tabulas adorare: * Non ita est (inquit) vt dicis, Imperator, sed vt memoria nostra exciteretur, & vt stolidâ, imperita, crassaquæ mens erigatur, & in altum prouehatur per eos, quorum hæc nomina, & quorum appellationes, & quorum hæc sunt Imagines. * Hæcenus ille.

Sed inflatæ buccæ vinum eructantium, & crapulam, nil aliud personant, nisi Idòlum.

Lau-

Lauretanum. Acutum siquidem scemma,
 oboloque dignum. Quod sane ipsimet Au-
 thores detestari debuissent, si aduertissent ad so-
 la Augustini verba aientis: * Quisquis honorat Sermone
 26. de san-
 ctis. Martyres (quanto magis Beatissimam Deipa-
 ram) honorat & Christum: & qui spernit san-
 ctos, spernit & Christum. *

Quod si adhuc quisquam Iudaico animo ea
 nobis obijciat, quæ in eos, qui in Idola insa-
 no ferebantur amore, dici solent: Ecclesiam-
 que nostram Idololatriæ propter veneranda-
 rum Imaginum diuina, & admiranda ad exci-
 tandam, adiuuandamque pietatem studia, insi-
 mullet; * Habeatur hic (sunt verba Gregorij Ma-
 gni iam mille ab hinc annis in septima Sy-
 nodo coram trecentis quinquaginta Episcopis
 contra eadem opponentem prolata) non alius
 ac Canis oblatrans, & in funda quàm procul à
 nobis abijciatur.

EX quibus omnibus (ni fallor) perspicuè
 apparet, in Miraculo tanta euentia,
 diffamato, tanta perspicuitate decla-
 rato, ut nequeat aut occultari, quod est fa-
 ctum, aut negari, quod extat: Veritatem
 execrantes, non alio fuisse adactos impulsu,
 quàm qui mouit Phariseos, cum de Chri-

sto multa signa faciente dictarent: * Quid facimus ? quia hic homo multa signa facit. * Nec obscure dignoscitur, nostram munitissimam Turrim, inuisibili Dei manu quolibet fundamento firmiore sustentari: muro suo inexpugnabili circumcingi: & armis suæ potentiaæ protegi. Ac den que constat, Hæreticos, sagittis plane Tartareis è Pharetra cordis in eandem Turrim eiacularis; rebus suis deplorantes, cogi dare velint, nolint, miserandas manus; qui ut eos, infelicius pugnasse constaret, isthæc suæ cladis perpetua debuerunt monumenta suspendere.



I N D E X.



ACT A, diſſaque Martyrum, à Notarijs ſim-
plicitè deſcripta, gratioſa ſunt alijs, pigmen-
tis eloquentia circumlitis, & quare, ſol. 6.
Actorum Apoſtolicorum liber à S. Luca,
deſcriptus an omnia, & qua acta conti-
neat. f. 160. & ſeq.

Annales Illyricorum, ac Reſinetenſium à Summis Pontifi-
cibus approbati. f. 27. & ſeq.

Annunciatio an conſigerit in Domo Beatiffima Virginis,
vel ſancti Ioseph. f. 16.

Anulus ferrea ex Cruce factus aduerſus prauos Demones
ſecurum reddidit. f. 173.

Appellationes eunctorum Episcoporum ad Romanos Pon-
tiffices ſemper delata. f. 59.

Arma temporalia quando ſuerint per Sedem Apoſtolicam
adhibita. f. 189.

Arma temporalia an Eccleſia interdicta. f. 191. & ſeq.

B

Barbarorum quoque teſtimonia S. Domui ſuffragan-
tur. f. 72.

Barbari ſape prattiterunt locis ſanctioribus obſeruan-
tiam. f. 149. & ſeq.

Baronij elogium de S. Domo. f. 35.

Bella Beatiffima Virginis interceſſione ſeliciffimè geſta-
ta. f. 190.

Bibliorum versionem quam agnoſcant Hæretici. f. 3.

Ca-

I N D E X.

C

- C**adauera aromatibus condiri, antiquus usus. f. 112.
 Caminus vulgo dictus S. Domus quid sit exponitur. f. 154.
 Camini intra parietes antiquus usus. f. 155.
 Campanula Translationis tempore in S. Domo reperta an potuerit ibi ab Apostolis poni. f. 175. & seq.
 Campana usum longe ante Sabinianum Pontificem, & Paulinum Nolanum Episcopum assertos auctores, suis se probatur. f. 176.
 Carolus IV. Romam veniens publice Imperatorio diademate coronandus, quo habitu venerit, & quid in primis egerit. f. 118.
 Causa etiam secularium ad Ecclesiam deferenda. f. 49.
 Citbaradi, ac Sardasfri casus refertur. f. 177.
 Clypeus Lauretanius nomine Summi Pontificis insignitur, & quare, in Epist. dedic.
 Concilia generalia Summi Pontificis auctoritate celebrata, ac confirmata, probantur. f. 58.
 Constantini Magni modestia commendatur. f. 90.
 Crucem adorari ceptam tempore Apostolorum. f. 172.
 Crux in Indijs reperta, apud quam D. Thomas Apostolus orans *basta* transfixus occubuit. f. 173.
 Crucis signum Diabolus, ubi viderit horret, & audiens times. f. 172.
 Crucis signo ad singula muniendos fideles, docet Tertullianus. f. 172.
 Crucis signo quoddam signarent poculum, detectos primos Christianos, tradit Theodoretus. f. 173.
 Crucis signum in benedictione exprimendum docet D. Basilii. f. 173.

Da-

I N D E X.

D.

- D** Aniclis factum admirabile refertur. f. 142.
- Delpbici Oraculi responsum Octauio Augusto paulo ante Christi natiuitatem datum. f. 77.
- Deprauati est stomachi, delicias in cibis inquirere f. 6.
- Deprauati est intellectus, in veritate perquirere figmenta. f. 6.
- Dextera non semper dignior sinistra probatur. f. 184.
- Dextera manu benedicimus, & quare. f. 184.
- Dissoluti pectoris est, in rebus serijs querere voluptates. f. 6.
- Diuites iuxta loci qualitatem dicuntur. f. 146.
- Diuortium fieri consuevit etiam sponsi recessu a sponsae domo. f. 18.
- Domicilium cum alio habere, quomodo intelligatur. f. 20.
- Domunculam inter Galilea deuastationes etiam sine miraculo magnificentioribus adificijs superesse potuisse probatur ratione, exemplis, ac testimonijs. f. 148.
- Domum Annunciationis Nazarethi, & quidem in multa ueneratione, fuisse probatur f. 9.
- S.* Domui obsequij gratia inclinantur arbores Siluae agri Recinetensis. f. 24.
- S.* Domus eiusdem anni circulo in collem primò duobus germanis communem: deinde in viam publicam iterato miraculo transfertur. f. 24.
- S.* Domus stragulis, funibusque constricta, ac suspensa ostendit noua antiqui miraculi monumenta. 26. & seq.
- S.* Domus lapides, & calcem pro sacris Reliquijs habendas probatur. f. 179.
- S.* Domum, & turrimque armis temporalibus munita, mirabiliter defendi potuisse probatur. f. 188. & seq.

Et-

I N D E X

E

- E**cclesiarum usum sub Apostolorum tempore fuisse
constat. f. 158. & seq.
Ecclesiarum consecratio antiquissima fuit. f. 160.
Ecclesiastici Praefules seculari Civitatum, ac Reipublica
regimine neutiquam interdicti. f. 41.
Errorum ea est natura, ut sisti nequeat. f. 197.
Europa melior, & sanior quae sit pars exacte discutitur.
f. 62.
Exorcista soliti Damones interrogare, & ad satendam
veritatem compellere. f. 74. & seq.

E

- F**esta quare indicta sunt in Ecclesia. f. 194. & seq.
Fidem adhibendam Ecclesiasticis Praefulibus. f. 41.
& seq.
Fides Catholica, ob cuius cessationem, translatio dicitur
contigisse, sub ipsa translatione in Syria defecisse, demon-
stratur. f. 127. & seqq.
Foci, circularis antiquus usus. f. 137.
Funeralis pompa tam apud Ethnicos, quam apud He-
braeos: & inde apud Catholicos in usu fuit. f. 107.

G

- G**ratia à Deo accepta memoria in templis appendi so-
lita probatur. f. 79.

I N D E X.

H

- H**eretici eius sunt propositi , ut velint potius dubitare , quàm credere , certare quàm nosse : sequi du-
bia , quàm seruare decreta . In Pref. ad Lect.
- Hereticorum obiectionibus respondendum , & quare . In*
Pref. ad lect.
- Hereticorum scriptis clare , & sine verborum apparatu*
respondendum . In eadem Pref.
- Hereticus , ut pote qui contemptissimus , & maximo ludi-
brio est , ita solutissima lingue est . f. 41.
- Hereticus voluntatis pertinacia , non autem rationis igno-*
ratione à vero fidei tramite obstinatus aberrat . f. 52.
- Hereticis commune est vitium , ut ceca errandi libidine*
ducti , non uno , vel altero errore contenti sint , sed per
continuos errorum anfractus incedentes , in peius sem-
per prolabantur . f. 197.
- Heretici quo mouentur impulsu ad blasphemandum , &*
insanandum contra S. Domum . f. 203.
- Historie leges quę sint . f. 2.*
- Historia an utile , ac iucundum exigit . f. 5.*
- Historia , & orationi quę sint communia , & quę diuer-
sa . f. 5.
- Historia Egesippi ab eius simplicitate commendatur . f. 7.*
- Historicę veritatis sermo habenis , ac frano indiget , & qua-*
re . f. 7.
- Historici qui meminerint de translatione S. Domus refe-*
runtur , omisso ad 40. f. 33. & seq.
- Historici quare non scripserint de translatione S. Domus . f. 37*
- Hospitalitas pluribus probatur , ac commendatur . f. 122.*
& seqq.
- Hospitalitas sanctos libenter suscipit , & peccatores tole-*

D d

rat

I N D E X

rat patienter . f. 125.
 Hospitalitas sine discrimine exhibenda , ne forte , cui Do-
 mum clauferis , ipse sit Deus . f. 125.
 Hospitalitatis magna apud Deum gratia , & pluribus à
 S. Ambrosio commendatur . f. 125.

I

I dolum quid sit , & quid Idololatria . f. 198.
 Idoli , & Imaginis quod sit discrimen . f. 202.
 Imaginum Deus est Author , qui primus sui imaginem de-
 pinxit in Homine . f. 167.
 Imagines Christus approbavit , & in quibus . f. 168.
 Imagines approbate à Conc. Antiocheno , Apostolorum num-
 cupato . f. 169.
 Imagines an verè in Exodo essent prohibita . f. 169.
 & seq.
 Imaginibus qualis à Catholicis præstatur honor . f. 198.
 Imaginum impugnatores anathematizati . f. 199.
 Imaginum pictura quare sit recepta ab Ecclesia .
 f. 169. & 101. & seq.
 Imagines impugnans habendus non secus ac canis obla-
 trans . f. 203.
 Indulgentiarum spem nequitiam inanem esse probatur .
 f. 100.
 Indulgentiarum primarius calumniator Caroli V. elogio de-
 scribitur . f. 104.
 Inscriptiones , ac tituli an apponendi in pjs oblationibus ,
 & operibus . f. 90. & seq.
 Iong factum admirabile refertur . f. 140.
 Iudicia satius esse inter incognitos , quàm inter amicos ex-
 cere , dicebat Augustinus , & quare . f. 50.

Lam

I N D E X.

L

- L**ampades diuinitus accensa, & ardentes in Ecclesia
S. *Agathe* ad Suburram. f. *97.*
Lampas perpetuo ardens conseruari solita ab ipsismet Sara-
cenis in Domo, in qua Deipara habitauit in Aegyp-
to. f. *97.*
Lapides, & calcem S. Domus debere pro sacris Reliquijs
haberi, probatur. f. *179.*
Legati ad explorandam Translationis S. Domus Lauretane
veritatem ex Dalmatia in Syriam transmittuntur à Pro-
uincij Preside. f. *23.*
Legati ad eundem effectum transmittuntur in Dalmatiam,
& inde in Syriam à Prouincia Marchij. f. *25.*
Legati eandem *ob* causam tertio transmittuntur in Dal-
matiam, & in Syriam à Clemente VII. f. *25.*
Leges uniuersę Ecclesię ferendi consuetudo, & auctoritas
probatur in Romano Pontifice. f. *55.*
Lites dirimenda, etiam si opus sit, aliquid damni face-
re. f. *48.*
Lites fugere, pulchra est Christianorum hominum laus. f. *48.*
Litigare Christianos non decet, & apud quem litigandum,
si necessitas urgeat. f. *49.*
Lumina adhiberi antiquitus solita in Ecclesijs etiam de
die. f. *93.*
Lumen ad corpus S. Thoma diuinitus accensum, & ar-
dens. f. *96.*
Lumina in funeralibus adhiberi antiquitus solita proban-
tur, f. *111.*
Lutherus morti proximus quam suis alumnis, ac posteris
reliquit benedictionem. f. *52.*
Lutheri elogium ex diplomate Caroli V. f. *104.*

I N D E X.

M

- M** Archieꝑ Prouinciã Legator ad explorandã Tran-
slationis veritatem in Dalmatiam, ac Syriam
misisse ob sola Eremita verba, inuerisimile non esse
probat. f. 139. & seqq.
- M**aris spatium, quod S. Domus, Angelica opera deducta,
emensa fuit, splendore coruscat. f. 24.
- M**artyrum ossa, ac cineres b. noranda, & quare. f. 180
- M**irabiliter à Deo factorum tota ratio est potentia fa-
cientis: & quare: f. 32.
- M**iraculo Translationis S. Domus meliorem, ac sanio-
rem Europã partem neutiquam contradixisse, probatur. f. 62
- M**iracula esse Damonibus familiaria, aut possibilia, re-
probat: Et quid sit miraculum: cuius sit vera
edere miracula: cuius rei gratia edantur, exponi-
tur. f. 89.
- M**issæ, & anniuersaria in exequiis Defunctorum ex Apo-
stolorum institutione celebrari solita probantur. f. 102. & seq.

N

- N** Olam in cubiculo, adagium, de quo dictum. f. 128.

O

- O** blationes ad excitandos oblatores fuisse effectas, &
inscriptionibus ostentatas, refellitur. f. 84.
- O**blationes Regiorum D. Petro, ac Sedis Apostolicæ à Re-
gibus sæpè referuntur. f. 86. & seq.
- O**ccupata ab Ethnicis, Persecutionum tempore, fuisse Cbristi-
anis restituta sub Ecclesiæ pace, probantur. f. 150. & seq.
- Of-

I N D E X.

Officia diuina fuisse ab Apostolis instituta, & potuisse ab eis in S. Domo recitari, demonstratur. f. 162. & seqq.

P

P *Apæ gesta circa S. Domum: & aliquorum ad illam accessus. f. 63.*

Parietes S. Domui à Recinetensibus metu lapsus adiecti, a deo à sacris recesserant, ut inter utrosque Puer cum accensa face discurreret. f. 27.

Peregrinationum usus nequitiam nouus, & improbatum ostenditur. f. 114.

Peregrinationum varia species referuntur. f. 115.

Peregrinationes etiam apud Idololatrias in usu fuerunt. f. 116.

Peregrinationes Regum, ac Principum ad sepulcra Apostolorum referuntur. f. 117.

Peregrinatio ad sepulcrum S. Theclæ, insignis. f. 118.

Peregrinationis Hierosolymitana referuntur amplissima testimonia. f. 119.

Peregrinationis obiectum diluitur. f. 120.

Peregrinantem qui suscipit, habet eandem mercedem, quam habet, qui propter Deum peregrinatur. f. 125.

Pictor, ut Christi Domini Imaginem exprimeret à Rege Abagaro missus, nequit id consequi ob splendorem ex ipsius vultu manantem. f. 168.

Pontificum Romanorum Epistola quanta apud primos Christi Fideles in veneratione haberentur. f. 53.

Pontificum testimonia circa S. Domum. f. 27. & seq.

Primatus Romanorum Pontificum probatur. f. 52.

Principum accessus, ac munera S. Domui sacra referuntur. f. 64.

Psalms de veteri consuetudine in Exequijs concini probatur. f. 110.

Psal-

I N D E X.

Psalmodia cum hymnis, & canticis suis à Domino, & Apostolis instituta, & quare. f. 164. & seq.
Psalmorum cantus adeo frequens priscis Fidelibus fuit, ut eo etiam in Conuiuijs, & ruri creberrimè virentur. f. 166.
in Pulvere sepulcrorum sanctorum Martyrum magna est signorum, ac virtutum presentia. f. 180.

Q

Questiones Hæreticorum clare, & sine verborum apparatu soluenda. In Pref. ad l. c. l.

R

Rationes de occulto Dei iudicio querere, est contra Dei iudicium superbire. f. 32.
Reliquiæ à Summis Pontificibus concedi solitæ. f. 181.
Reuelatio Corporum SS. Petri, & Pauli Apostolorum cur diu dilata. f. 133.
Reuelatio S. Domus Parocho Tersactensi facta. f. 22.
Reuelatio eiusdem S. Domus rursus facta Eremita Montis Vrsi agri Recinetensis. f. 24.
Reuelationes de hac S. Domo in somnis habita veras fuisse probantur: & quare Reuelationes in somnis potius accidant, quàm in vigilia, plures redduntur rationes. f. 136.

S

Sacerdotes super Laicos instituendi, & quare. f. 48.
Sanctorum ossa, ac cineres honoranda, & quare. f. 180.

Se-

I N D E X

Sepeliri in aliquo sanctiori loco an fuerit, & sit fidelibus desiderabile, & quare. f. [106.](#) & seq.

Seculare regimen minime Ecclesię interdictum probatur. f. [41.](#)

Sepeliri multa solemnitate est antiquissima consuetudo. f. [107](#)

Sepultura Constantini Magni in atrio Apostolorum multo honori fuit habita. f. [105.](#)

Sinistra sapius habita est dignior dextera. f. [184.](#)

Sudaria, & Semicinctia Pauli ab eius corpore super languidos delata cunctos adimebant languores: & eorum

tactu spiritus nequam eiciebantur. f. [179.](#)

T

T*Abule votiva beneficiorum à Deo acceptorum ex antiquissimo Ecclesię more suspendi probantur. f. [78](#)*

Thus dari mortuis antiquitus consuevisse probatur. f. [112](#)

Tintinnabulum à tinnitu dictum, & idem esse cum campanis probatur. f. [176.](#)

Tintinnabulum Currui triumphantium appendi consuevit, & quare. f. [177.](#)

Traditionis auctoritas commendatur. f. [39.](#) & seq.

Translatio S. Domus è Syria ad Dalmatas & à Dalmatis ad Picanos quando euerit. f. [22.](#) & [23.](#)

Translationis S. Domus festum multa ratione celebrari probatur. f. [25.](#)

Typorum usus quando repertus, ac Romam delatus. f. [36.](#)

V

V*eritate semel reperta ulterius discutere mendacium est affectare. In Pref. ad [lect.](#)*

Veritatis species, & pulchritudo suco non indiget pere-
gri-

I N D E X:

grino. f. 2.
Veritas in quo, & quomodo triumphet. f. 3.
*Veritatis simplex fides maior est ambizioso eloquentia
mendacio.* f. 7.
Verum in verbis debemus amare, non verba. f. 2.
*Vicarios, ac legatos ubique tenendi consuetudo, & authori-
tas probatur in Romano Pontifice.* f. 57.
*B. Virginis auspicio militantes Imperatores, ac Principes
gloriosissimas semper victorias retulerunt.* f. 190.
Votum Civitatis Parisina S. Domui factum refertur. f. 68.



INDEX AVTHORVM, quorum testimonio in Opere vtimur.

A
772 **A**drianus Papa.
389 S. Ambrosius.
1607 Anna Baronij.
1291 les. S. Illyricorum.
1294 Recinctenſiū.
1100 S. Anſelmus.
300 Arnobius.
334 S. Athanaſius.
400 S. Auguſtinus.

B
1607 Baroniſ.
1512 **B**artholomæus à Sa-
ligniac.
380 S. Baſilius.
1104 S. Bernardus.
1483 Bern. de Breindebach.
Biblia ſacra.
1463 Blondus.
1283 Brocardus.
1000 Burchardus.

C
1500 Cletianus Card.
1520 Carolus V. Imp.
103 S. Clemens.
1592 Clemens VIII.
402 Antioch. ſeu Ap.
451 Chalcedonen.
381 Cōci } Constantinop.
431 liū } Epheſinum.
1517 Lateranen.
325 Nicenum.

D
Decretales Epist.
Decretum.
Digestum.
175 Dionyſius Corint. Ep.

E
140 Egeſippus.
380 Euagrius.
350 Eusebius Emiſſ.
1120 Euthymius.

G
492 **G**elasius Papa.
604 S. Gregorius I.
715 Gregorius II.
1572 Gregorius XIII.
384 S. Gregorius Nazian-
zeus.
369 S. Gregorius Nyſſen.
596 S. Gregorius Turonen-
ſis.

H
ant. C. Herodōtas.
400 S. Hieronimus.
ant. C. Homerus.
ant. C. Horatius.
514 Hormiſda Papa.

I
1231 Iacobus de Vitriaco.
101 S. Ignatius M. & E.
1460 Io. Baptiſta Mantuan.
407 S. Io. Chryſoſt.
730 S. Io. Damascenus.

Ee 10

83 Iosephus Hebr.
520 Iouius.
175 S. Irenæus M.
630 S. Isidorus.
1503 Iulius II.
150 S. Iustinus M.
70 Iuuenalis.
L
1500 **L** Eander Albertus.
144 **L** S. Leo **L**.
1510 Leo Decimus.
1100 Leo Ostiensis.
1564 Lindanus.
 ant.C. Liuius.
108 Lucianus.
M
1620 **M** Aphærus Barbe-
 rinus.
304 S. Marcellus Papa.
 ant.C. Marc. Tull. Cic.
 ant.C. Martialis.
80 Martinus Cromerus.
1500 S. Maximus.
N
1310 **N** Icephorus.
818 **N** Nicolaus PP. I.
O
233 **O** Rigenes.
1560 **O** Oforius.
P
498 S. **P**aulinus.
1500 **P** Paulus Æmilius.
1464 Paulus **II**.
42 Philo Hebr.
1566 Pius V.

ant.C. Plato.
70 Plinius.
122 Plutarchus.
120 S. Polycarpus.
1495 Polydorus Virg.
260 Pontius Diaconus.
450 Possidonius.
Q
34 **Q** Curtius.
90 **Q** Quintilianus.
S
60 **S** Eneca.
482 S. Simplicius Papa.
1585 Sixtus V.
434 Sophronius.
1620 Spondanus.
700 **S. Stephanus** Confessor.
 ant.C. Strabo.
144 Suetonius.
T
220 **T** Ertullianus.
460 **T** Theodoretus.
1265 Theodorus Cliftoueus.
79b S. Theodorus Studita.
1071 Theophilactus.
 ant.C. **Theopompus**.
1265 S. Thomas Aquinas.
 ant.C. Thucydides.
V
 ant.C. **V** Irgilius.
X
 ant.C. **X** Enophon.
Z
1107 **Z** Onaras.

V R B A N V S

P A P A V I I I.

Ad futuram rei memoriam.

Cum sicut exponi nobis nuper fecit dilectus Filius Ludouicus Centoflorentinus, ipse vnam Clypeus Lauretanus aduersus Hæreticorum Sagittas, & alium Clypeus Tridentinus aduersus Hæreticorum Sagittas, nec non tertium libror Praxis Canonica Romanæ Curie respectiue nouos paros à se compositos typis in hac alma Vrbe nostra imprimi facere iocundat, veretur autem, ne postmodum alibi non ea, quæ par est, sedulitate, & forsitan cum mendis imprimantur; Nobis propterea humiliter supplicari fecit, vt desuper opportune prouideret de benignitate Apostolica dignareretur; Nos igitur d. Ludouicum specialibus fauoribus, & gratiis præsequi volentes, & à quibuscumque excommunicationis, suspensionis, & interdicti, alijque Ecclesiasticis sententijs, censuris, & penis à iure, vel ab homine quauis occasione, vel causa latis, si quibus quomodolibet innodatus existit, ad effectum presentium dumtaxat consequendum harum serie absoluentes, & absolutum fore censes, supplicationibus huiusmodi inelucti: Eisdem Ludouico, vt quindecim annis proximis durantibus à primæus dictorum librorum, dummodo tamen illi antea à dilecto Filio Magistro Sacri Palatii Apostolici approbati sint, impressione computandis; ac mo tam in Vrbe, & reliquo statu Ecclesiastico mediate, vel immediate nobis subiecto, quam extra illum vbius opera prædicta sine speciali d. Ludouici, aut eius Hæredum, & Successorum, vel ab eis causam habentium licentia imprimere, aut ab alio, vel alijs impressa vendere, seu venalia habere, seu proponere possit, & valeat, Apostolica autoritate tenore presentium concedimus, & indulgemus. Inhibentes propterea vniuersis vtriusque sexus Christi fidelibus præsertim Librorum Impressoribus eorum extra statum prædictum existantibus sub excommunicationis latæ sententiæ, ac quo ad eos, qui in districtu existant, etiam quingentorum ducatorum auri de Camera, & amissionis librorum & typorum omnium pro vna Camera nostræ Apostolicæ, ac pro alia duabus partibus Accusatori, & Iudici exequenti irremissibiliter applicandorum, & eo ipso absque ulla declaratione incurrendis penis, ne quindecim annis huiusmodi durantibus opera prædicta, nec aliquam eorum partem tam in Vrbe, quam extra illam subueniant huiusmodi licentia imprimere, aut alibi ab alio, vel alijs impressa vendere, vel venalia habere, seu proponere quouomodo audeant, seu præsumant Mandantes propterea dilectis Filijs nostris, Apostolicæ sedis de latere Legatis, seu Vicelegatis, aut Presidentibus, Gubernatoribus, Prætoribus, & alijs iustis Ministris Provincialium, Ciuitatum, Terrarum, & Locorum status nostri Ecclesiastici, quatenus eidem Ludouico, cuiusque Hæredibus, & Successoribus, ea ab eis causam habentibus huiusmodi in præmissis efficentis defensionis præsidio assistentes, quandoque ab eodem Ludouico, seu alijs prædictis fuerint requisiti penas prædictas contra quoscuque inobedientes irremissibiliter exequantur. Non obstantibus Constitutionibus, & Ordinationibus Apostolicis, ac quibuscumque statutis, & consuetudinibus etiam iuramento, confirmatione Apostolica, vel quauis firmitate alia roboratis, priuilegijs quoque, indulgijs, & litteris Apostolicis in contrarium præmissorum quomodolibet concessis, confirmatis, & approbatis, ceterisque contrarijs quibuscumque. Volumus autem, vt presentium transumptis etiam in ipso opere impressis, manu alicuius Notarii publici subscriptis, & sigillo alicuius Personæ in dignitate Ecclesiastica constitutæ munitis, eadem prout fides adhibeatur, quæ adhiberetur presentibus, si forent exhibitæ, vel ostense. Datum Romæ apud S. Petrum sub annulo Piscatoris die decima Aprilis 1634. Pontificatus nostri anno vigesimo.

M. A. Maraldus:

Quæ aut Correctoris incuriâ, aut Impressoris festinatione errata aduertimus, hæc sunt.

<i>Pagina.</i>	<i>Linea.</i>	<i>Error.</i>	<i>Correctio.</i>
In ded.			
PP.	2	8	Traianorum,
In præf.			Troianorum.
ad lec.	2	6	emanasset.
19	1	in margine	emanasset
26	23	iussit	Iudic. cap. 4.
32	18	factitatis	iussit
53	24	edificabo	factitatis
63	20	Pius 2. Senensis	edificabo
63	23	Victor is	Iulius 2. Sannonensis
65	24	matre	Victorij
82	1	hi	Coniuge
92	8	citra	ij
98	13	religiosis	citra
102	24	iam præcitata	religionis
103	22	ex remissis	(dele)
106	14	Qua	ex remissis
107	19	tectorio	Hac
122	9	effudit	tectorio
123	9	persuasum	effudit
123	22	proptus	persuasum
124	21	nobilissima	proptus
131	14	Dirutum	nobilissima
133	27	fideliū	dirutum
134	9	inuestigandas	fideliū
142	21	exclamationis	inuestiganda
151	3	sue	exclamatione
154	6	tantum	sue
162	4	suo	dele
166	8	Victor	sue
171	18	excerptis	Vinitor
173	1	Alarum	excerptis
179	12	dicens	alarum
181	26	Seyro	dicis
197	18	sic	super
198	2	ve remini	est
199	11	blasphemias	veremini
			blasphemias



